

Дагъусттан республикалул дуккавил ва элмулул министерство

Педагогикалул элму ахттар дуллалисса А.А. Тахо-Годил цІанийсса институт

П. М. Магъдиева

УРЧИЛЧИНМУР КЛАССРАВУ
ЛАКРАЛ ЛИТЕРАТУРА ЛАХЪХЪАВУ

МахІачкъала - 2019.

Вив БУМУР

Хъхъич1махъ.....	3
I. Урч1илчинмур классрансса лакрал литературалул хрестоматиялул сакиншинна.....	7
II. Урч1илчинмур классраву лакрал литературалул дарс дишаврил мурадру ва масаларду.....	31
III. Литературалул произведение лахъхъайни мунил ялув дайсса давуртгал низам.....	35
1) Произведение лахъхъин хъхъич1сса махъ.....	36
2) Пасих1сса, асар хъунсса букваву.....	39
3) Мукъурттищалсса даву.....	43
IV. Урч1илчинмур классраву дуклакисса оърч1ал дак1нихсса ва чичрулийнусса гъалгъа магъир баву.....	47
1) Цаннал ихтилатрал ялувсса даву.	48
2) Мурад бусаву ва мунил оърч1ал маз магъир бавринсса агъамшиву.....	50
3) Чичрулийнусса гъалгъа магъир баврил къяйдарду.....	52
V. Урч1улчинмур классраву, лакрал литературалул дарсирдай, прозалул произведенияртту лахъхъаву.....	71
VI. Назмулий чивчусса произведенияртту лахъхъаву.....	134
VII. Лакрал литературалун хас дурну, классрал ва школалул къат1ул дайсса давуртту.....	180
Аьркин дурсса литература.....	200

ХЪХЪИЧІМАХЪ

«УрчІулчинмур классраву лакрал литература лахъхъаву» тІисса даву хас дурну дуссар школарттай лакрал литература дихълахъисса учительтуран.

Давриву, цІуну сакин дурсса кІулшиву дулаврил программалийн чул бивщуну, ккаккан дурну дуссар урчІулчинмур классрал литературалул хрестоматиялийсса личІи-личІисса журалул произведенияртту лахъхъаврил къяйдарду.

Даврил агъанмур мурадну хъанахъиссар дарс дихълахъиминнал захІмат бигъа баву, гайннал даврил усттаршиву хъхъичІуннай даву.

Лакрал литературалул дагъусттаннал литературалуву хъунмасса кІану бугълай бур, мунил чІалачІи буллай, оърчІан кІул хъанай бур хъхъичІавасса бикІу, утгисса, бикІу халкъуннал багъу-бизу, тарих, миллатрал вирттал, гайннал дурсса виричушивуртту, халкъуннал бакІрачІан дуркІсса кІусса ва ххарисса къинирду, зунттал халкъуннал яхІ, намус, къирият, инсаншиву, чувшиву.

Лакрал литература хъанай дур дуклаки оърчІал дакІнил хІал, адав, мяърипат тарбия дан кумаг буллалисса ца гъанусса предметну. Мунил кумаграйну сакин хъанай дур дуклаки оърчІал ххуймунихсса ччаву, мунал аькълу-кІулши ва дуниял дурчІаву.

Мунияту лавайми классирттаву багълай бур ттининнин дуллай бивкІсса давуртту хъхъичІуннай дачин дан, дуклаки оърчІаву тархъанну, гъалатІ бакъа, аьчухну буклансса бюхъу ва кІулшиву сакин дан, луттирду буклансса гъира бутан.

Литературалул гъанусса мурадну хъанай бур художественный произведениярду буккаву ва ми лахъхъаву.

Хрестоматиярдавун бухлахисса гьарцагу произведение агьамсса бур, цанчирча, ми бавх1уну бунут1ий инсантурал оьрмулуву хъанахъимунищал.

Литература лахълахъини гьарца оьрч1ал цанма хасну къамул байссар художественный произведениелувусса геройнал хасият, т1ул-т1абиаьт, ххуймур, оьккимур, инсаннал бурж, инсап. Му бакъассагу, оьрч1ру к1ул хъун аьркинссар оьрмулул аьмсса сакиншиннаращал, ч1умушал бавх1уну оьрму баххана хъанахъисса куццушал, оьрмулуву диндалул бугълагъисса к1анттущал, техникалуву ва элмулуву хъанахъисса хъхъич1уннайшивурттащал.

Литературалул произведениялуву мукьурттийну кккаккан дурсса, хъинну к1анайн дуртсса оьрмулул сурат буклакинан асаргу хъанай, аькьлу к1улшилувунгу духлай дур.

Ц1усса лакрал литературалул к1улшиву дулаврил программалул т1алавшиннарайн бувну, литература лахъхъаврил гъанусса мурадруну хъанай бур:

1. Буккаврил ва литература лахъхъаврил оьрму хъхъич1унмай шавринсса агьамшиву бувч1аву; оьрму бувч1ин, цува ва ц1анасса оьрмулуву цукун зана-къала хъананссарив к1ул хъуншиврул, инсантуращал х1алимсса х1ала-гьурттушиву сакин хъуншиврул мудан буклансса, литература лахълансса мюхтажшиву щаллу шаву.

Литература миллатрал гъанусса, къимат лавайсса культурану, оьрму бувч1аврил лялич1исса къяйдану ч1алач1аву.

3.Оьрч1ру, литература искусстволул ца журану къамул дан х1адур баву, мий литература сакин хъанахъисса куццушал, мунил тарихращал ва культуралушалсса дах1аврищал, му литературалул произведениялуву халкъуннал багъу-бизу аьдатру ч1алач1и дурну душиву дурч1лайсса даражалийн буцаву.

4. Оьрч1ру лакрал ва дагъусттаннал ххуйми произведенияртташал, миннул жуардашал, пасих1сса мазрашал к1ул баву.

5. Цалнияр-цал буквавил даража ххуй баву, бувккумунил мяъна дурч1аву, бувккумур ххал бивгъуну, хъирив лаяву.

6. Мазрал магъиршиву, устаршиву пикрилувун ласун кумаг буллалисса теориялул суаллая к1улмур гъарта баву.

7. Произведениялул хъирив лаян, га ххал бигъинсса бюхъу ва к1улшиву сакин дан, хияллаву хъхъич1 бац1ан баврил, цайнува цала ляхъан баврил бюхъурду щаллу бан.

8. Дак1нихсса ва чичрулийнусса маз магъир баву.

9. Ласун цинярдагу гъанусса дуклакинан аьркинсса к1улшивуртту (кут1ану, т1айлану бусан данмунил мурад, мяъна, дуван мунил план, аьркинсса литература ляркъуну ишла дан Интернетрая т1айла хъуну).

Урч1илчинмур класс кьуртал буллалисса оьрч1ая т1алав дуллалисса предмет к1улшиврул ккаккиартту дик1ан багълай бур:

- программалий лахъхъин ккаккан бувсса художественный произведенияртту историко-литературный курсирал гъанулий к1улну бик1ан;

- хавар бик1ан щала лакрал литературалия ва дагъусттаннал агъанми чичултрал произведениярттая;

- бюхъан гъартану пикри буллан оьрмулул мяъналия, ларгсса ч1уннардия шинмайсса инсантурал къадардая, миннал оьрмулунсса литературалул ва искусстволул агъамшиврия.

Метапредметрал к1улшивуртту (ккаккиартту) дик1ан багълай бур:

- тархъанну личи - личисса журалул планну даврил къяйдарду ишла дан бюхъан;

- личи-личисса журалул мурад бусаву ишла дан бюхъан;

- гьартану справочный материаллу ва интернет-ресурсу ишла дан ва миннушал зун бюхъан;

- аькьлулул кьувкьумур исват буллан, бувчин буллан бюхъан.

Личностный результатру (ккаккяртту) диклан багълай бур:

- программалул дакних лахъхьин ккаккан дурсса циняр текстру клулу диклан;

- бувккумуниясса цала пикри, аькьлулул кьувкьумур, хлуччарду буцлай тлайлашиврий бацлан бан, бувккумунил чулухунмайсса цала ургаву цукунсса дуссарив чалачи дан;

- личи-личисса журалул творческий давуртту чичин, шаллу дан бюхъан;

-багъайсса куцуй тлайласса кымат бищун цанма ххирасса, цала буккайсса луттирдан.

«Урчилчинмур классраву лакрал литература лахъхъаву тисса» давриву, цлусса клулшиву дулаврил программалийн чул бивщуну, хларачат бувну буссар ва классраву дарс дишайсса учительнан кумаг бан лакрал литературалул дарсру аьркинсса даражалий дишин.

I. Урчлалчинмур классрансса лакрал литературалул хрестоматиялул сакиншинна

Урчлалчинмур классрансса литературалул хрестоматия сакин буну бур Дагъусттаннал клулшиву дулаврил Министерстволул 2013 ку шинал ита даркысса программа гъануну ларсун. Хрестоматиялувун бивчуну бур программалий ккаккан бувсса, классраву лахъхьинсса ва цайнува цала буккинсса произведенияртту.

Миннува 43 произведение бур оьрчлал классраву лахъхьинсса, 5 оьрчлал цайнува цала буккинсса.

Урчлалчинмур классрансса литературалул хрестоматиялувуну дуллуну дуссар дяъви къуртал хьуну махъсса, ва тания махъ цланасса члумуйн дияннинсса лакрал ва дагъусттаннал чичултрал ва шаэртурал творчество.

Хрестоматиялувусса произведенияртту бивхьуну бур программалий ккаккан дурсса низамрай. Мий бур ххуймур лаласун, оьккимур личли бан, адаврай оьрму бутан лахъхьин буллалисса.

Урчлалчинмур классраву, мьялчинмур классраву байбивхьусса историко-литературный курс ганияр гихунмай бачин байссар.

Миллатрал чичрулийсса культуралувуну духлай дур элмурдал личли-личлисса журадая, халкъуннал тарихрая, багъу-бизулия, миннал пикрирая хияллая, обществалул законная ва мукума цаймигу иширттая дурсса чичруду. Ва журадул культуралувуну агъамсса клантту бугълай бур литературалул: поэзиялул, прозалул, ва драматургиялул.

Литературалул произведениярттаву члалан диклайссар чичул оьрму бутлатисса члун, члумул тлалавшинна цукунсса дирклссарив, та члумун хасну халкъуннал пикри-зикриду цукунсса бивклссарив, оьрму бутаврил шартлру цукунсса дирклссарив.

Дунияллий ва халкъуннаву хъусса ва хъанахъисса личли-личлисса ишру литературалул члумун хасъсса, мяълумсса сипатирттайну (образирттайну) ккаккан байссар.

Цукунсса иширттая чичирчагу литературалул произведение, ганиву гъарца члумал агъамсса клану бувгъуну бур инсаннал ва мунал оърмулул, цанчирча, так ца инсаннайхчлин чичуца ккаккан бан бюхълай бунутлий халкъуннал хлала-гъурттушиву, миннал дуллалисса давуртту, пикрирду, тлул-тлабиатру ва м.ц. Вай гъарцазат щаллуну ххал бигълагъисса произведенияртту буклакисса члумал жунма члалай бур хлакъсса инсантал, миннал дуллалимур, миннал баклрачлан бувклмур ва пикрирду.

Ччарча балайрдаву, ччарчагу литературалул цайми жулардаву – прозалулу, драматургиялулу чичул ккаккан бувну биклайссар цува оърму бутлатисса члумул цумур бунугу ца бутла. Мукунсса ккаккан бавривату клул шайссар мунал ци мурад буссарив, му ссал ялув ччалиш хъанай уссарив ва ци тлалав дуллай уссарив. Амну лавсун, ци члумал дузал хъусса литература духъурчагу, мунил халкъуннал бутлай бивклсса ягу бутлатисса оърму ккаккан бувну биклайссар. Муниятур художественный литературалул инсаннал за бувчлин баврил чулуха агъамсса клану бугълагъисса.

Дунияллул иширттая за бувчлин байссар цаймигу элмурдал (физикалул, химиялул, историялул, географиялул ва м.ц.) Вайннул чичрурду художественный произведениялул чичрурдаяр хъинну личлиссар. Элмурдал луттирдай за бувсун биклайссар тлайланнасса мяъналий, сипатру ккаккан къадурну. Художественный литературалул тлурча, дунияллул ишру, инсаннал тагъар члалачли дайссар анжагъ сипатирттайну. Мукун ккаккан бувну, члалачли бувну бур шаэртурал ва чичултрал Хъунмасса Буттал кланттул цланисса дяввилул члумалсса, дявви къуртал хъуну махъсса ва

цланасса члумуйн бияннинсса дагъусттаннал халкъуннал оърму урчлулчинмур классраву лахълахъисса произведениярттаву.

Урчлулчинмур классрал программалувун бухлай бур чичулт: А. Гъапуров, Ю. Хаппалаев, А. Аджаматов, Р. Хlамзатов, А. Мудунов, И. Керимов, Х. Авшалумов, М. Махlаммадов, Н. Юсупов, Б. Рамазанов, С. Къурбанова, А. Абубакар, М-З. Аминов, З. Айдамиров, М. Давыдов, К. Мазаев, К. Кажлаева, М. Шурпаева, Аь. Айдаев, А. Адамов, С. Увайсов, Цl. Камалов, С. Касумов, А. Абдуллаев, Хl. Курухов, Р. Башаев, М. Оьмаров, Д. Магъдиев. Вайннал сакин дурмур, чирчумур дагълай дур дяъви къуртал хьуну махъсса литературалувун.

Хьинну захlматсса дяъвирдаву Германия ва Япония бух бувсса члумал Совет халкъуннал хъхьичl бавцlун бивкlссар хьунисса масъалартту: дяъвилий заэв хьусса хlкумат ччаннай дацlан даву, лекъа-пlякъу хьусса шагърурду ва щархъурду луххава ва эллава гъаз даву, дунияллий паракъатшиву цlакъ даву.

Та члумал жула билаятрал сий хьинну ларайну диркlссар: дунияллийх машгъур хьуссар немецнал фашистътураяр ва японнал дяъвичитураряр ххув хьусса Совет Аьрал, ччяни экономика ччаннай дацlан дан бювхъусса халкъ. Совет Союзрал дустал чlяву хьуссар, амма душманталгу чан къавхъуссар. Американал хьуниминнан танива ччай бивкlссар циняв халкъ цала ккаккан буллалисса ххуллийх бачин бан, жула хlкуматрал рай къабуллуссар гайннахъхьунгу.

Оьрмулун лархъхьуну литературагу хъхьичlуннай хъит тlий диркlссар. Ганил агъаммур масала бивкlссар цlусса инсан тарбия аву. Тарбия ан аьркинну бивкlссар инсаншиву дусса, за клулсса, элму дурккусса марцlсса, тlайламунийн клункlу тlисса, дугърисса, захlмат бангу махъунай акъасса инсан. Дагъусттан республикалул

хъунимнналгу къулагъас дуллан бивк1ссар литературалух ва искусстволух. Гайннал х1укмурдал кумаг бувссар литература ва искусство оърмулуц1ун дах1аврин, халкъуннал культура гъаз даврин.

1954-ку шинал дарт1сса СССР-данул Чичултрал к1илчинмур съездрай къамул бувсса х1укмурдал лялич1ину хъунмасса асар биян бувссар литературалийн. Гайннул кумаг бувссар чичултрал пикрирду хъхъич1унмай бачин бан литературалувусса къяртри, теченияртту аьлттуну дачин дан.

Лакрал чичултрал луттирду буклан бивк1ссар оьрус мазрайн таржума бувну Москвавий. Оьруснал ва цайми халкъуннал чичултрал произведениярду таржума буллан бивк1ссар лакку мазрайн.

Литературалул темарду гъарта - гъарза хъуссар, шаэртурал ч1урду аьчух хъуссар.

60-ку шиннардия шихуннай Дагъусттаннал литература хъинну авадан хъуссар. Жула х1укуматрайх ва дунияллийх машгьур хъуссар ч1явусса дагъусттаннал шаэртал ва чичулт.

Та ч1умал поэзиялушал арх1ал ц1улаглан бивк1ссар прозалул жанрарду, оьрч1ансса литература, драматургия. Хъхъич1ванияр ч1яву хъанан бивк1ссар литературалуха зузисса критиктурал луттирду ва статьярду. Дяъвилун хас бувсса ва дяъви къуртал хъуну махъсса оьрмулун хасъсса произведенияртту чичлай бивк1ун бур Абуталиб Тъапуров, Ибрагъимхалил Къурбанаьлиев, Абакар Мудунов, Абачара Х1усайнаев, Мирза Мах1аммадов, Мах1аммад Башаев, Ильяс Керимов, Бадави Рамазанов, Нураттин Юсупов, М-З. Аминов ва м.ц.

Дяъви къуртал хъуну махъгу лакрал шаэртал ва чичулт цала произведенияртту хас буллай бивк1ссар немец-фашистътуращалсса талатаврин. Гай ц1арду дуллай бивк1ссар зах1матсса дяъвилий ларсъсса ххувшавриха, мунийну шавкъ рутлай дяъвилий талай бивк1миннал дак1урдивун. Та ч1умалсса ч1явусса произведенияртту

хас бувну бивк1ссар дакъаврингу, зах1мат буллалиминнангу, халкъуннал дянивсса дусшиврунгу, оърмулуву хьуна дакълай дирк1сса диялдакъашивурттангу, жула халкъуннал тарихрангу.

Тай шиннардий шаэртал ва чичулт аьчухну, цала дак1нива нанисса куццуй, цала ц1анияту буккултращал ихтилат буллай бур. Гайннал произведениярдавусса шугълурду, учинмур ва бусанмур хьхьич1ванияр асардал гъели бувну, буккултран бюхханну шаллу бувну бур.

Цайми миллатирттал халкъуннал творчество куна, лакралмургу дур дунияллул тагъар ххал дигълай, произведениярттаву миннал сакин дурсса дуниялгу дур гъалакнуну щарай, даххана хъанай. Шаэртал ва чичулт бур оърмулувусса хьинмунил ва оьмунил дазу ришлай, ххуймур ва оьккимур курт1ну ххал бигълай, х1акъмур ва щялумур кунния ку лич1ий буллай, ас-ламусрал масалартту гъаз буллай, миллатрал хасиятрал ва тарихрал хьирив лаянмур буллай, тарихраву ливч1сса ххуймур халкъуннан бусрав буллай. Гай бур ппухълуннал дурсса хьунисса, хъамаритан къашайсса давурттан, Хъунмасса Буттал к1анттул ц1анийсса дяъвилуву дурсса виричушивурттан, ганил хьиривсса зах1матсса, ккашилсса ч1умал бувсса ях1лин лавайсса къимат бишлай.

Урч1улчинму классрал хрестоматия байбихълай бур Дагъусттаннал халкъуннал шаэр Абут1алиб Гъапуровлул творчестволия. Ва классраву лахъхьин ккаккан бувну бур ванал «Ттул дак1 дустуран цач1уссар», «Зунттал к1ану», «Дакъаву чча» т1исса назмурду. А.Гъапуров яхъанахъисса ч1ун дур социализмалул ва капитализмалул дянив бяст бусса, гай системарду куннищал ку ччалаччисса ч1ун. Мунияту га халкъуннайн оьвт1ий ур цахъияра, зах1мат буллугъссар, зузи, т1ий. Шаэр ур дяъви къачча, т1ий,

дяввилин кърши уклай, дакъврийн овтлий «Дакъаву чча» тїсса назмулуву.

«Зунттал клану» тїсса назмулуву шаэрнал чїалачїи дуллай ур караматсса зунттал сурат, мїйжаннугу Лакрал зунттурду бур гїнттул – щюллисса дарайлул кунма, уртту - тїутїан бавкьусса, клїнттул - клїяла дарайлул кунма, марххалттал бувгьусса. Хьинну дакьлай дур дувссилїйх кьалай экьїлагай тїсса сипатгу. Кьалайчинал даву клїулнан дакьа га сипатгу щинчїав даклїнин кьадагьанссїя. Масала:

*Ца хьинну дакьайхха,
Барзунттайх дарай,
Экьї гьайсса кунна,
Дувссилїйх кьалай.*

«Ттул дакл дустуран цачлуссар» тїсса назму хас дурну дур цлусса оьрмулун, совет билаятраїсса цалагу, дустуралгу оьрмулун.

Назмулул гьанусса мурадну хьанай бур цлусса оьрмулул цїа бюхттул даву. Шаэр цлусса оьрмулїя тїїй ур:

*Харж буванна
На ттула гуж
Цїу оьрмулул савлугьран.
Тархъан хьусса,
Талїхїрайсса
Цїняв ттула
Дустуран....*

Цїу оьрмулул цїанїй шаэр хїадурну ур цала дакл, жан, гуж гьурттуну дустурайх бачлїн. Га цїу оьрмулїнгу шаэр тїїй ур: «Абадлїйсса, чанна лавхьсса, илкїнссa» Вана укун: кутїану, бюхханну, пасїхїну.

Вава классраву оърчлру клул хьунтлссар Дагъусттаннал халкъуннал шаэр Юсуп Хаппалаевлул чивчусса «Аьвкъун ппу хьуссарив?», «Чичаракъай нагу «Ятлул луттирай» тлссса назмурдащал. Вай назмурдайнуну шаэр члалачли дуллай ур цала буттал клантгухсса, мазрахсса ччаву. Шаэр къуману, пашманну ур эяллайн дуккан къадиртсса шархъурду члалай. Цала ппухълуннал миналухсса ччаврил шаэр чичин уллай ур лакрал миллатрай аьй-бювкъу дуллалисса шеъри. Цукунни жунна даклнин къадагъайсса клай къурдарах, хьурссуй ницру бавхлуну, хьуру дугълай, дуртлусса буттахъал гьухъ тлий ур шаэр:

Ягу зул ттаттахъал

Хлайп увкуссарив,

Ватан ядан цала

Жаннугу, оьгу?

Бухрив лаглагисса

Барзунттал арсру?

Шаэр леххаврий оьвтлий ур цала аьзизсса миллат цаннал ца бугъаврин, дусшиврийн, цачлун шаврийн. Даклнихтуну тикрал буллайгу ур:

Ттул аьзизсса миллат ,

Аьзизсса миллат!- тлий.

Лакрал чичултрал произведенияртту бакъа урчлулчинмур классраву лахъхъайссар дагъусттаннайсса цайми миллатирттал шаэртурал ва чичултрал произведениярттугу, вайннавацца ца хъанай ур А.Аджаматовгу.

Буттал кланттул цланисса Хьунмасса дяъвилул шиннардий Аتكъай чичлай ивклссар патриотийсса произведенияртту. Дяъви къуртал хьуну махъ Аتكъай чичлай ивклун ур назмурду, хаварду,

пъесарду, очеркру, оърчлансса произведенияртту. Ва классраву лахъхъайсса «Къумукънал авлахърай» тлісса повестъраву вих хъунсса куццуй, яргну члалачлі дурну дур гиву гьуртту хъанахъисса геройтурал сипатру. Вайнналгу, цайминналгу, сипатру чичу ялун личин дуллау ур оърмулуву хъанахъимунийхчлін. Ккаккан дуллау ур гивусса геройтурал духлін, мяърипат, инсаншиву.

Учительница Нинал дневникрайхчлін члалачлі бувну бур шяравусса халкъуннал оърму баххана хъанахъаву: шяравун луттирду, кино, ххуйсса къатлул къай дучлаву.

Ларайсса, ххуйсса хасиятру дусса геройтал авторнал ккаккан бувну бур къадарсса, щурсса тлул - тлабиаътращалсса колхозрал председателъ Исрапил ва земотделданул зузала Идрислул лацинсса дуллалимунийн къаршину буклай.

Оърмулуву хъанахъимунивух хлала увххуну ва му хъанахъимуния цала пикри бусайсса чичу хлісаврай Аткаъай члалачлі буллау ур къадарсса тлулал заллукъругу, тлайласса захлатрал агьлугу.

Аткаъай Аджаматовлул творчество лархъхъуну махъ оърчлру клул хъунтліссар Дагъусттаннал халкъуннал шаэр Расул Хламзатовлул творчестволушал. Программалійн бувну ванал произведениярттава лахъхъин личлі бувну бур «Ниттил маз» ва «Къурукъру» тлісса назмурду. «Ниттил маз» тлісса назмулуву шаэрнал бюхханну бувсуну бур ниттил мазрая ва мунил агъамшиврия. «Къурукъру» тлісса назмулул гъанусса мяъна дур Ватан тархъан даврил цланий ливтлуминнан, дяъвилул майданнай шагъид хъуминнан бивклу бакъассар тлутлісса.

Клайннаяр махъ оърчлру клул хъунтліий бур Абакар Мудуновлул творчестволушал. Ванал «Буттал шяраву» тлісса повестъгу хас бувну бур дяъви къуртал хъуну махъсса члумун. Дяъви

къуртал хьуну мукъахсса шиннардий халкъуннал хьхьич1 бавц1усса ца агъамсса масалану хъанай бивк1ун бур халкъ дукиялул щаллу баву. Цала повестъраву А.Мудуновлул ч1алач1и буллай ур му масала щаллу баврил ххуллий колхозниктурал бихълай бивк1сса зах1мат. Цала вирттал, гайннал хасиятру авторнал ч1алач1и дуллай ур жяматрал дуллалимунийхч1ин.

Хьирив оьрч1ру к1ул хьунт1исса чичуну хъанай ур Ильяс Керимов. Ванал ц1а машгьур хьуну дур «Лич1ишаву» т1исса роман бувккуну махъ. Романдалул гъанусса теману хъанай дур, къадарданул лах1ан къабувну, оьрмулуву лайкъсса к1ану бугъансса гуж цивува лявкъусса зунттал душнил къадар.

Яласса к1улшаву дуклаки оьрч1ал хьунт1ий дур Хизгил Авшалумовлушал. Ва ур мюрци хавардал усттар, ябац1ансса повестирдал, очеркирттал ва пьесардал автор.

Хизгил Авшалумовлул творчествалул агъанмий ярагьру бур сатира ва юмор: рашхант, хьярч, махсара. Чичу дащуй дихълай ур дух аьдатру, бух заманная лирч1сса ц1аншивуртту, ттизаманнул цуркинт, х1анх1ач1улт, бюрократътал. Цала произведениярдаву чичу ишла буллай ур халкъуннал учаларду, лулякьурду, магьри, оьрмулуву хьуна бакъайсса ишру, цанма к1улсса инсантурал хасиятру.

Ванал ххирамур жанр дур хьярчисса хавар, новелла, мукунсса хавар хъанай бур ва классраву лахъхъайсса «Пат1има бавал гьалмагъай» т1исса хаваргу.

Хаварданул агъанмур мурад бур душнил ихтиярдугу, ц1агу, намусгу ябавриц1ун, жагьил бявкъу ххуллия айщин увну, т1айламунин уцаву. Хаварданул дур цинна лархъхъусса лялич1ишиву. Га чивчуну бур Пат1има-бавал бувсъсса хавар кунма. Хьунмасса оьрмугу бувтун, ссаву ци буссарив к1улсса къари дур кут1ану, амма тунтну буслай цинма хьумур.

Дяъвилул члумалсса ва дяъви къуртал хьуну махъсса оърмулия чичлай ивк1сса лакрал чичу ур Абачара Х1усайнаевгу. Ва гьуртту хьуну ур Хьунмасса Буттал кланттул цланисса дяъвилий, талай ивк1ун ур Донской фронтрай, ккаккан дурну дур къянкъашивугу, чувшивугу.

Ватандалул тема гужлан хьуну дур Абачара Х1усайнаевлул творчестволуву дяъвилул шиннардий. Дяъвилул члумалсса ганал назмурду дур виричушиврийн оьвт1сса. Гайннуву хьинну ххуйну даркъуну дур шагьрурдал, хьунисса неххардил, тарихраву бюхттулну ливч1сса полководецтурал цларду.

Дяъви къуртал хьуну махъ А. Х1усайнаевлул чивчуссар ц1усса произведениярду, ганал творчестволул темардугу гьарза - гьарта хьуссар.

Абачара Х1усайнаев шугълурдай ур дазу-зума дакъасса космосрая, инсаннал бюхьулул ахир дакъашиврия. Га къуц1у уллай ур, арцул ганз дурсса жипгу цлакьлин дургьуну, жяматрал хьус канакиминнал обществалун ва х1куматран буллалисса зараллу ч1алай.

А.Х1усайнаевлул чивчусса шанма повестъравасса ца лахъхьин ккаккан бувну бур урч1улчинмур классраву.

«Нак1ливух оь х1ала шаву» т1исса повестъраву, Хьусрациял шяраву хъанай бивк1сса ишру гьанулун лавсун, чичул ккаккан бувну бур та члумалсса колхозрал оьрму. Колхозирттаву, ца чулуха, буллугъ хьуну, колхозниктал цанма багъайсса къама къаласласисса кланттайн биярчагу, гамур чулуха даврихух лавгун бакъар. Мунил сававгу – колхозрал хьус къюлт1ну цалалуш дуллалими гьарза хъанахъавриву бур. Ганил гьанусса мяъна, агьанмур мурад бур колхозраву циняв марц1ну, кунная ку рязину зун аьркинссар,

колхозрал хъуслих багъайкунсса аякъа дурну, бак1 ц1уц1и бувну бачин бан аьркинссар ишру т1исса.

К1анал хъирив дуклаки оьрч1ру к1ул бан багълай бур лакрал шаэр Мирза Мах1аммадовлушал. Га шеьрирду чичлан айивхъуну ур дяьвилул хъхъич1сса шиннардийва. Ганал назмурду дур Буттал к1анттул ц1анийсса Хъунмасса дяьвилий талай бивк1миннаха, буттал билятраха, дакъавриха, ччавриха. Ганал творчестволуву бур философийсса шеьрирдугу, гайннуву шаэр шугълурдай ур оьрмулия, инсаннал хасиятрая.

Фронтрай душманнашал талай, оь эки бувт1сса шаэрнал творчестволуву агъамсса к1ану бугълай бур дяьвилул темалул. Ва классраву лахъхъайсса «Дак1нин бутаву» т1исса назму дур шаэрнал дяьвилул иширттан хас дурну. Шиву шаэр дак1нин дутлай ур дяьвилул суратру. Шинну ларгун махъгу ганал итталух занайнна дур ц1арал дугъусса къатри, ччувччуну нанисса т1ут1айх бивчусса багъ, мурхъру, яру т1ивт1уну бунува ивк1усса къужлул къаркъала, оьттул гьулуртусса мюрци къаркъаллу, цуппа сагъну бусса ч1умал щинч1ав ккаккан къабивтсса хъазамгу ябивхъуну багъсса душнил нурч1и. Дяьви къуртал хъуну махъгу шаэрнан баллай бур дяьвилул ххурхху аьрщараягу, ссавруннаягу.

Шаэрнан цала дяьвилий ккаккан дурсса чувшивугу, виричүшивугу ниттия ва буттая нанисса дирк1шиву бувч1лай бур. Тархъаншиврухлу талатинан абад бивк1у бакъашиву бувч1ин бан ччай ур шаэр.

Гихунмай оьрч1ру к1ул бансса творчествону хъанай дур Нураттин Юсуповлул творчество.

Нураттин Юсупов машгьур увссар оьрч1ансса назмурдал. Ганаща бювхъуссар щала Совет Союзрал оьрч1ансса поэзиялуву лайкъсса к1ану бугъан, га ц1у лаган бан, оьрч1ан ххира хъун дан.

Халкъуннал дакӀнихсса творчествалингу хъар хъанай, мюрщи оърчӀал оърму, гайннал асарду, пикрирду кӀулну, оърчӀал аралийн цува иллай, шаэрнал щаллу дурссар, оърчӀан дурчӀинсса, гайннан хӀаз дизансса суратру, мюрщи вирттаврал сипатру.

Мюрщими буккултрансса произведениярдаву шаэрнал ишла дурну дур аьжаивну ххаллилсса сюжетру. Гайннуву чӀявуну хьунабакъай хъярч-махсара, аькьлу бусса махъ, ххуйсса тӀул. Гайннуву шаэр ур оърчӀан захӀмат бангу, виричунал кунма хъит чингу, хьинмунийн цала дакӀ тӀитӀингу, оьккимур ва ххуймур личӀи бангу лахъхьин буллай, гай тарбия буллай.

Шаэрнал цала назмурдавусса оърчӀру мудан оърчӀрунува битлай ур. Гай лагма-ялтту хъанахъимунихгу цала зумуну буруглай бур. Жанрардал чулуха шаэрнал произведениярду личӀи-личӀисса бур. Гайннуву бур шеърирдугу, маьригу, поэмардугу, назмулийсса хавардугу, балладардугу. Ва классраву оърчӀру кӀул хьунтӀиссар «ХӀухчил къатта» ва «Цуксса къаччайнугу, цуксса ччайнугу» тӀисса назмурдащал. «ХӀухчил къатта» тӀисса» назмулуву цӀа дурну дур варсуя. Варси бур хӀухчин чара бакъа аьркинсса – хӀухчил къатта. Га бур кӀукӀлуссагу, ганил итадакълай дакъар гъаралгу, аькьин къаитай марххала барчагу, марч бищурчагу. Варси бур къаттагу, къувлул шанугу кӀукӀлусса кӀаралугу, гъелисса виргъангу. Назмулуву га лашан бувну бур къатлухагу, кӀараллихагу, виргъандалухагу. «Цуксса къаччайнугу, цуксса ччайнугу...» тӀисса назмулуву школа къуртал бувну, цӀусса оьрмулувун нанисса жагьилтурая гъалгъа тӀий бур. Жагьил вихну ур цува чув ухьурчагу, цала дакӀниву школа бикӀаврин. Га личӀий хъанай ур дустураятугу, буттал къатлуятугу, ганал нину - ппу, гъанми дихълай бур ганахъ оьрмулул дарсеру: инсанну яхъанан, намус буруччин, цала захӀматрайну ччатӀ лякъин.

Бадави Рамазановлул чивчумуния ва классраву лахъхъин ккаккан буну бур «Урша гъавгъ душ» ва «Устартал» тлісса произведенияртту.

Цала назмурдаву Бадави Рамазанов чичлай ур оърмулуву хъусса иширттая, хъуна бавкъусса инсантурая, ккаккмуния, клулмуния, бавмуния. Ганан пахру бур Лакку билаятрая, лакрал захілат бан ххирасса, захілатрал хлурмат бусса миллатрая, бусраврай дакнін бичлай ур цала дустал. Га нааьнарай ур Бутта клантуйн ххяххсса немец-фашистътурин, цлунил цлусса дяьви бан хладур хъанахъиминнайн.

Дяьвилийн нааьна дуллалисса бур ганал «Урша гъавгъ душ» тлісса шеъри. Ганиву шаэр буслай ур дяьвилий мурчлі хъусса цала дусная, кьини дурккукун, ганал чларав бавцлусса душния. Назмулуву дяьвилул члумалсса оърмулул къанатшивугу, инсантурал чувшивугу цалин дурцуну дур.

«Устартал» тлісса шеърилуву лак ккаккан буну бур устартшиврул цла дунияллийх дуккан дурсса инсанталну: гайннан клулну бивклун бур вахлшийсса дучрайгума мяр-члан рищун, чаннан дарцлин, дяьвилул ярагъ бан, члиниклру, хъарасру дан, личли-личлісса аьламатругу, члюлу члалаьрдугу бан.

Дагъусттаннал халкъуннал шаэр Салимат Къурбановал «Буттал насихлат», «Душру» тлісса назмурдаву бур зунттал халкъуннал творчестволул асар, жагьилсса душварал хияллу, оърму бувтсса щарссанил аькьлу, зунттал агьулданун хасъсса инсаншиву, къирият, ас-намус, дакніл гъилишиву, тлайламуни клулну тлаву.

Шаэрнал назмурдавусса дуниял дур чаннасса, оърму бур буллугъсса, мукьвагу мурцлу тливтлусса, тлабиаьтгу дур иминсса, даркъусса. Ганил творчестволуву бур оърмулун хас бувсса, хьинну асар хьунну чивчусса цила ккурхлусса дардирдая, ххажалатирттая,

вас-ццахлиясса шеърирду. Хьунмасса Буттал кланттул цланийсса дъявилун хас бувсса С.Кьурбановал шеърирдаву дур лас аьрай ливчлсса щашарнил кьумашивугу, жула аьрал фашитьтураяр ххув хьусса ххаришивугу, алвагьсса буттал улклухсса ччаврил асардугу, буттал билаятрал вирттавраясса пахругу.

С.Кьурбановал члярими назмурдайн учин бучлир оьрмулун дарсру, дарсру-насихлтру куну. Ва классраву лахьхьайсса «Буттал насихлат» тлссса назмулуну га тлий бур:

*Ариу-муси дур куну,
Дакл хьунна мадувара,
Ми члярussa кьатлуну
Дардругу чляруссарча.*

Шаэр оьвтлий бур дусшиврийн, захлат баврийн, аьрши, захлат бивхьуну, члюлу даврийн. Назмулунусса насихлатругу шаэрнал цила цлания дурну дакьарча, буттал ганихь увкусса куна дурну дур:

*Лакьхьи щаращун кунма,
Аьрицарал вивхгу буххан,
Лакьхьи, чавахьран кунма,
Хьхьирил чланулух гьузун.*

«Душру» тлссса назму чирчуну дур душварайнсса оьвчаву кунна. Га дур душварахасса ода. Шаэр бур душварая цла дуллай, гайннул цаява цивппа пахру бан буллай. Мува члумал шаэр бур душварахь насихлат буслай, ва оьрмулуну ласайсса ша, дайсса даву пикри буну даван аьркинссар тлий:

*Ва дуниялгу зулли,
Клулну зузи дуварчан,
Оьрмугу нацлуссари,*

Ша шилтагъ къабуварчан.

Вай ххуттардил мурад бур, душварал дак1ру дурну, гай т1айламур ххуллех, ти-шинмай къавхьуну бачин баву.

Вава классраву лахьхьин ккаккан бувну бур дагъусттаннал халкъуннал чичул Аьх1мадхан Абу-Бакардул «Даргири душру» т1исса повесть. Ва повесть Аьх1мадхан Абу-Бакардул яла ц1а дуркмур произведение хъанай бур.

«Даргири душру» т1исса повестьраву шаллу дурну дур ца шинал ца къини бувсса, куннишал кувгу хьинну дусьсса ряхва душнил сипатру. Повестьраву аьчухну, хьинну х1аз бизанну бувсун бур Насибал, Къисттаманнул, Аьшурал, Сакинатлул, Пат1имал ва Зайнаблул оьрмулувусса цалчинми шаттирду цукун лавсьсарив.

Гай бур 50- 60-ку шиннардил инсантал. Дянивсса даражалул школа къуртал буллалисса душварал хьхьич1 т1ивт1уну бур чаннасса оьрмулувунсса ххуллурду. Амма та ч1умалсса дуниял цуксса чаннану ч1алай духьурчагу, душваран цанмагу багълай бур цала къисматралсса буллан, цала талих1рахлу талан, ташурду ч1арах гьан къабитан. Чичу ур душварал талих1рал к1улли гайннахь цахьрагу, гайннал нитти-буттал к1унттихьгур дусса т1ий. Нитти-буттахьул ва душру цалин буч1арча, душварал ишру бачин най бур. Агарда душваран ца ччай, ниттихьан цамур ччарча, душварахьгу къац1увххуну, гайннал ташурду булларча, гай школалийн гьан къабитлай, душварай къия дулларча, ялун к1укъак1улсса баларду бук1лай бур. Муниву ч1алай дур душваран цала аьсившиврул агьанмур савав.

Ванаяр махь оьрч1ру к1ул хьун багълай бур лакрал шаэр Мах1аммадзагьид Аминовлул творчестволушчал.

Ванал произведениярдава урч1илчинмур классраву лахьхьин лич1и бувну бур «Мажнуннул дуаь» т1исса поэма.

«Га поэмалуву шаэрнал хьинну яргну шаллу дурну дур аьсивсса Мажнуннул сипат. Аьраб мазрай «мажнун» аькьлулия лавгма, авлия т1иссар. Му инсаннал ц1а дакьар. Аьрабнал бусалалийн бувну, VII аьсрулий Имруль Кьайс т1исса жагьилсса шаэрнан эшкьи хьуну дур Лайли т1исса, оьрч1ний цащала хьун хьусса, ц1ач1у дуклай бивк1сса душних. Кьундалул чулданий ялапар хьанай бик1сса аьрабнал, бадавитура (бедуинтура) аьдатрайн бувну, душ щар булайсса бивк1ун бур ганил ссурахьун, ягу хьинирвун, ми бакьахьурча, ливч1сса мачча-гьаннаясса оьрч1ан. Ччаву авлияшиврун ккалли дурну, ччаву хьусса оьрч1ан душвагу кьабулайсса бивк1ун бур.

Ми саварду хьхьич1 дарц1уну, Кьайслун Лайли кьабуллуссия т1ар. Ганал нину-ппу бивк1ун бур авадансса, махь заназисса инсантал, амма Лайлил буттал Кьайслун душ кьабуллуну бур. Кьайс ччаврил ччучлай, эшкьилул гьавасрал лавсун, зунттавух лавгун ур. Мунияту ганайн халкьуннал Мажнун (авлия хьума) чайсса бивк1ун бур. Ва аьрабнал бусала гьануну лавсун, чивчуссар Низами Гьанжавил "Лайли ва Мажнун" т1исса поэма. Гукунмасса поэмардавасса цар М.-З. Аминовлул "Мажнуннул дуаь" т1исса поэмагу»¹

М.-З. Аминовлул цала зумуну шаллу дурну дур Мажнуннул сипат. Ганиву шаэр ххал бигьлай акьар Мажнуннул оьрму шаллуну: га хьуна хьусса куц, оьрч1нийсса тарбия, бадавитура багьу-бизу, виричунаву эшкьи загьир шаву, ташулул масалартту.

К1ай чичултра творчестволушал к1ул бувну махь, оьрч1ру к1ул бан багьлай бур ц1анасса ч1умул литературалушал, яни 1991-2002 шиннардил литературалушал.

1991-ку шинал байбивхьуссар демократиялул замана. Аьрасатная хьуссар цинна цурдалусса паччах1лугь. Билятрай

¹ Ахмедов С.Х. Лакрал литературалул тарих. Мах1ачкьала, 2006. 202л.

дайдирхъуссар реформарду. Лакрал литературалувугу хъанан диркӀссар дахханашивуртту. Щаллуну ласурча, литературалул иш ссуусукъу хъанан бикӀссар. Амма зийнна дуссар Чичултрал союз. Ганивун къамул бувссар 90-ку шиннардий Даниял Магъдиев, Аьли Айдаев, Курзи Кажлаева, Миясат Щурпаева, Космина Исрапилова, Сулайман АхӀмадов, Хизри Илиясов, Булбул Оьмариева, Рамазан Рамазанов, Руслан Башаев.

Лакрал литература уттигу хъар хъанайнна дур буттахъал дакӀнихсса творчествалийн, дагъусттаннал ва шала дунияллул литературалийн. Ганиву чичлай бур миллатрал тарихрая ва цӀана хъанахъисса иширттая.

Баргълагавал культуралул мугъали уттигу щаллуну бивщуну бакъар жула культуралуйх. Мунинсса дайшишруну хъанай дур буттахъал аьдатру, марцӀмунийн кӀункӀу тӀисса гуж чичултраву ххув хъанахъаву.

Мурадрал чулуха, лакрал чичулт ва шаэртал цӀусса чӀумул кӀи-шан бавчӀуну бур. ЧӀявуминнал къамул къадурну дур гуж бусса хӀукумат лияву, "вахӀшийсса" капитализм дихълахъаву ва ваучердайну халкъ хъяврин баву. Циняв агъалинал никирая-никирайн салкъи дуллай диркӀсса хъус цалалуш дайсса "низам" къамул къадуллай, Сугъури Увайсов чичлай ур:

Магазинну чил хъунни,

Заводругу-чил хъунни,

Таватагу жувагу

Ялугъланну чил хъуннин.

"Замана" тӀисса назмулугу Мирза Давыдов чичлай ур:

БувкӀунни жучӀанма обьсса замана,

Ва хханссар аьрщарайн дагъсса зарзала

Шаэртал ва чичулт чичлай бур цала кьовурдая: оь бивкссса заманалия, лакрал щархьурду инсантурацла хъанакъаврия, ниттил маз ябан аьркиншиврия ва м.ц. Миннуясса цаппараннушал клул бан багълай бур оьрчлру урчлулчинмур классраву.

Зияуттин Айдамировлул творчестволуву агьаммур клану бугълай бур адаврал, ас-ламусрал масалартту ххал бигълагьисса произведениярттал. Мукунминнувасса цану хъанай бур «Къалкъи» тлисса повесть. Ва повестьраву члалачли буну бур 70-ку шиннардийсса жула халкъуннал оьрму га бивкссса куццуй, хъуними хъуни махьру лахълай, цаласса буллай, мюрщимигу цала хларачат цала буллай, хлакьинунир гьунттисса оьрму ххуй хьунтлссар тлий. Ва произведениягу проблемалул чулуха гъансса бур А.Хлусайнаевлул «Накливух оь хлала шаву» тлисса повестьрачлан.

Мирза Давыдовлул «Ххуллул дайдихьу» тлисса роман бур жагьилтурал оьрмулувунсса ххуллурдая, гайннал ччаврил асардая, тлайламуния ва щялумуния.

Чичул цала романдалуву члалачли увну ур хьинну ламус бусса, гьалмахтурашалгу хлал бавкъусса, дуклангу даву дангу клулсса, хларачат байсса жагьил Халид.

Казбек Мазаевлул «Май зуруй марххала» тлисса хавардануву члалачли дурну дур клия цивпалу ливчлсса къари-къужлул сипатру. Гай бур иминсса, хлал бавкъусса инсантал. Къари дирклукун, къужлул дард муксса хъуннасса дурхха, хлатта ганан хлисаввагу хъанай бакъар май зуруй буллалисса марххала.

Курзи Къажлаевал «Арснан буцай душ» тлисса хавардануву ххал диргьуну дур шярваллил ва шагьрулул агьулданул ара, ккаккан буну бур гайннал куннал кунначлансса ххуллу цукун ласун аьркинссарив.

Миясат Шурпаевал цила чичлачимур хас буллай бур цланакул яхъанахъисса инсантурангу, тарихраву ливчлминнангу, ца ишираву чувшиву дурминнангу. Гай ганил цилва ляхъан бувсса вирттал бакъар. Гайнная чичухъ бувсун бур за клулнал. Чичул цилагу хларачат бувну бур архивирттаву, хъхъичлазаманнул луттирдаву чивчумур цлунилгу аьлтту бувну, ххи-чан бувну чичин.

Аьли Айдаевлул «Ватан ттяй-къяй дакъари» тлссса назму хас дурну дур цала щяраваллихсса ватандалухсса ччаврин. Буттал клану шаэрнал цукунчлавссса караматирттах, аьламатирттах баххана бан най акъар, мунил биян бувсса асаргу шаэрнан ссалчлав биян буллай бакъар. Мунан буттал клану чурххал базу кунма члалай бур. Га хъинну бюххану ур," Ватан ттяй-къяй дакъари, хлаз лавсун къаритайсса",- тлий.

Адам Адамовлул «Хлухчу» тлссса назмулуву шаэрнал хлухчу ккаккан увну ур ца бюхттулсса нарт куна. Шаэр личлину клицл лаглай акъар хлухчил цалалу дирчусса хъхъурду, ганал захлат. Шаэрнан ччай бур хлухчил оьрмулул аьжаившиврия бусан. Зунттал бизантту шаэрнан хлухчил тавханану члалай бур. Тавхана члюлу бувну бур тлабиаьтрал цила, гиву дур къанкъ ххуйсса тлутливгу, бизанттайхгу дурккун дур арцул щин.

Алекси Абдуллаевлул назмурду ва поэмарду хас бувну бур Буттал кланттун, лакку инсаннан, дусшиврун. Га гъаз буллай ур члявусса чичултрал ва шаэртурал гъаз буллалисса масаларттугу. «Лакрал барзунттал ялтту» тлссса назмулуву ттуруллив дур самолетраву щяивклун Лаккуя шагърулийн нанисса шаэрнахъ цлухлай:

Дуссияв ттувурасса дард

Вищал клидачлинна тлий,

Ва цланасса лакрал авлад

Чунни лихълахъисса тлий.

«Душнил пиш» тлисса назмулуву шаэрнал ккаккан бувну бур ххуллийх нанисса солдат. Гайннан хьуна бакълай бур щюлли дарайлул гьухъувусса душ. Ганил пишлил жагъилсса солдатнал дак1ру ххари дуллай дур. Ганил чулухуннай цирда к1ура даллай дур солдатнал бак1ру. Назму дуклакиманал хьхъич1 дац1лай дур инсаншиву циву дусса оьрмулул ца ч1ирисса сурат:

*Ссих1ур къабувна душнил,
Жагъилтал ххари бувна,*

Душнил ца ттюнгъасса пиш гъая, ххуллу куклу бан.

Сугъури Увайсовлул чивчуну бур шеърирду, балладарду, назмулийсса магъри, оьрч1ансса назмурду, хаварду, пьесарду. Ганал мюрщисса назмурдаву (миниатюрардаву) гъаз бувну бур оьрмулул агъамсса масалартту:

*Зана банну къатригу,
Зана данну аьрцигу,
Залуннаха зузи бан,
Зана банну къазахъгу.*

Шикку шаэр ур ттизаманнай хьхъич1авасса заллухъруннан къатри, аьрци, зана дуллай бухъукун, халкъуннайсса зулмугу зана бик1анссар, тлий. Шаэр му иширая рязину акъар.

Ягу:

*Дуркку чувгу чуврив тти?-
Гай ч1унну - битти-гатти.
Къини дарц1сса тти щийри?-
Чув утти машачийри.*

Ва миниатюралуву шаэр рашхант дуллай ур, дуккаву, элму ттизаманнай кьюкьин дуллай ч1алай.

С.Увайсовлул миниатюрарду дур инсантурая ва инсантуран аьмсса иширттая, т1абиаьтрая ва ч1умуя.

Ц1игьил Камаловлул "Лаккуй интнил гьарал" т1исса назмулуву ганал щарщуну дур зунттавусса гьаралуннил сурат. Цайми шаэртал куна Ц1игьил Камаловгу ур инсантурац1а дач1ра хьанакьисса лакрал шяраваллай аьт1ий. Гьарал хьинну шадну най дур ц1уну дурсса магьайн, гьаралуннил дурцуну дур кьавт1аврил макьанну, гьарал лач1лач1ини гай кьатрал бяшк1антту ххаришиврул "хьяй бур" (олицетворение). Гьалаксса кьюрукьру шаэрнал лашан бувну бур хьамарай щаращисса дукьра х1анттиха. Ва сурат дур чаннасса, шаэр дунияллия рязийсса.

Амма назмулуву дур цамур суратгу (контраст). Утти гара интнил гьарал дур пашманну ч1алай: «ларх1усса ц1ияллай мукьал бур бярдуну» . Магьи дур тталлу аьвну, ларх1усса. Ц1ияллай бур бярдуну бац1лай. Шаэр кьюлт1 буллай акьар, гай кьатрал залу шагьрулийн ивзун, гай ятинну лирч1ун душиву. Шикку шаэр философ куна гьалгьа т1ий ур: т1абиаьт дур цила бурж лахьлай, инсантурал к1унттихь бур бияла, га цала хайрданун ишла дангу, гания зарал хьанайнма битангу.

Сибирбаг Кьасумовлул «Лакхьира чани» т1исса назмулуву ккаккан дурну дур хьхьич1ра кьюлт1ну, утти сайки ашкарану дуллалисса хьямалашиннарду, инсаннал намусрац1унгу, х1укуматрал кьанундалуц1унгу кьадаркьусса кьеллу. Ганан ч1алай бур ц1ангу ц1акьлин дургьуну цурк буллалимигу, чил хьуслин хьап т1имийгу. Гукунсса чапхунчитал, гьарачитал циняннан ч1аланшиврул шаэр овьт1ий ур, «лакхьира чани», т1ий.

Амма чани аьркинну бур цамур сававрайгу. Бак1равусса ня къазий, пикри къабуллалиминнангу аьркинну бур чани. Шаэр овьт1ий ур дуллалимур пикри бувну дувара, т1ий.

Даниял Магъдиевлул «Х1айран хьусса дак1гу хьита т1ий дия» т1исса назмулуву ккаккан дурну дур хьхьирил зуманивсса т1абиаьт. Ганиву т1абиаьт дур аьжаивну гьулусанну, чявхъа гьарал лач1уннин х1адур хьанай. Т1абиаьтраву хьанакъисса дахханашивурттал лавсун най бур шаэрнал хияллугу. Т1абиаьтрал тагьарданиву дур инсан х1айран уллалисса къюлт1шиву. Х1айран хьусса шаэрнал дак1гу дур хьита т1ий цирив ца балайлул дайдахьу дан к1унк1у т1ий.

Бюхъанссар шаэрнан танира жула оьрмулуву хьунсса дахханашивутту к1улхьунссия учингу.

Ва классраву оьрч1ан лахъхьин багълай бур «Шин дайдахьулий чивчусса шеьрирду» ва «Зунттайсса хьхьу» т1исса Руслан Башаевлул чивчусса произведенияртту.

«Шин дайдахьулий чивчусса шеьрирдаву» шаэрнал аьч буллай ур ц1анасса ч1умуц1ун бавкъусса пикри. Га ур буккулт ц1усса шиннашал барча буллай, к1интнил хьирив интгу дуч1айссарча, мукссава пашман машару т1ий. Аькьлу бусса бур вай назмулувусса махьру:

Ва дуниялгу – ятин,

Жура гьели къадарча.

Ванийну шаэр учин ччай ур: жула х1арачатрайнур ва дуниял дюхъан дайсса, гьели дайсса, куну.

«Зунттайсса хьхьу» т1исса хавар хас бувну бур бурц1ил бувсса авлун. Чичул ккаккан бувну бур ав буллай хьунмавхьу бурц1ин хьусса зах1мат, ганин цила мюрщисса оьрч1алсса буллай хьусса жапа.

Усттарну ккаккан бувну бур бурц1ия мугъаят хъанахъисса Лух1и айгъургу, илхъичинал лич1лулсса ккаччивгу.

Хаварданувусса гъарзад (илхъичи, ятту, дучри, ккаччив, барц1) ккаккан дурну дур т1абиаьтрал бут1рину, цивппагу - буклакима вих анну.

Мах1аммад Оьмаровлул цала баснярдаву дащуй бихълай ур цуркинт, лажин лякъулт, низам зия дувулт. «Бюрххул вич1ив» т1исса баснялуву шаэр хъяй ур цанавагу къак1улсса инсан хъунмасса къуллугърай ивтукун, ганач1ан ххуллу ляхълахъисса инсантурай. «Хъхъувайсса» т1исса баснялуву дащуй ивхъуну ур цаманай мяш хъанай, ганан зарал биян бан ччай, цанма зарал бивну лич1лач1исса инсан. «К1ира лажин ду цуша» т1исса баснялуву ккаккан увну ур хъуннасса даврий цува унува, х1укуматрал низам зия дуллалисса къуллугъчий.

М. Оьмаровлул баснярду чивчуну бур назмулину. Гайннуву ишла дурну дур х1айвантрал: ттуккул, бюрххул, хъхъувайссаннул, цухълул, к1уллул, ва м. ц. сипатру. Амма ихтилатмур баснярдаву бур инсантурая.

Х1асан К1уруховлул «Ххяллаву навалу» т1исса назмулуву шаэр буслай ур цанма х1уч1 бувтсса ххяллая. Назму ляхъан дурну дур хъинну усттарну: ванал «ххяллая хъусса жанаварт» мйяжаннугу рух1 дусса кунма ккаккан бувну бур. Га сурат х1исавравун ларсун ишла дурну дур рифмарду, ч1урду. Вах1шисса ххяллац1ун гилу курт1нийсса аьтарагу бур обх1алну къар-къар т1ий, лахънийгу бур так занчру ва марчру. Ххяллал-ххяпрал т1исса рифмалул тасттикъ буллай бур ххяллал жанавартраха лащаву. Ца нигъач1аву рутайсса ххурхху баллай бур хх-хх-хх т1исса ч1урдаву (ххяллал, ххяхлан, хханссар, ххяпрал, ххут1ал, ххассал, ххуллугу ва м. ц.)

Ва суратрал буслай бур шаэрнан «ва аьратталшивугу» нах1уну душиву. Ганал т1абиаьтрал кьамул дуллай дур укун вах1шисса дуниял.

«Гьалак1у уванссар гьалаксса мякьлил» т1исса назмулуву яргну щарщун дур ччаву майшан т1исса аьжаивсса хьхьунил сурат. Гиву ихтилат бур «дус шавай ххаххавай ц1унил дус шавай» оьрму бутан х1адурсса оьрч1ал ва душнил аралия.

Урч1улчинмур классрал хрестоматиялувун бухлахисса цинявгу произведениярттал кумаг бант1иссар дяьви кьуртал махьния ц1анасса ч1умуйн бияннинсса лакрал ва дагьусттаннал халкьуннал оьрмулия чан - кьансса дунугу к1улшиву ласун, му бакьассагу авадан хьунт1иссар оьрч1ал дак1нихсса ва чичрулийнуса маз.

II. Урчлалчинмур классраву ларгал литературалул дарс дишаврил мурадну ва масалартту.

Литература лахьхьаврил гьанусса мурадну хьанай бур дуклаки оьрчлаву оьрмулувусса ххуймур тарбия бавуну.

Муницлун бавхлуну ларгал литературалул программалул личли буну бур оьрчлру тарбия баврил ва миннан за лахьхьин баврил личли-личлисса шачлантту.

Урчлалчинмур классраву оьрчлал лахьхьайссар дяьви кьуртал хьуну махьсса (1946-1990) ва ттизаманнул (1991-2002) дагьусттаннал чичултрал ва шаэртурал чивчусса произведенияртту.

Дарсру дишаврил гьанусса масалартту хьанай бур оьрчлан цивппа художественный произведенияртту, литературалул тарих лахьхьин баву ва миннул гьанулий оьрчлаву адав, инсап, оьрмулувусса ххуймур тарбия баву.

Литература лахьхьаврийну вай масалартту щаллу баншиврул, учительнан хьуннасса ургаву дан багьайссар лахьлахьисса произведениялул гьанусса мяьна дурчлин даврих. Хьуннасса агьамшиву дуссар личли-личлисса дарс дишаврил кьядарду ишла дуллай, произведениялул хьирив лаяврил яла асар хьунми ххуллурду лякьаврилгу.

Цланакулсса кллалчинмур никирал стандартрал тлалав буллалимунийн буну, учительнан оьрчлащал зий, гай цивппа пикри буллали бувансса цайнува цивппа зунсса кьядарду ляхьлан багьлай бур. Байбихьулий, ци бунугу лахьхьин, бувчлин баншиврул, арчлал зун багьлай бур учительтал ва оьрчлру, учительнал каялувшиврулу, яла цала дурмур чулийн дуккан даншиврул.

Ва укунсса даврил гьануми кьядардуну хьанай дур:

1) оьрчлан цала лахьлахьисса предметрахсса гьира бутаву;

- 2) ссал бунугу хъирив лаяврил х1ал к1ул баву;
- 3) цанма к1улмур цахва вич1идирхъунан бувч1ин бан, бюххан бан бюхъаву;
- 4) цайнува цува, цаманащал, цимиягу инсаннащал зий аьркинмур к1ул бан лахъхъаву;
- 5) лахълахъисса темалуясса к1улмур цайми материаллал кумаграйну авадан бан бюхъаву
- 6) маз итххяххан баврил ялувсса давуртту дуллан.

Учительнан аьркинссар ялун личин дуллан лахълахъисса художественный произведениялуву тарбия аврин зах1матрал цуксса агъамшиву дуссарив. Х1арачат бан аьркинссар чичул зах1мат ххирасса инсаннал чулухуннайсса ургаву цукунсса дуссарив, оьрмулуву зах1мат байнал кьимат цукун бищайссарив, зулмукарнах, оьрмулуву т1айла акъа занакъала хъанахъиманахсса ургаву цукунсса дуссарив.

Литературалул дарсирдай хъуннасса бургаву дайссар оьрч1ал маз авадан баврих ва пасих1 баврих.

Му даву щаллу шаву мурадрай, циняв классирттаву оьрч1ал цала опытрайн чул бивщуну, школалун, обществалун мюнпат бусса давривух гьуртту шавриясса, улча лахъхъаврин ва м.ц. давурттан хас дурсса темардаясса сочиненияртту, изложенияртту чичайссар.

Урч1улчинмур классрансса литературалул программалий ккаккан дурну дуссар произведениярдал шанна саях1:

1. Чарабакъа циняв дуклаки оьрч1ал лахъхъинсса ва ххал бигъинсса произведенияртту;
2. Классраву лахълахъисса произведениярттал темардач1ан гъансса темарду дусса, ялун ххи бувсса произведенияртту;

3. Класрал кьатлув буккинсса произведенияртту - вай произведенияртту учительнал классрал кьатлувсса буквавил дарсирдай, буккултрал конференциярдай ххал бигьайссар. Ва саях1 ц1уну бувксса луттирдайну авадан дангу буч1иссар.

Литературалул дарсру буч1иссар дах1ин классрал кьатлув дайсса давурттачал. Ми хъанахъиссар лич1и-лич1исса литературалул кружокру, луттирайн бувсса диспутру, литературалул вечерду, музейравун, театрданул постановкардайн, кинорайн гъаву ва цала улча лахъхъаву.

Литературалул дарсирдаясса т1алавшинна хъуннасса духьукун, учитель за к1улну, усттарну, ттизаманнул методика ишла дуллай зун аьркинссар.

Дарс дишаврил устталугьрал гъанусса щаращину цуппа оьрму, школалий дарс дишаврил практика хъанахъиссар. Гьарца кьини школалий дарсру дихълахъаврил учительнан цанма кьулайми ххуллурду лахъхъин кумаг байссар.

Учительнахъ хъунмасса бияла буссар оьрч1аву ххуйми асарду тарбия баврин.

Оьрму ххуйну кьак1улсса, инсантурал хасиятирттаву ч1явумуния хавар бакъасса дуклаки оьрч1ан литературалул лахъхъин байссар геройнал вивмургу, хасият-т1абиаьтгу.

Вай цимурца бувч1ин оьрч1ан кумаг байссар лакрал литературалул программалий лахъхъин ккаккан бувсса произведениярдал – учительнал каялувшиврийну.

Литературалул дарсирдай хъуннасса бургаву дайссар оьрч1ал маз авадан ва пасих1 баврих, дарсирдал мурадну хъанахъиссар дуклаки оьрч1ру хъхъич1васса ва ц1анасса литературалул хъинми произведениярттачал дус баву, гайннул гъанусса мяъна ва

художественный хасиятру лахъхъин даву, литературалул теориялул хлакъираву цанна лайкъсса куццуйсса клулшиву дулаву.

Оьрч1ру дуккин бавриву ва тарбия бавриву лакрал литературалул цинма хасъсса бияла барт бигъиншиврул, чара бакъа аьркинссар дуккавил план, программа мунил хъхъич1 бивхъусса масаларттаха лавхъхъусса бик1ан.

Му бакъассагу лакрал литературалул ва педагогикалул элмурдай гъану бивзун, учительтурал х1арачат буллай бур багъайсса клулшиву ниттил мазрая бик1у, литературалия бик1у дуклаки оьрч1ан дулун, бухъурчагу школалий вай дарсру лахъхъаврил даража, учин бюхъанссар, уттигу ялавайну бур, куну.

Ванин саварттугу дур: школарттай биялну луттирду бакъашиву, дарс дишин бюхъайсса клушиву ва х1адуршинна дусса учительтал бакъашиву, цаппарасса каялувшиву дуллалиминнал ва халкъуннал образованиялул зузалтрал ниттил мазрал ва литературалул дарсирдан агъамшиву къадуллалаву, учительтуран кумагрансса лакрал литературалул методикалул пособияртту бакъашиву.

Литературалул даву лайкъсса даражалий дишавриву ца хъинну агъамсса клану бугълагъиссар методикалул.

Методикалул мурад, дарс дишаврил яла къулаймур ххулла ахттар бувну, лакрал литературалул дарсру дихълахъисса учительнан кумаг бавур.

Урч1улчинмур классраву литература лахъхъаврийну оьрч1ру клул хъунт1иссар лакрал ва дагъусттаннал 20-21 ттуршукулул чичултращал ва шаэртуращал. Миннал произведениярттал оьрч1ан кумаг бант1иссар тарихраву, оьрмулуву хъанай бивк1мур бувч1ин, му бакъассагу произведениярттал оьрч1ал маз авадан бант1иссар, гъалгъа магъир бант1иссар.

Учительнал оърчлан кумаг байссар цала бувккумур бувчлин ва бувккумуниясса цала пикри бусан. Му бакъассагу, учительнал хьхьич1 бавц1сса масалану хъанахъиссар оърчлан лахълахъисса произведениярттац1ун дарх1уну литературалул теориялуясса клулшиву дулаву.

Бач1ва дурккусса текстрал мурад бусаврийну ва гьалгъа магьир баврил ялувсса давурттайну учительнал цала хьхьич1 бавц1сса масалартту щаллу къабант1иссар.

Лажълахъисса произведениялул оърчлан асар биян бан аьркинссар гьарца чулуха, гьалгъа магьир баву бакъа, авадан дан аьркинссар миннал мукъурттил луртан.

III. Литературалул произведение лахъхъайни мунил ялув дайсса давурттал низам.

Гьарца художественный произведение - му цлусса дунялли, цлусса оьрмур. Оьрчлан багълагъиссар га лахъхъин дурчлин, цанчирча, га цлусса асардал, цлусса пикрирдал, цлусса хъунабакъавурттал дунял дунут1ий. Укун бухъувкун, учительнал бурж гьарца дуклаки оьрчлал чичушалсса хъунаакъаву яргсса, авадансса, дак1ний личлансса хъун давур.

Произведение лахълай байбишиннинсса хьхьич1 мукъуйну учительнал оьрч1ру га бувч1аврин х1адур байссар ва ганих гьира бутайссар. Вступительный мукъул (хьхьич1мукъул) хъун – ч1ивишиву, ганил методика дик1айсса произведениялул хасиятрах, оьрчлал оьрмулук бурувгуссар.

Учительнал хьхьич1махъ бик1ан аьркинссар кут1асса, оьрчлан ххуй бизансса ва гайннан дак1ний личлансса. Оьрчлан учительнал бувсмур дак1ний битан кумаг бант1иссар ганал доскалий чирчусса цала бувккумунил пландалул, чичултрал, произведениярдал

геройтурал цлардал, ми чивчусса члун члалачли даврил, цлуну лахьлахьисса мукьурттил.

Дарсирай гьартану ишла дуллан аьркинссар канилу бусса члалачли пособияртту, художниктурал дурсса, лахьлахьисса произведениялул темардачлан гьансса куннасса суратру.

Масала, Мирза Махлammaдoвлул назмурдашaл oьрчлру клул булланнин, oьрчлан бувчлин бан багьайссар шаэр ялапар хьанай ивклсса члун ци члун дирклссарив. Бусайссар Мирза Махлammaдoв жагьилсса oьрмулий фронтрайн лавгун, дяьвилий гьурттушивугу дурну, клусса шаву дирну 1942-ку шинал шавай зана ивклун увклшиву ва мунал творчестволийн дяьвилул хьунмасса асар биян бувну бивклшиву, цала назмурдаву ва поэмардаву Буттал кланттул цланийсса дяьвилул инсантурайн биян бувсса шавци, дуллуцири дардру члалачли дуллай ивклшиву. Шаэр цала творчестволуву дяьвилул члун даклнин дутлай, совет вирттаварал тай шиннардий дурсса чувшиву ва кьянкьашиву ккаккан дуллай ур. Му бакьассагу чичул цала творчестволуву миллатрахсса яргсса ччаву члалачли дуллай ур.

Бусайссар oьрчлахь Мирза Махлammaдoв ивклшиву пагьму лавайсса лирик. Даклнива нанисса асарду, шугьлурду, хияллу ганал аьч бувшиву цала шеьрирдаву ва поэмардаву, жагьилнийсса шаэрнал назмурдаву бушиву члюлусса эпитетру, лашанбавуртту: «ссурул ккуртта», «мусил баргь», «душнил гьайбат», «шарабрал шуша», «махмур лавххусса барзунттал ссиртру», «хьюму мусий хьуну эьки нанисса щин», «бирлиянтру куннасса хьхьем». Бусайссар мукунма шаэрнал назмурдаву барзунттайх эьки лагайшиву якьутрал тлонтту, ганан ххирашиву «щюлли махмур лавх кьурду», щюлли дарай ялтту дуртсса лухччив, ганан зунзул чани укун члалай дур:

Хьхьунил лухли цланнал

Дарайлул пардав

Зунзул чаннал тлунттал

Ххядуккан дувай.

Ягу:

Ссурул ккуртлул камал дур

Интнил лялух дархлуну,

Бургъил якъутрал таж бур

Интнил бакlрай бивхьуну.

60-ку шиннардий чирчусса назмурдаву шаэрнал чан бувну бур чlюлу був махъру, яргесса сипатирттал клану бугълай бур куртlсса пикрирдал. Га хъхъичlванияргу аьчухну буслай ур цала асардая, бакlрачlан бувкlмуния, оьрмулуву хьусса ва хъанахъисса иширттая.

Цала назмурдаву ва поэмардаву шаэр исват буллай ур жула билаятрал аьрал талай бивкlшиву буттал кланттул тархъаншиврухлу, тlайламунихлу, аьрщарай дусшиву ва дакъаву дикlаврихлу. Шаэр дакlнин дутлай ур дяьвилул суратру. Шинну ларгун махъгу ганал итталух занайнна дур цlу ларчlуну, ччуччун нанисса къатри, багъру, мурхъру, къужлул къаркъала, оьттувусса оьрчlал нурчlив. Шаэрнан дяьви къуртал хьуну махъгу баллай бур аьрщараяту ва ссавния нанисса дяьвилул ххурхху. Бивкlу ганал лащан буллай ур оьттух къанихсса жанавардануха. Га махlаттал хъанай ур, цукунни гъинттул тlутlайх дичайсса арнища бухlан шайсса клинтнил замгъар тlий. Дяьвилий ганан бувчlунни цала дакlгу га ар куннасса диркlшиву. Ганаща цащавагу бювхъунни ялун бувкlсса оьсса бала бухlан Дяьвилий чурххал базу къабивтсса шаэр уттигу хlадурну ур ватандалухлу цала оьрму харж бан. Га вихну ур вания тихунмай цала буттал кланттул талихl щищачlав ччанналун бутан къахъунтlишиврий.

Укунсса журалул бусавуртту темардах бурувгун, дан буч1иссар лич1и-лич1исса назмурду, поэмарду лахълан хъхъич1.

Яла буч1иссар буч1ан ванал биография лахъхъаврийн.

1.Пасих1сса, асар хъунсса букваву.

1.Пасих1сса буквавил лакрал литература лахъхъавринсса агъамшиву.

Оьрч1ан яла шаллусса, ххуйну художественный произведение бувч1авринсса ххуллуну хъанахъиссар миннан асар хъунну, пасих1ну произведение буккин лахъхъин баву.

Бувч1инну, асар хъунну гъалгъа баву-му цала пикри бувч1инну, вич1и дирхъунан бюхханну, аьркинсса махъру ва калимартту ишла дурну, произведениялуву ч1алач1и бувмур хъхъич1 бац1ан бан бюхъавур.

Буклакиманаща бюхъайссар цайминнан к1ул дан, дулун цанна дурч1усса художественный произведениялул гъанусса мяъна, гьуртту хъанахъиминнал сипатирттайну, мазрал пасих1шиврул ярагъуннил кумаграйну ва мукун вич1и дирхъуминнаву багъайсса гъавас х1асул бан.

Пасих1сса буквавил буссар к1ива чул-пикри буллали айсса ва гъавасравун утайсса. Вай к1ивагу чулул кумаг байссар буклакинан художественный журалий чичул пикри ва ганал произведениялуву ккаккан дурсса оьрмулул суратру ч1алач1и дан. Вай к1ивагу чулул гъануну хъанахъиссар произведениялул мяъна, мурад бувч1аву.

Пасих1сса буквавил буржну, щалагу дуклакисса ч1умул манзилданий хъанахъиссар, дуклаки оьрч1ру т1айлану, багъайсса куцуй, цала ниттил мазрай гъалгъа т1ут1и бавуну.

Оьрч1ал оьрму наниссаксса миннан ххишалану аьркин хъанай бур пасих1сса буккавил произведениялул гъанусса мяъна, мурад бувч1авринсса кумаг. «Дуклаки оьрч1 хъуна хъанахъиссаксса мунал маз к1улшиврул даражагу лахъ хъанай бур, мунин бувну, учительнал пасих1сса буккавин хас дурсса давуртту т1айла дурну дик1ан багълай бур произведениялул гъанусса мяъна дурч1аврин. Лавайми классирттаву пасих1сса буккаву ишла дан багълай бур произведениялул анализ даврил жулардаясса цану»².

Школалий пасих1сса буккаву дуллан багълай бур учительтуран бик1у, дуклакиминнан бик1у. Ц1ана цалсса я бурган банну лавайми классирттаву дуклакисса оьрч1ал пасих1сса буккавих. Учительнал пасих1сса буккаву т1урча, ххал дигъин багълай бур ца цила багъайкун пасих1ну буккин лахъхъин баврил къяйдану.

Лавайми классирттаву пасих1ну буккин лахъхъин баврил лич1ишиву дурч1ин бюхъайссар дянивми классирттаву пасих1ну буккин лахъхъин баврил давурттацал цач1у дирхъукун. Циняв классирттаву пасих1ну буккин лахъхъин баврил мурадру ца бухъурчагу, лич1ишивугу дуссар. Агарда дянивми классирттаву, ч1явуну, аьщуйн щуну ккаккан байсса бухъурча пасих1ну буккин программалул ккаккан бувсса произведенияртту, лавайми классирттаву гай ялавайми классирттаву лавхъхъумур ишла бан бюхъайссар лич1и - лич1исса журалул текстру дуклакени. Мунияту гьарца журалул пасих1ну буккавиву (ца-цала, роллайх дарч1уну, хорданий) яла ч1яруну язи дугъаймур дурр каннал цала буккаву. Вайми журалул пасих1сса буккавуртту т1урча, лахълахъисса произведениялул журалух бурувгун ишла дайссар. Масала, драматургия лахълахъини оьрч1ру буклаки байссар текст роллайх дарч1уну, классрал къат1увсса мероприятиярттай буккайссар каннал,

²Методика объяснительного и литературного чтения в национальной школе (Под редакцией К.В. Мальцевой и З.С.Смелковой. Л, 1978, с 161.

хорданийсса буккаву тлурча, ишла дайссар праздникирттайнсса литературный монтажирттай.

Цурда оьрчлал пасихлсса буккаву – му произведение лавхъхьуну къуртал хьуну махъ, ахирданий дайсса давуну ккалли хъанай дур, дунугу лахълахъисса члумалгу мудан буклай, бувчлин буллан багълай бур авторнал чивчумур вичли дирхьуминнан. Мунияту учин бюхъанссар, произведение лахъхъаврил гьарцагу шачлантай пасихлсса буккаврил агьамсса клану бугъайссар куну.

Литературалул произведениялул хъирив лаяйни дайсса пасихлсса буккаврил ялувсса даврил кумаг байссар произведение ххуйну бувчлин, агар учитель бувккумунил мурад бувчлаврия тлайласса интонациялийн учларча.

Оьрчлан пасихлну буккин лахъхъин баврил къяйдардая члявусса задру учительнан цанма бувчлин кумаг бантлссар М.А. Рыбниковал давурттал. «Буккаву даврил, - чичлай бур М.А. Рыбникова, - гьанусса мурадну биклан аьркинссар бюхъавай тлайлану, произведениялул тема, мурад пасихлсса буккаврийну члалачли бан бюхъаврил. Буккаву диклан аьркинссар произведениялул стильдануха, ганил журалул хасшиннардаха лархъхъусса, му буккаврил члалачли бан аьркинссар назмулул ритм диклу. прозалул сакиншинна диклу»³

Пасихлну текст дуккин бюхъайссар ганил гьанусса пикри, мяъна, мурад бувчлуну, хъхъичли бацлан бан бюхъарча, чичун гай сипатирттайну учин ччай ивклмур ва мазрал пасихлшиврул ярагъуннийну члалачли дурмур.

Вай гьарзад бувчлиншиврул, учительнан хъуннасса хладуршин дан аьркинссар оьрчлан призведениелуву чивчумур хъанахъисса члун, гиву члалачли бувсса та члумул халкъуннал багъу - бизу, цлусса махъру ва калимартту лахълай.

³ Рыбникова М.А. Очерки по методике литературного чтения. М. 1983. 145, 148. 151 – 153.

Урчлулчинмур класс кьуртал буллалисса оьрчл бюхълай иклан аьркинссар художественный ва элмийсса текстру анаварну дуккин, му бакъассгу, художественный произведенияртту пасихлну буккин.

Программалый лахъхьин ккаккан бувсса произведенияртту оьрчлал ччянива бувккуну биклан аьркинссар.

Хьирив лаллан бивклукун, члалай бур, оьрчлал цайнува цала бувккусса произведенияртту, члявуну, миннан щаллуну бувчлуну къабиклайшиву, классраву пасихлну бувккусса произведенияртту тлурча, оьрчлан ххуйну бувчлайшиву, мунияту учительнан хларачат бан аьркинссар лахълахьисса произведение бюхъавай классраву буккин, агар произведение хьунмасса бухьурча, бучлиссар миннахь му шаппа буккин маслихлат бангу. Члявуну учительнал цлусса произведениялул бутлри оьрчлахь цахъва буккин буллан иклай, мукунсса букваврия я вичли дихьунан, я цанма буклакиманан хайр бакъассар.

Тлайлану, пасихлну букваврил бюхъу оьрчлаву ялавайми классирттавува сакин хьуну биклан аьркинссар. Агарда урчлулчинмур классраву дуклакисса оьрчлаща цила багъайкун букваву дан хъанай дакъахьурча, даклний битан аьркинссар 5-10 минутрай, нюжмардий цал – клила буккин аврийну ганан кумаг бан къашайшиву, оьрчлал букваврил ялув бацлан аьркинссар шаппами ва учитель, буклай иклан аьркинссар му цайнува цувагу. Лахълахьисса произведение пасихлну буккин, буклай унува вив ита бакьин бюхъаврил хьуннасса агъамшиву дуссар произведениялул гъанусса мяьна дурчлаврин ва ганил хьирив лаяврин. Урчлулчинмур классраву дуклакисса оьрчлан клулну биклан аьркинссар предложениялувусса аьркинсса махъ члунийну личлий бан, пасихлну буккин, букваву произведениялул журалух, хасиятрах бурувгун дан, ми аглан хьун аьркинсса кланай къавхьуну, махьру бувчлинну къабуклай, цаппара

махъру гайминнуяр лахъну, анаварну буклакини – гай аьркинссар тлайла бацлан буллан. Пасих1ну буккин лахъхьин баврил ялувсса даву дайссар анализрайн чул бивщуну, ганиц1ун дарх1уну.

2Мукъурттищалсса даву.

Урч1улчинмур классраву оьрч1ал лахъхъайсса лич1и – лич1исса журалул произведенияртту мазрал чулуха авадансса бур. Вай произведениярттайн чул бивщуну, учительнангу багълай бур дуклаки оьрч1ал маз магьир бан, мукъурттил луртан авадан дан. Мунияту, ч1алач1исса зад бур, мукъурттил ялувсса даву учительнан гьарцагу дарсирай дуллан багъайшиву.

Маз миллатрал аваданшиву хъанай бур. Мазрал ур инсан щаллу увну, му бур инсаннал к1унттихъсса агъанмур яравгъ.

Ванин бувну, школалай бик1у, кулпатраву бик1у мазрал, ихтилатрал чулухуннай хъуннасса аякъа дик1ан аьркинни.

Лавай к1иц1 лавгсса куццуй, литературалул дарс дишайсса учительнал хъхъич1 бавц1сса масалану хъанай бур, оьрч1ан цила багъайкун тлайлану, пасих1ну гьалгъа бан лахъхьин баву, гайннал пикри курт1 баву, мукъурттил луртан авадан даву.

Ва бакъассагу, ниттил маз хъанай бур цинявгу дарсеру дишин аьркинсса ярагъну. Муниятур оьрч1ал гьалгъа магьир бансса ишираха мудан зун аьркинсса. Амма ва чулухунмайсса ургъил жула учительтурал хъинну чансса бур. Оьрч1ал гьалгъа магьир бансса, мукъурттил луртан авадан дансса, давуртту диялсса дакъар. Даймургу – к1ива ягу шанма махъ дак1них бувч1ин баврийну гъашиву дай.

Гъалгъа магъир баврил ишираву дуссар личи – личисса давуртту: мукъурттищалсса даву ва кунницлун ку бавхлусса махъру бусса гъалгъалушалсса даву ва мукума цаймигу.

Лакрал литературалул дарсирдай макъурттищалсса даву дайссар личи – личину:

1.Мукъурттил луртан авадан даву, яни оърчлан хъхъичлава къаклулну бивклсса махъру лахъхъаву, мукъурттил цлусса мяънарду клул даву.

2.Хъхъичлава клулсса мукъурттил мяънарду куртлну клул даву, синонимирттал ва омонимирттал дянивсса тапаватшиву клул даву.

3.Буллалисса ихтилатраву махъ ишла баву.

4.Литературный мазраву бакъасса, цала лугъатрай ишла буллалисса махъру гъалгъалува буккан баву.

Оърчал мукъурттил луртан авадан дуллалисса щаращивну хъанахъиссар художественный произведенияртту. Произведениялул анализ дуллалисса члумал, учительнал аьркинссар оърчлру клул бан литературалул терминнащал. Агарда термину оърчлан къаклулну бухъурча, ганил анализ, мяъна, мурад бувчлин захлатссар.

Цалчин учительнал оърчлру литературалул терминнащал клул байссар.

Ва даву дайни, оърчлащал учительнал геройнал сипат ккаккан дан чичул ишла дурсса къяйдарду ххал дигъайссар:

а) геройнан цанма хасъсса ихтилат, маз ккаккан баву;

б) авторнал цала чулухасса пикри бусаву;

в) геройнал сурат щаллу даву;

г) лащан баву ишла даву;

д) геройнал хасият мунал цаява цала буллалисса ихтилатрайну члалачли даву;

е) геройнал дак1нил х1лал, ганал ялун нанисса къадар т1абиаьтрайну ккаккан баву;

Ва даву дурну махъ, учительнал буч1иссар лахълахъисса произведениялул мазрал анализ дан, ккаккан бан мазрал цукунсса к1ану бугълай буссарив геройнал сурат ч1алач1и давриву.

Дарсирайн х1ладур хъанахъини, учительнал лич1и байссар словарьданий чичинсса махъру:

Масала: Абут1алиб Гъапуровлул «Ттул дак1 дустуран цач1уссар», «Зунттал к1ану», «Вирттаврал марш», «Гъаз хъияра» т1исса назмурдаву хъуна бакълай бур оьрч1ан бувч1ин зах1матсса кунмасса махъру: савлугъ, тарсмур, яс, бюру, аьк1, ц1урихъу, гъажа, нажас, лавмарт, ажал. К1ай махъру оьрч1ан зах1мат бизан кунмасса махъру бур. Произведениярттаву махъру, миннушалсса даву, мунил гъанусса мяъналуц1ун дарх1уну дур. Махъру биялну ва курт1ну бувч1ин баврин кумаг байссар текстравусса предложениярттал, цанчирча, махъру куннишал ку бавх1усса текстравур миннул зунххими ва т1айлами мяънарду цила багъайкун аьч шайсса.

Методикалуву махъру бувч1ин баврил жура – журацца къяйдарду дур: суратрайну, мукъурттийну, антонимирттал, синонимирттал кумаграйну.

Синонимру (гъансса мяънарду дусса махъру) цач1у бивхъуну бувч1ин баву хъанахъиссар яла ч1яруну, сайки, гъарца ч1умал ишла дан бюхъайсса къяйдану. Ц1усса мукъуц1ун гъансса мяъна дусса махъру ляхълай, оьрч1ал ганил мяъна к1ул дайссар. Масала, сумала хъу – ттирх1усса хъу, васият – аманат, ливас – лаххия, лажин – симан, сичча – нет1а, буллугъшиву – аваданшиву, ах1вал бушиву, питна – дяъви, къалмакъал – талатаву – бияву.

Синонимру гъансса мяънарду дусса махъру бунугу, гайннул дяниву лич1ишиву дуссар. Ванин бувну, учительнал мурад бик1ан

аьркинссар мюрш ивклун, мукьурттил мяьнардал личишивуртту члалачли дансса.

Антонимру – куннин ку кьаршисса мяьна дусса махьрур. Гай ишла байссар гьалгьалуву кьаршисса зад ккаккан дан.

Масала:

Ссут аьтлун дирклунни,

Баргь хьян бивклунни,

Члалимур бат хьунни,

Аьвну лавгунни.

Увччунан ккашилчув кьаклулссар.

Кьадарну яшайр, виричуну ивклуну хьинссар.

Антонимирттащалсса давривух оьрчлру гьира буну хлала буххайссар.

Бучлссар ми антонимру бусса предложениертту сакин дуллали бангу.

Оьрчлал гьалгьа магьир бавриву хьунмасса клану бугьлагьиссар фразеологизмарттал, учаларттал, лашан бавурттал, члйру мяьна ду мукьурттил ва омонимирттал. Вай клицл лавгсса маз пасихл баврил махьру, калимартту оьрчлан художественный произведениярттаву мудангу хьуна дакьлантлссар, мунияту вай мукьурттишал цила багьайкунсса даву дачин дан аьркинссар.

Гьалгьа магьир байни ишла байсса, кунния ку буцан бан кьашайсса мукьурттийн фразеологизмарду учайссар. Масала, арцул кару, ньматрал урцли, ненттабакл тливтлусса, бакл магьулун щусса ва мукунма цаймигу. Шивунма буххайссар учалартту, бусалартту. Мунихлуну художественный текстраву хьуна дакьайсса калимартту (фразеологизмарду) дурчлин дан аьркинссар гайннул анализ дурну. Давурттал дуссар личли – личлисса журадду. Масала, гай лув клицл

ларгсса калимарттал мяъна дурчѳин дара: акъа чара бакъу, лялух мухѳлу дахѳин, дакѳ мяш хъунну.

Лув кѳицѳ ларгсса калимарттан синонимру лякъин:

Дакѳнил хѳалимшиву –

Ччурччу дикѳуйн цѳу бичаву –

Лякъа дан –

Бутѳа бакъа дустал –

Бушкъаправа уккан –

Лув кѳицѳ ларгсса калимарттащал предложениартту сакин дара:

Бюрххул дакѳ, хѳакъсса зат, лажин кѳяласса, ненттабакѳ тѳивтѳусса, оърмулул уччин, багъа бакъасса.

Оърчѳал маз магъир бавриву хъуннасса агъамшиву дуссар учаларттал ва бусалартталгу. Учаларттал маз пасихѳ байссар, пикри куртѳ байссар, байсса ихтилат кутѳану, аьщуйн щуну буллали шайссар.

IV. Урчѳилчинмур классраву дуклакисса оърчѳал дакѳнихсса ва чичрулийнусса гъалгъа магъир баву.

.

Урчѳилчинмур классраву оърчѳал гъалгъа магъир баврил даврин ккаккан дурну дур мяйра ссят. Ва ккаккан дурсса чѳумуй дакъассагу, оърчѳал маз магъир баврил ялувсса даву учительнал дуллан аъркинссар гъарцагу мазрал бикѳу, литературалул бикѳу дарсирдай.

Оърчѳал гъалгъа магъир баву лакрал литературалул дарсирдай дайсса давурттал агъанминнул цану хъанай дур.

Урчѳилчинмур класс къуртал буллалисса оърчѳан кѳулу буллан багълай бур: произведение чивчума, ганил цѳа ва ганил

мя̀на; г̀анусса темарду ва лавхххусса произведениярдал сакиншинна; лавхххусса произведениялул мурвд, гиву гьуртту хьанахьими ва хьанахьисса ишру кунниц1ун ку бах1ин, произведениялул тема, г̀анусса мя̀на, мурад, рифма, строфа; лиро – эпический ва драматический произведениярттал хасьсса лишанну; дак1них лахххьин ккаккан дурсса текстру; писательнал чивчумунил суратру хияллаву хххьич1 дац1ан дан; художественный литература элмийсса литературалия лич1ий дан; к1ул дан лаххлахьисса произведениялуву мазрал пасих1шиврул ярагь ишла баврил агьамшиву; произведениялувусса к1ия герой цач1у ивхьуну, чичул гайннал чулухунмайсса ургаву к1ул дан; т1айлану, анаварну дуккин художественный ва элмийсса литература; пасих1ну ва бюхханну буккин художественный произведение.

Вай ва цаймигу бюххурду оьрч1аву сакин хьуншиврул учительнан аьркинссар гьарца мазрал ва литературалул дарсирдай гьалгьа магьир баврил ялув зун.

Учительнал хххьич1 бавц1сса г̀анусса масалану хьанахьиссар, пикри бувну, маз магьир байни ишла дайсса кьяйдарду лич1и даву.

Урч1илчинмур классраву оьрч1ал маз магьир баврил ялув дайсса давуртту ялавайми классирттаву мазрал ялув дуллай бивк1миннуйн чул бивщунур дайсса. Мукусса давурттуну хьанахьиссар учительнал пасих1сса букваву ва бусаву, художественный произведениялул хьирив лаяйни дуклаки оьрч1ру ихтилатравух х1ала буххан баву, лич1и – лич1исса журалул мурад бусан бавуртту, классрал кьат1ув бувккусса луттирду ххал бигьаву, ххал дурсса киносуратрая, телепередачалия бусаву.

Гьалгьа магьир баврин хас дурсса дарсирдай оьрч1ащал дайссар мазрал пасих1шиврул ялувсса ва мукьул ялувсса даву. Ми давуртту ишла дайссар произведение лахххьаврил гьарцагу шач1анттуй:

байбихьулул дарсирай, произведениялушал к1ул хъанакъини, хъирив лаллалини, жям бай дарсирдай.

Школарттай чичрулийнусса ягу дак1нихсса маз магъир баншиврул яла ишла дайми къяйдардуну хъанай дур текст пасих1ну дуккаву, бувккун, дак1ний ливч1мур чичаву, бувккумунил мурад бусаву, цукунсса бунугу хавардания ягу текстрая ихтилат баву ва муни кьимат бищаву. Текстрал ялувсса даву дайни, яла ч1яруну ишла даймур къяйдану хъанай дур оърч1ащал текстрая ихтилат баву (беседа). Мунил оърч1ал маз итххяххаврин, пикри буллали баврин агъамшиву дуссар.

Бувккумунил щаллусса мурад бусласини, мукъурттил хъирив бац1авугу дайссар, миннул пасих1шиврул ярагъругу ххал байссар.

Литературалул дарсирдай гъалгъа магъир баврил ялувсса даву мудангу дарх1уну дик1айссар мазрал дарсирдайсса маз магъир баврил даврищал. Художественный текстрал маз ахттар баврил оърч1ру к1ул байссар ниттил мазрал лялич1ишиврущал, чичул мазрал журалул хъирив лаяврил оърч1аву пасих1ну гъалгъа бансса бюхъу сакин байссар.

Маз магъир баврин хас дурсса давурттал оърч1ан кунниц1ун ку бавх1усса гъалгъа бан, чичлан кумаг бант1иссар.

1. Цаннал ихтилатрал ялувсса даву.

Цаннал цала гъалгъа – му хъанай бур гъалгъа т1има цама ихтилатчи акъа, цувалу гъалгъа т1ий ухъурча, гъалгъа т1ий ягу чичлай.

Цаннал гъалгъа сакин хъуну бик1айссар куннил хъирив ку ца пикри бусласисса, ца темалун хас дурсса предложениярттая.

Цаннал ихтилатрал агъамшиву дуссар цала гъалгъалийну учин ччимунил мурад чӀалачӀи бавриву, мурадгу бавхӀуну бикӀайссар цукунсса дунугу темалушал. Темалух бурувгунни мурад ва

тӀутӀимунил гъанусса пикри бусайсса ва чичайсса

Цара – ца темалия ихтилат бан бучӀиссар личӀи – личӀину, мунил мяъналух бурувгун.

КунницӀун ку бавхӀуну, бувчӀинну гъалгъа бан лахъхъин баншиврул, дуклаки оърчӀаву сакин бан багъайссар муни аъркинсса журалул бюхъурду:

а) гъалгъа хас бувсса темалул мурад, мяъна бакӀравун ита дакъин;

б) темалул мурад чӀалачӀи бан кумаг бансса материал куннил хъирив ку тӀайлану бусансса, чичинсса план сакин дан;

в) чичлачини мазрал пасихӀшиврул ярагъру, фразеологиялул оборотру ишла дансса бюхъу хъун бан.

Вай бюхъурду щаллу шайссар гъарца журалул къяйдарду оърчӀал пикри авадан бан, пасихӀну ихтилат бан лахъхъин байни ишла дарча.

Цукунсса бунугу суал ххал бигълагъини, классраву уттарашиву хъуншиврул, дуклаки оърчӀ ва учитель цаннан ца бувчӀлай бикӀан аъркинссар.

Цайнува цала ихтилат бан лахъхъин байни, куннашал куннал буллалисса гъалгъалул тагъар сакин даврил оърчӀру цала пикри бусан кӀункӀу байссар.

Масала, оърчӀ буслан икӀайссар бувккусса луттирал геройнаясса цала пикри, цайнува цала бувккун, цанма ххуй бивзсса бутӀул мурад

2. Мурад бусаву ва мунил оърч1ал маз магъир бавринсса агъамшиву.

Оърч1ан цайнува цивппа гъалгъа т1ун лахъхъин буллалени, хъуннасса агъамшиву дуссар лич1и – лич1исса журалул мурад бусаврил.

Щиха бунугу лавхъхъуну мурад бусан х1арачат баву – му маз магъир баврил х1урамур къяйдану ккалли дан къабуч1иссар.

Бувккумур ц1унил дак1нин бутаврил оърч1ан к1улмур гъарта байссар, цавувагу чичлансса бюхъу сакин байссар.

Лавайми классирттаву текстрач1ан гъансса, кут1а дурсса, цумур бунугу бут1а язи бувгъуну лич1и бувсса бут1ул мурад бусаву ишла даву хъинчулий ккаклай бур.

Вай цинярдагу журалул мурад бусаву даншиврул, цила багъайкунсса х1адуршин дик1ан аъркинссар – текст цавура цала дуккин, лахъну дуккин, бувккумунил план сакин дан, зах1матсса махъру ва калимартту дак1ний дитансса х1арачат бан. Текстрал мурад бусаврил циняр жураду ишла дайссар маз магъир баврин хас дурсса дарсирдайгу, литературалул произведение лахъхъаврил циняв шач1унттайгу.

Произведение лавхъхъуну, ганил анализрайн х1адур буллалисса дарсирдай буч1иссар оърч1ая т1алав дан лич1и – лич1исса бут1рал мурад бусаву.

Художественный произведение дахъва буклакини, лахълахъини, оърч1ал учительнал каялувшиврийну мурад бусаву дайссар: бусанмунил план дайссар, текстраву хъуна бакълакьисса, оърч1ан зах1мат бизан кунмасса махъру ва калимартту доскалий чичайссар. Мунил мурад куннил хъирив ку т1айлану бусан ва бусласимуниву чичул маз ябан кумаг бавур. Мурад бусаврил хъуннасса агъамшиву дуссар оърч1ан текст дурч1лач1исса куц, мунил биян буллалисса асар, мунил чулхунмайсса миннал пикри к1ул баврин.

Художественный произведение лавхъхъуну, ганил хъирив лаяву курт1ну дуллалини, учительнал лич1ирасса ургаву дайссар текст чирчусса журалух – хавар бусаврил журалий дурив, текстраву чивчумунил сурат хъхъич1 дац1ан дуллалисса куннасса журалий дурив.

Оьрч1ан мурад бусан зах1мат шайссар шамилчинмур жура.

Укунсса текстрал мурад бусаннин ххуйну х1адур хъуну, текстрава гъанумур пикри лич1и бан х1арачат байссар.

Буч1иссар ва журалул текстрал мурад бусаврил план суаллал, жавабирттал журалий сакин дангу.

Цала ссая бунугусса пикри аьч буллалисса текстрал мурад бусаву дуллалини, дуклаки оьрч1ал х1арачат бан аьркинссар бувч1ин чичу произвелениялийну учин ччай ивк1мур, му бувч1иншиврул ганал цала произведениялуву ишла бувсса мазрал пасих1шиврул ярагъру. Мукунма мурад бусаврил кумаг байссар дуклаки оьрч1ан бувч1ин геройнал дак1нил х1ал.

Гъарца журалул мурад бусаврил, художественный произведение лахъхъаврил лич1и – лич1исса шач1унттай бик1айссар цила мурад.

Произведение лавхъхъуну, га курт1ну ххал бигълагъини, ишла дайссар лич1и бувсса бут1рал мурад бусаву. Учительнал ччянива х1адур бувну, бусайссар геройнал хасиятран кьимат бишлашини цуми к1анттурдах я бурган бант1иссарив. Масала, Ильяс Керимовлул «Лич1ишаву» т1исса роман лахълахъини учительнал мурад бусан лич1и бан бюхъайссар:

1. Роман чивчусса ч1умунсса хасшиннарду.
2. Та ч1умалсса инсантурал дуккавил чулухунмайсса бургаву.
3. Та ч1умуву ялапар хъанай бивк1миннал ах1вал.
4. Романдалуву цила инсаншиву дуруччаврил ц1аний талатисса зунттал хъамитайпалул оьрмулул масалартту.

5. Романдалуву ккаккан бувсса шархъал ва шагърулул агълу, аьлимтал ва зузалт, горкомрал зузалт.

6. Романдалул гъанусса мяъна.

Литературалул дарсирдай ч1яруну ишла дайссар кут1а бувсса мурад бусаву, цанчирча, хъунисса произведенияртту лахълахъини, щаллусса мурад бусаврин хъуннасса ч1ун харж хъанай дунут1ий. Кут1ану мурад бусаву – му хъанай дур яла агъанми к1анттурду лич1и бувсса мурад бусаву. Укунсса мурад бусайни ххуйну к1улну бик1ан багълай бур произведениялул сакиншинна ва ганил гъанусса мурад.

3. Чичрулийнусса гъалгъа магъир баврил къяйдарду.

Чичрулул давуртту - литература лахъхъаврил гъанусса бут1ану хъанакъиссар. Оьрч1ал маз итххяххан баврин чичрулул давурттал хъуннасса агъамшиву дуссар.

Дуккаврил шинал мутталий учительнаща бюхъайссар программалул т1алав дуллалиссаксса чичрулул давуртту четвирттайх дарч1уну дан.

Урч1улчинмур классраву дуклакисса оьрч1аву ялавайми классирттаву сакин хъусса чичрулул вардишру ц1акъ дайссар, му давугу чан - чанну т1ий зах1мат дуллай дачин дайссар.

Му бакъассагу, урч1улчинмур классраву оьрч1ру к1ул шайссар ц1усса чичрурдал жураддащалгу. Лавайми классирттавусса чичрулул давуртту оьрч1ан зах1матссар агар байбихъулул школалий миннащал цила багъайкунсса давуртту дуллай къабивк1хъурча.

Аьдатрайн бувну, литературалул дарсирдай дайсса гъануми чичрулул давурттуну хъанай дур изложенияртту, сочиненияртту. Изложениярттал мурад хъанай бур дуклаки оьрч1ан цала бувккумунил, ягу цанма бавмунил мурад щаллуну чичин лахъхъин баву. Миннул жураду дур лич1и – лич1исса: оьрч1ан хъхъич1ара

к1улсса текстрайн бувсса, к1ул дакъасса текстрайн бувсса, х1адурнасса пландалийн бувсса.

Сочиненияртту чичайссар лавхъхъусса художественный произведениярттайн бувну, оърч1ал цала т1абиаьтрал хъирив бац1аврин бувну ва, суратирттайн бувну.

Оърч1ал гъалгъа магъир баврин хъуннасса агъамшиву дуссар литературалул хрестоматиялул методикалул аппаратрал. Цайми тарбиялул масалартту щаллу баврищал арх1ал мунил оърч1ал маз магъир баврингу хъуннасса агъамшиву дуссар.

Оърч1ал гъалгъа магъир баврин хас дурсса давуртту ххал дигълагъини учительнан дак1ний бик1ан аьркинссар хрестоматиярдаща циняр чичрулул давурттал жуларду ккаккан дан къабюхъайшиву, миккусса чичрулул давуртту произведениярттац1ун дарх1усса душиву, гайми чичрулул давуртту программалул т1алавшиннарайн бувну, цанна х1адур дан багъант1ишиву.

Даврил къяйдалух ва масаларттах бурувгун изложенияртту дуссар к1ира журулул – чичин лахъхъин буллалисса ва лавхъхъумур ххалбигълагъисса, му даврил хасиятрах бурувгун дик1ан дик1ан бюхъайссар текстрач1ан гъансса, кут1асса, лич1и бувсса произведениялул ягу хаварданул бут1уйн бувсса, ялун ххи дурсса заданиярттащалсса, сочинениялул элементирттащалсса.

Лавхъхъумур ххал бигълагъисса (контрольные) изложенияртту миннул журулул къабурувгун яларай ккаккан дурсса куннасса къяйдалий дан буч1иссар.

Учительнал кут1ану изложение даврил мурадрая ихтилат байссар, дуккайссар текст. Бувч1ин байссар оърч1ан зах1мат хъун кунмасса махъру, ми доскалий чичайссар ва план дулайссар.

Текст дуккайссар цал ялагу, мунияр махъ, оърч1ру изложение чичлай байбишайссар.

Контрольный изложение дуллалени, оърчлахъ цахъва мурад бусан къабайссар.

Вайми, лахъхъин бай изложенияртту даврил къяйдарду миннул хасиятрах бурувгун даххана шайссар.

Масала, текстрачлан гъансса, щаллуну гъарзад чичайсса изложенияртту кутласса изложениярттаяр оърчлан чичин бигъассар.

Текстрачлан гъансса изложенияртту оърчал чичайссар авторнал маз, ганал калимартту ишла дуллай.

Изложениялунсса текст оърчлан клулсса, гайннал лархъхъусса духъурча, му хъиннува хъинссар.

Учительнал изложение чичлан хъхъичл бувсса ихтилатрал, буллусса суаллал оърчлан хаварданул гъанусса мурад, гивусса геройтурал хасиятру, чичул маз даклнин бутан кумаг бантлссар. Мура члумал, учительнал оърчлащал цаппара захлатсса мукъурттил, калимарттал мяъна даклнин дичайссар. Текст лархъхъусса духъукун, оърчлаща куннил хъирив ку тлайлану, агъанми кланттурду къакъабивтун изложение чичин бюхъайссар.

Кутласса изложенияртту чичаву оърчлан захлатссар.

Мукусса изложенияртту дайни, оърчлан кутла дан бигъасса текст дурчлайссар. Кутла дур изложениялул мурад хъанахъиссар текстрал мурад кутлану бусаву, мугу авторнал гъанумур пикри, хавардануву буминнал хасиятру, ишру баххана къабувну.

Текстрал ца бутлул изложение дуллалисса члумал, яни текстраву язи бувгъусса бутлул изложение дуллалени, щала материал къачичайссарча, ганива учительнал личли дурсса темалиятур чичайсса, цурдагу ччарча щаллуну, ччарчагу кутла дурну. Ва журалул чичрулул агъамшиву дуссар оърчлан клулсса щаллусса

произведениялувату ккаккан дурсса темалунсса материал миннаща лич1и дан бюхъавур.

Изложениярттащал арх1ал урч1улчинмур классраву чичайссар сочинениярттугу.

Сочинениярттаясса т1алавшинна классрава классравун хъун хъанахъиссар.

Оьрч1ал сочинениярдаясса гъанусса т1алавшиннану хъанахъиссар миннаща цала аькълулул кьувкъумур, цала пикри куннил хъирив ку чичин бюхъаву.

Сочиненияртту темалух ва журалух бурувгун лич1и – лич1исса дик1айссар (оьрч1ал цала оьрмулул опытрайн чул бивщуну чичайсса, суратрайн бувну чичайсса, литературалул произведение гъануну лавсун чичайсса).

Оьрч1ал цала опытрайн чул бивщуну чичайсса сочиненияртту миннал оьрмулух бурувгун даххана шайссар.

Сочиненияртту чичайссар оьрч1ан циняннан хасъсса иширттая, миннал аьмну дуллай бивк1сса давурттая. Масала, «Ссутнил лишанну», «Шяравун инт дурк1унни», «Ттул нину», «Ххувшаврил байран», «Ттун ххуй бизайсса пиша» ва м.ц.

Литературалул произведениялийн бувну сочинение чичлан байбихълахъисса ч1умал, булайссар суаллу. Ми суаллансса жавабирттайну сакин шайссар хъун бакъасса хавар, чан-чанну т1ий сочинениярттал темарду шайссар ва миннал цала произведениялуя, мунил геройтурая, миннал занакъалашиннардая цала пикри буллалимур чичаву т1алав дайссар.

Суратрайн бувсса сочинениярду дан буч1иссар цинявгу классирттаву. Ми дувайссар лахълахъисса произведениялул мурадрач1ан гъансса темалийн бувсса суратирттайн бувну.

Ми журалул сочиненияртту учительнал оърчлал цал даклних сакин дайссар яла чичайссар.

Школалий дувайсса личли – личлисса чичрулул давурттаву агъанмурну хъанай дур – сочинение. Сочинениярдал дур личли – личлисса жураду. Яла чляруну школалий ишла дуллай бур литературалул произведениялийн бувсса ва оърчлал цала оърмулуну асар биян бувмунил гъанулийсса сочиненияртту. Вай давурттаву оърчлал цала пикри бувсун, цайнува цала цукунсса дунугу темалухсса цала бургаву члалачли дурну диклан аьркинссар.

Цуксса хлайпнугу, члявуми лакрал школарттай сочинениялул ялувсса даврих багъайсса я бурган буллай бакъар. Хъинну чанну дур оърчлан асар хьумунил гъанулий чирчусса сочиненияртту, лахълахъисса литературалул произведениялийн бувсса сочиненияртту тлурча, чляруми га произведениялул мурад бусаврин клура дарну дур.

Ххал бувсса школарттал урчлулчинми классирттаву чляруну хъуна дакъайми сочинениярттал темарду хъанай дурр шинал члуннан хас дурну чирчусса, лакку кланттун, цала шяравллан ва байрамирттан хас дурну чирчусса сочиненияртту.

Сочинение – му чичрулул даврил личлисса жура хъанай дур. Сочиненияртту чичаврил оърчлал маз магъир шаврин, литературалул произведение куртлну бувчлаврин ва мунин багъайсса къимат бищаврин агъамшиву дуссар.

Личли-личлисса темардайн бувсса сочинениярттал дуклаки оърчлан цала учин ччимур куннил хъирив ку тлайлану, буклакиманан бувчлинну чичин лахъхъин бан аьркинссар. Амма члявумур члумал оърчлан цанна сочинение чичаврил сававгума къадурчлалчлисса кланттурду хъуна бакълай бур.

Цила багъайкун я бурган буллай му даврих дарс дихълахъимигу бакъар. Ч1явумий к1анттурдай му дарс дишинсса к1улшиву дакъар учительтурач1агу.

Оърч1ал сочинениярттаву яла ч1яруну хъуна дакъайми диял дакъашивуртту хъанай дур темалун хасъсса мурад къачичаву, произведениелузу хъанакъимунин лайкъсса къимат бищун къабюхъаву. Ч1яруми сочинениярттаву ишру художественный произведениярттаву хъанакъисса ч1умуц1ун бавх1уну къабик1аву.

Гьуртту хъанакъиминнал сипатирттал къимат бишлашини, инсан ялун урган цукунсса уссарив, ганал хасият, т1уллу ч1алач1и дурну дур, ганал оърмулул лагма-ялтту хъанакъимунинсса агъамшиву ккаккан къадурну.

Сочинение чичаврил гъану бизайссар художественный произведениелул анализ дуллалини, чичаврил бюхъу т1урча сакин шайссар ганил гъанусса мяъна к1ул дуллалини.

Произведение ххал бигъаврил журалух бурувгун сакин шайссар сочинениярдал журарду: гьуртту хъанакъиминнал хасиятрал хъирив лаяву, къимат бищаву – геройнал сипат, гьуртту хъанакъими цац1у бивхъуну, ххал бигъаву, геройтурал сиппатру цац1у дирхъуну, ххал дигъаву.

Сочинение х1адур даврил цинявгу шач1анттай: материал х1адур дайни, чичлачини, чивчумур ххал бигълагъини каялушиву дайссар учительнал.

Цумур дунугу темалийн бувну сочинение чичин оърч1ру х1адур буллалини, ганил гъанусса мурад бак1равун итабакъин гайннан кумаг байссар, хъирив аъркин дансса материал х1адур дайссар, сакин дайссар план, яла буч1иссар пландалийн бувну, дак1них мурад бусан бан ва чичин бан.

Чіавуну оърчлал сочинениярттавусса гьалатіру итххяххан буллай бур гайннан тема, цала ссаяту чичинтліссарив букъавчлуну личлаврин бувну, ганил гьанусса мяъна вив итакъадакъаврин бувну.

Сочинениярттал темардал мурадру биклан бюхъайссар чичул шалагу творчестволул хьирив лаяву, ганал цаппара произведениярттан къимат бищаву ягу ца произведениялун хас дурсса темалийн бувну сочинение чичаву.

Чичул творчестволух бурувгун сакин хъанай дурр сочинениярттал темардугу минул цлардугу.

Масала, Ильяс Керимовлул «Личлийшаву» тлісса роман лавхъхьуну махъ бучліссар «Аьйшатлул ва Аминатлул сипатру» тлісса сочинение ягу «Талихлі цири» «Давудлул сипат» тлісса сочиненияртту чичин.

Сочинениялул тема дурчлаврин, му баклравун духхаврин агьамшиву дуссар учительнал оърчлащал сочинениялийн хладур байни дайсса даврил.

Масала, Ильяс Керимовлул «Личлишаву» тлісса романдалийн бувну «Аьйшатлул ва Аминатлул сипатру» тлісса сочинение чичлан хъхьичлі оърчлан клулмур низамрайн буцаву мурадрайсса ихтилат байссар, ягу суаллайну миннан клулмур ххал бигъайссар. Му бакъассагу, оърчлал я бурган байссар душварал хасиятирттавусса лавхъхьумуних ва личлимуних. Бургайссар оърчлащал ва романдалуву хъанакъимур цукунсса члумуцлун бавхлуну бурив. Ххал бивгьукун, члалай бур романдалуву ишру хъанай бивклшиву ряхцлалку шиннардил дайдихъулий, инсантурачла дуккаврил сий хьинну лахъну дусса члуннардий.

Романдалуву члалачлі бувну бур та члумалсса дагъусттаннал шярваллан ва шагьрурдан хасъсса оърмулул бутла, маэшатрал чулуха личли-личлісса инсантурал оърму.

Романдалуву ккаккан бувсса оьрмугу, гиву гьуртту хъанахъимигу бур Давудлул ва Аьйшатлул сипатру щаллу дансса кумагчиталну хъанай.

Оьрч1ал я бурган байссар Аьйшатлулмур оьрмулук. Га хъун хъуну бур авадан бакъасса зузалал кулпатраву. Ттуршрахъул шиннардий ихтияр дакъашиврул ляк1ин дурсса шарсса дур Аьйшатлул нину Ххадижат. Мукумма ганич1а лявк1уну хъун хъуну бур Аьйшатгу. Цила нач – ламусрал га битлай бакъар оьрмулул бугъараминнач1а цила пикри ялун личин бангу.

Шяравату шагърулийн бувк1укун, га бур ляк1лай, сикъаслай. Хъинсса дак1нил залуннан Аьйшатлун Давудлуя лич1и хъуну махъгума ганан оьккисса цич1ав хъуну ччай бакъар. Аьйшатлул дак1ниву ччалай бур к1ива асар: ца – ганал цийра дурсса баччибакъашиву, гамургу – ганал чулукуннайсса цила ччаву. Цуппа кьукьин баврил асар цивува ххув шаврил га лич1и буллай бур Давудлуя. Мунир ххишалагу, ганил га лич1ишаву так ласная лич1ишаву дакъагу, га дур циняргу цинна зах1матсса, инсан кьукьу акьин уллалисса, аьвзал заманная жуч1анна дурк1муниясса лич1ишавугу.

Гъарцагу ишираву жунма Аьйшат ч1алай бур цила оьрч1 ххирасса нинунугу, ласнайн т1айласса шарссанугу, дак1 марц1сса инсаннугу. «Лич1ишаву» хъанай бур Аьйшатлул хасият щаллу хъанахъаврил тарихну.

Бурганну Аьйшатлул дус Аминатлулмур сипатрах. Аминат бур тархъансса хияллал инсан. Ганища бюхълай бур цила т1имуний бац1ан, цила т1имур бац1ан буллан, ганил Аьйшатлунгу лахъхъин бан х1арачат буллай бур, бувч1ин бан мунихъ цихърагу ласнахъ куннасса ихтиярду душиву.

Аминат бур дуккавриву итххявхсса, дуснал чулухунмай дак1 т1айласса, т1айламур ччисса, тяхьасса инсан.

Душварал ч1ярусса лархьхьусса хасиятру дур, амма дур лич1иссагу. Ххал бигьайссар яла оьрч1ашал душварал хасиятирттавусса лич1иймургу.

Вай укунсса журалул давуртту дурну махь, оьрч1ахьхьун шаппа сочинениялийн х1адур хьун дулайссар.

Ваниха лархьхьуну буч1иссар чичин цайми произведениярттайн бувсса сочинениярттугу.

1) Оьрч1ан асар биян бувмунил гьанулийсса сочиненияртту.

Оьрч1ан асар биян бувмунил гьанулийсса сочиненияртту чичлачисса дарсирдал мурадну хьанахьиссар кумаг баву гайннан цайнура цала тема лич1и дан, сочинениялуву цала пикри аьч бувну ч1алач1и бан ва ч1ирал газетрайн мяьна дусса, ххуй дизансса сочиненияртту х1адур дан.

Мисалдаран ласунну гьинтнил каникуллал ч1умал оьрч1ан асар биян бувмунил гьанулийсса согчиненияртту.

Дарсирал дайдихьулий бусайссар оьрч1ахь ва дарсирай чичинт1ишиву гьинтнил каникуллай цанма ккавкмунил, к1ул хьумунил, асар биян бувмунил гьанулийсса сочинение.

Буч1иссар булун суаллу:

1. Цукунсса иш гьанулун лавсун чичинну зу ва сочинение?
2. Цукунсса хьинну х1аз бизансса, хьинну дак1ний лич1ансса ишру хьуна бавкьри зун гьинттул?
3. Цукунсса дак1ний лич1ансса дак1ний лич1ансса иширавух гьуртту хьура ина гьинтнил ч1умал?

Оьрч1ах вич1и дирхьуну, лич1и дайссар циняв оьрч1ан гьанмур тема, ганийн бувну чичайссар сочинение.

2) Тезисру, конспектру ва минул пландалуясса личишиву.

Дуклаки оърчлаву сакин бан аьркинсса ца гьанумур бюхьуну ккалли байссар-миннан макьалалул (статьялул, цала ягу цаманал чивчумунил, бувсмунил кутласса мурад чичин ягу план дан лахьхьин баву.

Лакрал, оьруснал литературалул дарсирдай, школа кьуртал бувну махь, оьрмулуву, гьарцагу инсаннан аьркин шайссар куртлну лахьхьин, клул бан луттирал, статьялул мурад, ягу цанма инсантурал хьхьичл махь лахьан. Вай укунсса члуннардий, кутлану, гьанусса мурад тезисрал журалий чичин бюхьаву бучлину лякьайссар.

Вай укунсса бюхьурду сакин хьуншиврул дарсирдай цин лархьхьусса давуртту дувайссар.

Мукусса давурттал мурадну хьанахьиссар оьрчлру тезисирттащал, конспектирттащал клул баву ва миннаву мукусса даврил бюхьу сакин баву.

Даврил гьануми жураду:

Учительнал хьхьичлмахь:

- Циняннан клулсса куццуй, бувккмур ххуйну бувчлайссар, конспект дуллай, гьануми пикрирду чичлай бухьурча (буклакимунил кутласса мурад), тезис дуварча (луттирал, макьалалул, статьялул гьанусса пикри чичирча). Бачлва-ялттувасса пикри къабувсса букваврия хайр бакъассар, мунил клулмур гьарта къабантлссар, цла ларгсса мукьул устартуралгума диялну, кланайн дуртсса цала ихтилатрал план ва тезисру хладур дайссар. Мукусса хладур шаврил ихтилат буллалима шаллуну цала учинмур чичаврия ва цимурца букваврия мурахас айссар.

Пикри буну сакин дурса пландалул ва тезисирттал кумаграйну инсантурашалсса ихтилат гайннан ххуй бизанну, гайннал вич1и дишинну шайссар.

К1улсса куццуй, чичрулул гьануми давурттуну хъанай дурр изложенияртту, сочиненияртту. План, конспект ва тезис кумагрансса чичрулул давурттуну хъанай дур. Вайннулгу дур к1ира жура: 1) буклакисса луттирал текстрал план, конспект, тезисру даврил жура; 2) инсаннал цала бансса гьалгьалул, докладрал, сочинениялул план, конспект даврил жура.

Школалий литература лахьлахьини, вай чичрулул давурттал, хаснура, план даврил, хъуннасса агьамшиву дуссар.

Литературалул произведение лахьлахьини вай давурттал, хаснура план даврил, хъуннасса агьамшиву дуссар. Произведениялул хъирив лаллалини, учительнал пикри буну, ххал дайссар цала х1адурнасса план та дулун дурив, дуклаки оьрч1ал цайнура цала план та сакин данссарив, ва цумур ч1умал шала классрал оьрч1ал х1ала бувххун план сакин данссарив.

Произведениялул, мунил бут1ул план дуллалаврия зарал бакъассар, му маз магьир баврил агьамсса кьяданугу хъанакъиссар ва оьрч1ал акьлу-пикри авадан шаврин кумаггу шайссар. План дуллалини оьрч1 произведенийлуву хъанакъимунил хъирив лаллай, муниву куннил хъирив ку ишру нанисса куццул х1исав ласлан ик1айссар, произведениялул жям дуллан ик1айссар. План лич1ину аьркин къашайссар так назмулий чивчусса произведениярттан.

План сакин даврил ялувсса даву дарх1уну дик1айссар текстрал мурад бусан лахьхьин бавришал, изложенияртту, сочиненияртту чичаврин оьрч1ру х1адур бавришал.

Произведениялул текстрал план дакъассагу, оърчлан лахъхьин дайссар цала жавабирттал, изложениярттал, сочинениярттал планну дангу.

Планну даврил гъануми жуларду бучлссар укун личли дан:

- а) хладурнура учительнал цала дурну дуллусса план;
- б) циняннал цачлу, циняв хлала бувххун дурсса план;
- в) дуклакиманал цайнура цала сакин дурсса план.

План сакин даврийну оърчлан лавхъхьумур ва гайннал клушвиврул даража ххал бигьин бюхъайссар. План дан бюхъаншиврул, произведениялул гъанусса мяъна ва мурад оърчлан бувчлуну биклан аьркинссар. Масала, произведениялул цума унугу геройнал хасиятрал къимат бишлашини дувайссар план:

1) ацлулчинмур класс къуртал буллалисса Аьшатлун оьрму ххирасса куц;

2) душнил цила оьрму ххуйсса хьуншивринсса умуд;

3) Аьшат шар шаву;

4) шар хьуну, шагьрулийн бувклукун Аьшатлун оьрму хьиннува ххира шаву, га шагьрулул хлайран баву;

5) члун наниссаксса Аьшатлун цуппа Давудлун къаххирашиву бувчлаву ва ганин оьрмулува дакл дуккаву;

б) Аьшатлун цила оьрму ххуй чулий баххана бансса гуж цивува лякъаву ва заводраву хлурмат лавайсса зузала хьун бюхъаву.

Аьшатлул ниттил Ххадижатлул, Давудлул, Аминатлул, Мухтардул хасиятирттан къимат бищаврил план оьрчлаща цацара дан бюхъайссар.

Агъамшиву дуссар план сакин даврил жуларулгу. Оьрчлал я бурган бан аьркинссар план дайни ишла дайсса предложениярттал

журардах. Цуми предложениярттур ишла дайсса план дайни: бусай предложенияртту, ц1уххай, ц1аку предложениярду?

Къабуч1иссар тасттикъ буллан план сакин даву так ц1аку предложениярдая дайдишин аьркинссар т1ий. Агар ккалли барча оьрч1ру суаллал журалийсса пландалийн аьдат шаву – му ч1умал бувч1ин байссар произведениялийн бувну байссар произведениялийн бувну буллусса суаллу х1адурнасса план хъанахъишиву.

Буч1иссар сакин дан план лич1и – лич1исса предложенияртту х1ала дурну. Цанчирча ца клану оьрч1ан бигъану бик1айссар бувч1ин бан ц1уххай предложениярдаину, цагу ц1аку предложениярдаину, цагу бусай предложениялийну.

Масала, А. Х1усайнаевлул чивчусса «Нак1ливух оь х1ала шаву т1исса» повестърал план дан буч1ир кут1а дурнугу:

1. «Нак1ливух оь х1ала шаву» т1исса повестъраву ч1алач1и дурсса ч1умуя ва та ч1умалсса халкъуннал оьрмулуя бусан.

2. Цукунсса ч1ун дирк1ссар та, цукун зий бивк1ссар халкъ колхозирттаву.

3. Ци журалул инсан ур Салман Къантамиров, ва кунмами ч1явусса бивк1ссарив та ч1умал?

4. Ат1а зах1мат ххирасса бушиву ссайну ч1алай бур?

5. Къурваннул сипат дувара. Мугу, Салмангу цач1у бивхъуну, Къурваннул ларайшиву ссаву дуссарив ч1алач1и бара.

План даву канилух дурккукун, буч1иссар т1алав дуллан оьрч1ая ца журалул предложениярттая сакин хъусса план.

Лавайми классирттаву оьрч1ан лахъхъин дан багъайссар ялавайми классирттаву хъинну чанну дакъа хъуна къадакъайсса ц1усса журалул чичрулул давуртту.

Урчлулчинмур классравугу магьир дан багьайссар оьрчлру мяйлчинмур классраву чичин лахьлай бивклсса рефератру, докладру, сакин дан лахьлай бивклсса конспектру, тезисру чичаврил ялувсса даву. Вай давурттал оьрчлал гьалгъа магьир баврин, маз авадан баврин, лахьлахьисса произведениялул мяьналул хьирив куртлну лаяврин кумаг байссар.

Му бакъассагу, литературалул темалийн бувсса материалгу хьунтлссар. Оьрчлан лахьхьин бан аьркинссар литературалул произведениялун кьимат бишлашисса статьялува аьркинмур личли бувну, чичин, сакин дан план, тезисру, конспектру.

3) Конспектрал ялувсса даву.

Конспектрал пландалуясса личлишиву хъанай дур муниву бувккусса произведениялул, оьрчлал цала чирчусса сочинениялул, докладрал, бувсса ихтилатрал бутлран цларду ришаву дакъа, гивусса гьарца бутлул кутласса мурад чичаву, чичайнигу члалачли баву яла гьанумур, агьанмур.

Му бакъассагу, конспектрал бутлрал мурад куннишал ку бавхлуну биклан аьркинссар.

Конспект чичаврил жуларду личли-личлиссар: ми диклан бюхьайссар пландалул пунктру бувчлин буллалисса кутласса чичрурдуну; текстраву бусса куццуй лавсьсса, пландалул бутла бувчлин бан кумагрансса цитатану; гьанусса пикри кутлану бувчлин буллалисса бусай предложениярдуну.

Конспект чичин лахьхьин баву дайдишайни, бучлиссар ишла бан хьиннува хьуни бакъасса статьярдуну, яла тлурча чан-чанну тлий миннул лагру хьун дан.

Конспектру дан бюхьайссар луттирдайсса «Революция хьуннинсса дагьусттаннал литература», «Дяьви кьуртал хьуну мукьахсса лакрал ва дагьусттаннал литература», «Ттизаманнул

литература» мукунма литературалул учебникирттай цума унугу чичул творчестволун кымат бишлашисса статьярдан буну ва лакрал литературалун хас бувсса журналлайсса, кказитирттайсса статьярдан буну.

4)Тезисрал ялувсса даву.

Тезис хъанай дур цукунсса бунугу статьялул, инсаннал ихтилатрал яла кьулаймур тагъарданий, кутлану бувссысса гъанусса пикри.

Тезисрал члалачли байссар кьуртал хьусса пикри, мисаллу къабувцунува.

Тезисру диклан бюхъайссар суаллансса жавабну ягу пландалул ца пунктрал гъанусса мурадну. Мунил маз биклан аьркинссар кутласса, хьинну ялув бавцлуну махьру личли буну сакин дурсса.

Масала, «Дяьви кьуртал хьуну мукъахсса лакрал ва дагъусттаннал литература» тлссса статьялул тезис оьрчлащал классраву сакин дуллалини хъанай дур укунсса чичру:

Немец фашистьтуращалсса дяьвилува жула халкъуннал ларссысса ххувшаврил ва ганияр махь оьрму ххуй баврил цланийсса дагъусттаннал литературалул хьхьичл бавцлусса масалартту бивхьуссар.

Литература инсанначлан ххуй чулий клура дарссар.

20-30 ку шиннардий литература кккалаккиминнаву цлусса обществолуву буллалисса захлматрах шавкъ дутаву, цлусса пикризикри щаллу баву дирклхьурча, дяьви кьуртал кьуртал хьуну махь чичул хьхьичл бавцлусса масала гьарта хьуссар. Миннал литература цлусса инсан тарбия аврин, га цлакьсса ххуллин утаврин хас дурсса дирклссар.

Цаппара чичулт дуллалимуниву гъалат1ру ита бакълай, буклакима щаккиравун утлатисса, дунияллува дак1 дуккан дуллалисса, литературалул бувгъуну нанисса агъаммур ххуллиа буклакима айкъин уллалисса произведенияртту бишлан бивк1ссар.

1946-ку шинал бувкссар Москавлив литературалул ва искусстволул хъхъич1 бивхъусса масалартту аьмну ч1алач1и буллалисса х1укму. Гания махъ Дагъусттанналмур литература ххуй даврил х1акъиравусса х1укмугу бувкссар. К1ай х1укмурдал кумаг бувссар литература ва искусство оьрмулуц1ун дах1аврин, халкъуннал культура гъаз шаврин.

Дяъви къуртал хъуну махъсса шиннардий гуж хъуссар Дагъусттаннал ва оьруснал литературардал куннишал ку дах1аву.

Оьруснал чичултрал гужми произведениярду дагъусттаннал мазурдийн, дагъусттаннал чичултралми оьрус мазрайн таржума буллан бивк1ссар.

Тамансса утта дуркссар литературалиясса критика ва бувкссар литературалул х1акъиравусса луттирду.

Дяъви къуртал хъуну махъсса шиннардий Дагъусттаннал чичулт хъунмурч1инсса бургаву дуллай бивк1ссар зах1маткашнах-фронтрая ч1явусса ккавккун зана хъусса воин-талаталах.

Дяъвилул шиннардий чичулт чанну чичлай бивк1ссар халкъуннал къинттуллух буллалисса зах1матрая. Дяъви къуртал хъуну махъ байбивхъуссар халкъуннал паракъатну буллалисса зах1матрая буслай.

Чичулт х1арачат буллай бивк1ссар оьрмулуву хъанахъисса яла агъанми ишру цала произведениярдаву чанна лахъан бан.

Дагъусттаннал литература авадан хъуссар ц1усса жанрардал, чичлачимунил темарду гъарза хъуссар. Чичлан бивк1ссар цивппа

ялапар хъанахъисса члумуясса произведенияртту. Чичултрал усттаршиву ларай хъуссар, Дагъусттаннал литература балугъравун духлан диркIссар.

5) Чичрулул давурттавусса гъалатIру бакъин баву.

Литературалул дарс дишайсса учительтурал давриву, оърчIал чичрулул давурттавусса гъалатIру бакъин баву яла агъанмурну хъанай дур.

ОърчIан гъалатIру бакъа чичин лахъхъин баву дакъассагу, чичрулул даву дакъин дайни, учительнал хIисавравун ласун аьркинссар га даву цукун сакин дурну дурив ва стилистикалул правилартту цукун дурурччуну дурив.

Сочинениярттал ва изложениярттал гъалатIру бакъин бувну, къимат бищайни, учительнан хIисавравун ласун аьркинссар чичрулул даврил мукъва чул: мурад, сакиншинна, гъалатIру, стиль (маз). Хъунмасса я бурган бан аьркинссар даврил гъанусса мяъналухгу.

Чичрулул даврил мурад ххал дигълагъини, учительнал я бурган байссар мурад щаллу баншиврул дартIсса материал диялсса дурив, темалин бувну мурад тIайлану, темалия акъавккун чивчуну бури.

Даву сакин дурсса куц ххал дигълагъини, учитель ургайссар га даву пландалийн бувну, бутIри тIайлану куннил хъирив ку бивхъуну, абзацру (цIу ххуттал дайдохъу) тIайлану ишла дурну чирчуну дусса дакъасса.

Чичрулул даву ххал дигълагъини, учительнал ххал бан аьркинссар мукъурттиву хъуна бавкъсса гъалатIру ва предложениярттаву дикъархъуну къадиртсса ва тIайла дакъа ишла дурсса чичрулул лишанну.

Стиль (маз) ххал бигълагъини, учительнал бакъин байссар т1айла бакъа ишла бувсса махъру ва калимартту, т1айла дакъа сакин дурсса предложениартту, бакъагъавай ишла бувсса цитатартту.

Циняв гъалат1ру учительнал бакъингу бувну, оърч1ан ч1алач1игу бувну бик1ан аъркинссар.

Гъалат1ру бакъин баврил дуссар к1ира жура: 1) оърч1ал гъалат1ру учительнал бакъин баву; 2) учительнал ккаккан бувну, оърч1ал цала гъалат1ру бакъин баву.

Буч1иссар учительнан цаппара гъалат1ру цала бакъин бувну, ливч1ми оърч1ан цанма бакъин бан битангу.

Гъарца учительнал дик1ай цанна хасъсса гъалат1ру бакъин баврил низам, амма къулайну бик1анссия гъалат1ру бакъин бавриву циняннан аъмсса гъалат1 бакъин баврил къяйдардугу, лишаннугу ишла даварча.

Ч1явуну гъалат1ру бакъин бай ят1улсса щекъирай, т1айла бакъа ишла бувсса мукъурттил ва калимарттал лултту аьш дурккун, тикрал хъанакъисса мукъурттийх, калимарттайх, предложениарттайх аьш дурккун, биял бакъамур ялув чивчуну, биял бувну, ялагу ххи бан аъркинмур тетрадьрал полярдай ккаккан бувну.

Сакин хьуну дур ч1явуминнал гъалат1ру бакъин байни ишла дайсса лишанну:

І – аьш, ванил ккаккан байссар мукъурттиву ита бавкъсса орфографиялул гъалат1ру.

✓ - предложениелуву аъркин дакъа ишла дурсса ягу ита даркъсса, чичрулул лишан: к1унт1, запятой ва м. ц.

? – (ц1уххаврил лишан) – ва лишан ишла дайссар лултту аьш дурккусса мукъух ягу калималух оърч1ал я бурган баншиврул.

Гъалат1ру бакъин байни ишла дайсса вай лишанная зарал бакъашиврин щак бакъар, му бакъагу вай лишанну мудан ишла

дуллалаврил оърчлан цала диялдакъашивуртту дурчлин ва ми дакьин дан кумаг бантиссар. Иш мукун бунугу, лишаннайну оърчлан гьалатлру ккаккан баврийну гьашиву къадурну, гьарца даврин чичрулийну къимат бищурча (рецензия чичирча) хайр хьунмассар, амма му даврин диялсса члун дакъашиврин бувну, учительнал кутласса замечаниярттайну гьашиву дай.

Оърчлал чичаврил бюхьу магьир шаву мурадрай, ишла дай ялув клицл ларгми дакъа, цаймигу оърчлан гьалатлру члалачли баврил лишанну:

~ - ва аьщул члалачли бантиссар тикрал хъанакъисса махьру ва калимартту.

≈ - агарда махь ва калима клила тикрал хъанай бухьурча клира, шамила тикрал хъанай бухьурча шанна аьш дуккайссар.

— - ва мукьул лултту дурккусса аьщул члалачли буллалиссар шикку цамур махь ишла бан аьркиншиву.

= - мукьурттил лултту дурккусса клира аьщул члалачли буллалиссар предложение тлайла дакъа сакин дурну душиву ва га тлайла дацлан дан аьркиншиву.

Z – ва лишандалул члалачли дайссар предложение ххуттая абзац къадиртун чичин аьркиншиву.

Y – ва лишандалул пикри бяливчлсса, махь, калима къадиртсса клану члалачли байссар.

Вай лишаннал оърчлал цала гьалатлру цумур журалул буссарив бувчлин кумаг бантиссар.

Оърчлащал тлурча, лишаннал мяьнарду тикрал дуллан аьркинссар, гай хьама къаритаву мурадрай.

V. Урчлулчинмур классраву, лакрал литературалул дарсирдай, прозалул произведенияртту лахьхьаву.

Гьарца художественный произведение – му цлусса дуниял, цлусса оьрму хъанай бур. Оьрчлан багълай бур га лахъхьин, бувчлин, цанчирча, га бур цлусса асардал, цлусса пикрирдал, цлусса хьуна бакъавурттал оьрму. Укун бухъувкун, учительнал бурж гьарца дуклаки оьрчлан чичушалсса хьуна акъаву яргсса, авадансса, дак1ний личлансса хьун давур.

Произведение лахълай байбишиннин аьркин шай хъхъич1 махъ бусан. Ва чара бакъасса за бур, цанчирча, му даврил оьрчлан произведение бувчлаврин, ганих гъира бутаврин агъамшиву дунут1ий. Вступительный мукъул хьун – ч1ивишиву, методика произведениялул хасиятрах, оьрчлал оьрмулук бурувгсса дик1айссар.

Хьуннасса агъамшиву дуссар оьрчлан клукъаклусса махъру бувчлин баврилгу.

Эпический произведениярттаву образру щаллу давриву хьуннасса агъамшиву дуссар т1абиаьт ч1алач1и даврил.

Цумур бухъурчагу произведение лахъхъавриву хьунмур клантту бугъайссар га буккавил. Га буккаву ххуйну сакин дан хьурча, произведение бувчлин зах1мат къахъунт1иссар. Художественный произведениярттал цанналусса, цайми предметирттаха къалархъхъусса хасият дур. Масала: грамматикалул дарсру кунниц1ун ку дарх1уну дур, ца къак1улну гамуния гъалгъа т1ун хъанай бакъар. Литературалуву т1урча, гьарца произведение цинма цуппалусса жазира бур цила т1абиаьтрашал, уртту-щинашал. Амма учительнаща бюхъант1иссар лякьин аьмсса темардайнуну цач1ун хъанахъисса произведенияртту. Масала, М. Мах1аммадовлул, А. Мудуновлул, А. Х1усайнаевлул, З. Айдамировлул произведениярттаву ккаккан бувну бур дяьви къуртал хьуну махъсса колхозрал оьрму. Гайннуву буккулт клул хъанай бур клива журалул инсантурашал: цавай бур колхозирттаву, оьрмулуву хъанахъимуних

аякъалий буруглагисса, т1айлану зузисса, цавайгу къюлт1ну колхозру «канай», лулттурасри ласлай, т1айлабакъа сукку т1ут1исса.

Ас-намусрал темарду ва социальныйсса темарду кунниц1ун ку дарх1уну ххал диргъуну дур М. Башаевлул, А. Х1усайнаевлул, З. Айдамировлул произведениярттаву.

Лакку мазрай, лакрал щархъай дак1-ттилик1 ц1уц1исса бур Ю. Хаппалаевлул, К. Мазаевлул, Р. Башаевлул произведенияртту.

Урч1улчинмур классраву лахъхъайсса произведениярттаву мадарасса клану бугълай бур эпический произведениярттал. Ва классраву оьрч1ал лахъхъайссар А. Мудуновлул «Буттал шыраву», И. Керимовлул «Лич1ий шаву», А. Х1усайнаевлул «Нак1ливух оь х1ала шаву», Аь. Абу-Бакардул «Даргири душру», З. Айдамировлул «Къалкъи», М. Давыдовлул «Ххуллул дайдахъу», К. Мазаевлул «Май зуруй марххала» ва м. ц. произведенияртту.

Вай произведениярттал аьмсса хасиятну хъанай дур вай произведениялул авторнал ц1анияту, ягу произведениялул геройнал ц1анияту, инсантураяту, гайннал х1ала-гъурттушиврияту, гайннал оьрмулуву хъанакъисса иширттаяту бусласисса бушиву.

Вай произведенияртту лахълахъини дуклаки оьрч1ал я бурган бан аьркинссар эпический текстран хасну, гай ххал бигъайсса куццух.

Школалий эпический произведенияртту лахълахъини ххал дигъайссар тема (произведениялул пикри), хъирив лаян аьркинсса масъала, гъанусса мяъна. Укунсса ххал бигъаву дуллалини, произведение бак1равун ита бакъайссар х1акъсса, бик1ан бюхъайсса, цамур журалийн бувцусса зат кунма.

Оьрч1ал я бурган байссар произведениялул гъануми геройтурал сипатирттах (миннащал клул хъанакъини оьрч1ал пикрилувун ласайссар лич1и-лич1исса инсантурал хасиятирттал жураарду).

Бургайссар мукунма произведениялул авторнах, мунал ляхъан бувсса, личли-личлисса, так цанма хасъсса художественный произведениялул дуняллух.

Хъунисса произведенияртту, члявуну, литературалул хрестоматиярттай щаллуну булунсса тагъар къадиклай, мунийн бувну, ми произведенирттал хъирив, биялну, цила багъайсса куццуй лаянгу къашай. Мунияту учительнан ляхълан багъай произведениялул хъирив лаяврил агъанмур ххуллу ва мунил кумаграйну оърчлан бувчлин бан лахълахъисса произведениялул гъанусса мяъна ва мурад.

Дуклаки оърчлаща произведениялул вив уххан хъуншиврул гайннан лахъхъин бан аьркинссар произведениялул текст цлунил ва цлунил дуклан. Художественный произведениялуцалсса цалалусса, тлайланнасса дахлаврил оърчлру асардал авадан байссар, учительнан тлурча кумаг бан аьркинссар оърчлан бувчлин асарду, члалачли бан чичул пикри ва мунал оьрмулул гъанусса мурад.

Ва даву бигъану дан бюхъайссар оърчлащал хъун бакъасса басня, хавар лахълахъини, гиву гьуртту хъанакъиминнал хасиятру цукунсса бунугу ишираву ашкара хъанакъини.

Роман ягу повесть лахълахъини хъуннасса агъамшиву дуссар язи бувгъусса бутлул ва на бувчлин баврил. Произведениярдал хъирив лаллалини бургайссар цуми ишру биялну, личлину члалачли бувну ххал бигъин бурив, цуми личлисса бургаву къадурну къабитан бурив, геройнал хасиятирттаву цуминнун къимат бищун бурив, цуми къайгъу къабувну къаритан дурив.

Оьрмулун лархъхъусса клулшивугу дуну, мукъул авадашивугу, пасихлишивугу асар хъанай бухъурча, оьрчлал произведение хъунмасса гъирарашал къамул байссар.

Литература лахъхъаврил агъанмур шачлану хъанай бур произведениялул анализ даву, му куртлну хъирив лавну ххал бигъаву.

Произведение оърчлан лахъхъайссар буклакини, мунил гъанусса мяъна дурчлаву, вив ита бакъаву тлурча шайссар анализ дуллалени. Мунийн бувну, дарс дихълахъисса учительнал хларачат бан аьркинссар оърчлан дурчлин дан произведениялул гъанусса мяъна, чичул цала чивчумунил чулухунайсса ургаву цукунсса дуссарив.

Учительнал хъхъичлра-хъхъичл лахъхъин аьркинсса произведениялул гъанусса мяъна клул дайссар ва оърчлру тарбия бавриву цукун ишла дан дурив ххал бигъайссар.

Хавардай чивчусса произведенияртту лахълахъисса члумал, агъамсса бургаву дайссар миннул дахлаврих, гьуртту хъанахъиминнал хасиятру лахъхъаврих.

Произведениярттал мяъна дурчлин кумаг байссар гиву гьуртту хъанахъисса куннашал ку бавхлусса инсантурал сипатирттал. Инсантурал хасиятирттал хъирив лаяву, произведениялул гъанусса мяъна лякъаврил агъамсса къяйдану хъанахъиссар ва муних мудангу учительнан хъуннасса ургаву дан аьркинссар.

Хаврданий чивчусса произведениярттаву инсантурал хасиятру гьартану ккаккан дурну диклайссар. Му клул шайссар ганал биографиялукъу, сипатраятъу, чичул ганан дуллусса характеристикалуя, произведениялуву гьуртту хъанахъиминнал ганая тлутлимунийну, произведениялуву ккаккан дурсса тлабиаьтрайну, геройнал хасиятрайну, аькълулийну, пикрилийну, мазрайну.

Тлайлану личли бувну, хрестоматиярдаун бивчусса романнал ва повестьтирдал бутлрал члалачли дайссар геройнал дакл, гайми гьуртту хъанахъиминнашалсса ганал ара.

Хаврданий чивчусса произведениярттаву хъуннасса агъамшиву дуссар чичул мазралгу. Вай произведенияртту лахълахъисса члумал,

х1исавравун ласун аьркинссар лич1и-лич1исса журалий чичаврил кьяйдарду куннил ку хьирив бусаву, цаннал цаннахь буллалисса гьалгъа, диалог.

Аьямсса, аьщуйн щусса мазрай чивчусса произведение буклакинан бигъану бувч1айссар.

Ц1анасса ч1умал литературалул дарс дихьлахьисса учительнал хьхьич1 бавц1уну бур лич1и-лич1исса зах1матсса масьалартту. Ц1ана жуч1ава бусса произведениярттал кумаграйну оьрч1ру к1ул бан жула халкъуннал лавгсса ва ц1анасса оьрмулушал, миннул кумаграйну оьрч1аву тарбия дан инсантурал ххуйми т1уллу ва т1абиаьт.

Произведенияртту лахьлахьини бургаву дарча хьинссар гайннул маз ххал бигъаврих ва мукьурттишалсса даврих. Вай давуртту дуллан буч1иссар произведениялул гьанусса мяьнагу ляркъуну, мазрал аваданшиву, магьиршиву ккаккан дуллай.

Литература лахьхьаву гьалгъа магьир баврил яла кьулаймур ххуллуну хьанай бур. Гьалгъа магьир баврил чулухуннайсса давурттал хьуннасса агьамшиву дуссар оьрч1ал аькьлу-к1улши ларай даврингу.

Вай циняв мисаллу барт лагаврин ккалли бан буч1иссар, агарда оьрч1ан произведениялул гьанусса мяьна ххуйну дурч1лай духьурча. Произведениярдал мяьна ва мурад бувч1иншиврул учительнан кумаг бан аьркинссар оьрч1ан геройтурал х1исав ласун, лич1и бан кунная кув агьанми ва гайми геройтал.

Оьрч1ан гьира бутан аьркинссар цайнува цала мукьул ялув дайсса даврих, лахьхьин бан аьркинссар мукьул мяьналул хьирив багъан. Вана ва ч1умалли оьрч1ан дурч1лан дик1айсса чичул магьиршиву, цайминная лич1исса, так цанна хасьсса чичаврил хасият, жура. Миччар х1асул шайсса гьанми, ххирами чичулт.

Школалий дайсса произведениялул хъирив лаяву личіссар литературоведческий хъирив лаяврия, мунил тарбия бансса мурадрайну. Литературалул дарсирдал хладур уллай ур букку ва инсаншиву дусса инсан.

Произведениялул хъирив лаяврил мурад ххал бигьлагъини, хъирив лаянсса материал личіи дуллалини, зунсса къяйдарду ляхълахъини, дакӀний битан аьркинссар ххуймур ва адав тарбия даву, батӀул къахъунну кунницӀун ку дархӀуну дикӀайшиву.

Цасса, бутӀуйх дарчӀусса, бувккумур бувчӀин буллай дурсса, сипатру ххал дигълай дурсса произведение ххал бигъаву, мунил хъирив лаяву ишла дуллай бур цӀана цала даву ххуйну кӀулсса учительтал.

Литературалул за лахъхьингу бувну, тӀайлану тарбиягу буллантӀисса му чӀумалли, дуклакими цивппа буклакимунил ялув пикри булларча, оьрмулул хӀала-ккала буххавугу, ххуйшивугу асар хъанай бухьурча, чичул сакин дурсса инсантурал личіи-личісса хасиятру хъхьичӀ дацӀан дан бюхълай бухьурча.

Хаварданий чивчусса произведениярттал жуларду личіи-личісса бухьурчагу, ми лахъхъаврил къяйдарду аьмссар.

Произведениялул плану дурну, оьрчӀаясса тӀалавшиннардугу мяйжан дурну мукъах, учитель дарсирайн хладур шайссар. Ва чӀумал хладур дурну дикӀайссар произведение лахъхьинсса дарсирдал личіи-личісса жуларду: хладур баврил, букваврил, ххал бигъаврил ва лавхъхъумур жям баврил дарсру.

Хладур баврил дарсирдал мурад хъанакъиссар оьрчӀру литературалул произведение лахъхъаврийн хладур баву. Вай дарсирдал жура лахълансса произведениялул мурадраяту хъар шайссар. Хладур баврил дарсирдал бувчӀин бан аьркинссар оьрчӀан чичу цала произведениялийну ци учин ччай уссарив, ци чӀумал

чивчуссарив произведение ва чичул оьрмулуясса ва давриясса цаппара к1анттурду.

Хьхьич1ва– хьхьич1 произведениялушал оьрч1ру букваврийну хьуна бакъайссар. Цалчин буклакисса ч1умалли оьрч1ан (учительнал произведение лахьхьин х1адур баврих бурувгун) произведениялул мурадгу, гьуртту хьанахьисса агьанми ва гайми геройталгу к1ул шайсса. Произведениялул анализ т1урча, литература лахьхьавриву яла зах1матмур ва агьанмур масалану хьанай бур. Муниннинсса циняр даврил жуардал оьрч1ру произведениялул анализрайн х1адур буллай бур. Анализрал бут1ри бухлай бур х1адур баврил дарсирдавунгу, буквавривунгу, лавхьхьумур курт1 байсса, жям байсса дарсирдавунгу.

Амма т1айланна произведениялул гьанусса мяьна дурч1аву так анализ дуллалисса ч1умал хьанай дур.

Произведениялул анализ дайссар лич1и-лич1исса жуардай.

Бурганну лакрал литературалуву, хаснува прозалуву, лайкьсса к1ану бугьлагьисса А. Мудуновлул творчестволук.

Мудан кунма, произведенияртту лахьлан хьхьич1, оьрч1ру к1ул банну, гайннан эбратну хьун аьркинсса, чичул оьрмулушал ва дурмунишал.

Абакар Мудунов увссар Гьунч1укьат1рал шяраву, хьудугьул кулпатраву. 1936–ку шинал ванал кьуртал бувссар Гьумуксса педагогический техникум, зий ивк1ссар лакрал школарттай учительну. Буттал к1анттул ц1анисса Хьунмасса дяьвилул шиннардий талай ивк1ссар жула тархьаншиврухлу. Фронтрай ванан дуллуссар «Ят1ул Ц1укул» орденгу, медальллугу. Дяьви кьуртал хьукун, Мудунов зий ивк1ссар Лаккуй учительну, директорну, лакрал райондалул кказитрал редакторну, райкомрал секретарьну. 1954–ку шинал ванан «Дагьусттаннал школардал лайкь хьусса учитель»

тлісса ціагу дуллуссар. 1960–ку шинал А. Мудуновлул къртал бувссар Дагъусттаннал университетрал историко-филологический факультет. Учителнал давугу, лакку мазгу, литературагу ххуйну клулсса А. Мудунов зий ивкиссар школартан аьркинсса учебникирттахагу, ванал чивчусса учебникирттай дуклай буссар лакрал оьрч1ру. Амма А. Мудуновлул агъанмур даву диркиссар литературалуха зузаву.

Чичлай А. Мудунов айивхъуну ур 30-ку шиннардийва. Мунал итабавкъуну бур назмурдал жужругу, повестьругу, романгу, хаварду ва очеркругу.

Лакрал буккултран А. Мудунов машгърди ганал прозалийну. 1951-ку шинал ганал итабавкъуну бур «Чаврил бургъилу» тлісса, хъунмурч1ин фронтрал иширттан хас бувсса повесть, к1илчинмур повесть ганал итабавкъуну бур 1952-кусса шинал «Бригадалу» тлісса ціанищал. Га оьрус мазрайн таржума бувну, бивщуну бур «Дружба народов» тлісса журналданий, «Буттал шяраву» тлісса ціагу дирзун. Ва ціанищал ва лахълай бур дуклаки оьрч1ал 9-чинмур классраву лакрал ллитературалул дарсирдай. Повесть лахълан хъхъич1сса беседалу» буч1иссар бусан Абакар Мудунов повестьраву ккаккан буллау ушиву дяьви къртал хъуну махъсса лакрал колхозниктурал оьрму.

Хрестоматиялий лахъхъин ккаккан бувсса бут1ри бувккуну, миннул мурад оьрч1ан клул хъуну махъ, буч1иссар буч1ан произведениялул анализрайн. Повестьрал хъирив лаллаллини, оьрч1ал буккавил пасих1шиву, анаваршиву ххал дигъирча ххуйну хъунтліссар. Повестьрал агъамсса кунмасса к1анттурду буч1иссар лич1и бувну, буккин баван. Оьрч1ал мазрал аваданшиву ххал дигъиншиврул, буч1иссар повестьрал мурад цала мукърттийну бусан баван, ххал бигъаван аьркинссар оьрч1ащал чичул цала

произведениялийну учин ччимур, мунал цала произведениялул геройтурал чулхуннайсса ургаву ва оърчлаща га произведениялуя учин бюхъаймур. Му бакъассагу оърчлащал ххал бигъайссар повестьрал мазрал пасихлшиврул ярагъ.

Бурганну «Буттал шяраву» тлісса повестьрал геройтурах: Жавагъи, Гъазали, Вали – вай бур захлматрал къимат клулсса инсантал. Чичул гай ккаккан бувну бур колхозраву хъанахъисса иширттайну. Вана буклакинал хъхъичл ацлай ур Вали. Га ур оърмулул угъарасса колхозник, Вали ур колхозраву хъанахъимуних цала къатлуву хъанахъимуних куна уруглай. Цува хъинсса адимина унугу, Вали оьну ур колхозраву зун къаччиминнащал. Мунияту ванан къаххирар колхозраву зун къаччисса Халидгу. Чичул цанма члалачлмур тлайлану бувсун бур, та члумалсса оърму тлайлану члалачли бувну бур.

Ва произведение ххал бивгъуну махъ, бучліссар цланасса шяраваллил оърму, цлана хъанахъимур та члумалсса оърмулушал цачлу бивхъуну ххал бигъин, лякъин цланасса цала оърмулуву тай геройтураха лавхъхъусса инсантал.

Бучліссар оърчлащал чичин «Цланасса ттул буттал шяраваллил оърму» тлісса сочинение.

Дяъви къуртал хъуну махъсса шиннардий хъинну хлурхла дунугу, лакрал литература хъхъичлуннай ша ласлай най дур, прозалуву цаннил хъирив ца повестьру буклан бивклун бур. Хъинну захлматну загъир хъанан дирклун дур лакрал литературалуву романдалул жанр. Та члумалсса хъхъичлва-хъхъичлсса романну хъанай бур И.Каримовлул «Личлийшаву» тлісса роман. Ва цал оьрус мазрай бувккуну бур, яла цала авторнал лакку мазрайн таржума бувну бур.

Ва роман лахълан хъхъичисса дарсирай, бучлссар оърчлан маслихлат бан лякъин интернетраву, библиотекарттаву ва чичул биографиялуя, дурмуниясса макъалартту, литература.

Роман лахълан байбишиннин ххал бигъайссар оърчлан И.Каримовлуя клулмур, яла бацлайссар мунал оърмулий ва дурмуний.

Ильяс Каримов увссар 1922-кусса шинал Гъумук хъудугъу Кариннул кулпатраву. Гъумуксса школагу къуртал бувну, га зий ивклссар лакрал комсомол организациялул райкомрал секретарьну. 1946-кусса шинал зий ивклссар детдомрал директорну, гания махъ Каспийскалийсса ремесленный училищалуву. 1949-кусса шинал ганал къуртал бувссар Дагъусттаннал пединститутрал тарихрал факультет. Гания махъ увхссар аспирантуралувун, зун ивклссар тарихрал, мазрал ва литературалул институтраву. Гиву зий унува ганая хъуссар элмурдал кандидат ва доктор.

1968-шинал га зун увхссар Дагсельхозинститутрал кафедралул хъунаману. Гикку И.Каримовлуя хъуссар профессоргу, ДАССР-данул элмурдал лайкъсса зузалагу. Ганал чтвчуссар элмийсса луттирду, статьярдуду.

1958-ку шинал ганал итабавкъуссар «Личлишаву» тлссса ва «Зарзала» тлссса роману. Гай кливагу чивчуну бур оърус мазрай. Амма цалчинмур роман И.Каримовлул цалва таржума бувну бур лакку мазрайн.

Биографиялушал клул бувну махъ, ххал бигъинну оърчлащал «Личлишаву» тлссса романдалуву ххал бивгъусса масалартту.

Ва романдалуву чичу авцлуну ур та члумуву агъамну бивклссса масаларттай.

Шиву ккаккан бувну бур 50-ку шиннардийсса шярваллил ва шагърулул оърму, аьлимтурал ва зузалтрал багъу-бизу. Чичул

агъаммур аякъа дур жагъилтурал оърму, пикри, давуртту ккаккан даврих. Аьйшатлул ва Давудлул, Давудлул ва Галял, Галял ва Юсуплул дянивсса ара ххал дигълай, гайннал асарду аьч буллай бачин бувну бур романдалул мурад.

Исвагъисса аспирантан щар хъанай бур дахъва школа къуртал бувсса душ. Амма Давудлул ва Аьйшатлул оърму нахлулу най бакъар. Давудлун Аьйшат къаччан хъанай бур. Ганил цаллаксса образование дакъану тий, ганин шагърулул багъу-бизу къаклулу тий. Аьйшат дуккин бангу Давудлул хъис кумаг буллай акъар: га цала щарсса къатлулсса буллали дурну, ганину гъашиву дуллай ур. Цувагу «дурккусса» Галях эшкъи хъуну ур. Аьйшатлун турча, ччай бур дуклан, зун, чивух яхъанан. Гагу рязину бакъар ласнал энадру буручлан. Аьйшат личи хъанай бур. Ххуйсса инсантурал ганин кумаг буллай бур даву лякъин, оърмулуву цинма лавхъхъусса клану бугъан. Давуд турча, Аьйшатгу лавгун, Галящалсса оърмугу цалин къабувкун, личилай ур цайна цува нааьнарай.

Бувккуну, мурадращал клул хъуну махъ, бурганну романдалул сипатирттах.

Романдалулу лайкъну шаллу дурну дур Давудлул ва Аьйшатлул сипатру. Давудлул сипатравугу, ганал давурттавуугу къачанни ххуй-ххуйсса чуллу: га ур за клулсса историк, усттарсса лектор, нину ххирасса, ганил хлурмат бусса арс, цалама арс хъуна ан кумаг буллалисса ппу. Амма ганан цинявнияр цува ур ххирану, мунил лиллай бур ганал оърмугу.

Бурганну Аьйшатлулмур сипатрах. Ппу дяввилия зана къавхъуну, ятинну ливчлсса Аьйшат бур щашарнил тарбия бувну. Аьйшатлун ххирар буттал улча, уртту-тлутлив, цила дустал. Га вихну бур оърмулуву циняв инсантал уссурвалшиврийн, га ххарину бур

Давудлун хьун. Ганил хиял бур шагьрулий цила дустуращал дуклансса, Давудлушал талих1 лякьинсса.

Амма Давуд ганилсса буллай акьар, га ур цаласса буллай, шагьру кьаклулсса шарссаний ч1ярусса диялдакьашивуртту ч1алай. Аьйшатгу буссия га рязий ан х1арачат буллай, амма га Галяхух лавгсса к1ул шайхту, мугьлат бакьа лич1и хьунни ласнаяту. Ахирданий ганияту хьунни пагьму бусса зузала, х1урмат бусса инсан.

Галягу бур зунттал душ. Ганилгу кьуртал бунни Аьйшатлушал школа. Га бур министрну ивтсса райкомрал секретарьнал душ. Га бур дуклай музыкальный училищалуву, институтраву, бищай пианино, балай учай. Аьйшатлуя лич1и хьусса Давудлун шар хьурчагу, Галя ганах ччаву хьуну бакьар, мунияту ганащал кьанкьану гьалгьа т1ийгу бур, кьаххирар ганин пианист Юсупгу. Ганин ххирар музыка, Юсуплул гьунар.

Романдалул сипатру гьарца гьуртту хьанахьиманал хасиятгу, пишагу, оьрмугу х1исавравун лавсун щаллу дурну дур. Тарихру ххал бигьлагьисса аьлимтал Исламов, Кьадиров, Вагьабов бур гьалгьа т1ий тарихрал масаларттая, гайннал маз бур элмийсса махьру ч1явусса. Шяравусса хьаннил бур цанма лавхьхьусса маз.

И.Каримовлуша бювхьуну бур агьанми вирттаврал асарду, пикрирду, ххаришиву, кьурч1ишиву, ссибизаву яргну ккаккан дан.

Романдалул ялувсса даву кьуртал хьуну махь, лавхьхьумур ц1акь баву мурадрай, буч1иссар оьрч1ахьхьун суаллу булун.

1.Гьунар бусса аьлимчуная ва чичуя И.Каримовлуя зуша ци бусан бюхьанссар?

2.Зу цуманакхлу букканссияв: Аьйшатлухлу ягу Давудлухлу? Циван?

3. «Личишаву» тисса цла И.Каримовлул цала романдалун циван дирзун дур? ва м.ц.

Бучиссар чичин ва романдалийн бувну личи-личисса сочиненияртту оърчал цала романдалиясса пикри бусласисса масала, «Айшатлул оърмулул ххуллу», «Цланакулсса душварал ва Айшатлул оърмурду» ва м.ц.

Ва произведение лавхъхуну махъ, учительнаща бюхъайссар оърчан романдалия клулмур курт1 баву мурадрай, арулчинмур классраву лавхъхумургу дак1нин бувтун, вагу ххал бигъин.

Бусайссар цал ттигу оърчлахъ оърмулул ва ч1умул гьартасса сурат шаллу дуллалисса, ишругу аьчухну, гьарца чулухату лавсун ккаккан буллалисса хъуннасса лагру дусса эпический произведениялийн роман учайшиву.

Хъхъич1ва–хъхъич1 бувчин бан аьркинссар дуклаки оърчан роман цила лагрулийну циняв прозалий чивчусса произведениярттаяр хъунмасса биклайшиву. Ца-ца ч1умалгу му повестьраяр лагрулул хъунмасса бакъанугу романну ккалли буллан биклайшиву, мунил оърму гьартану ккаккан бувну биклайнут1ий. Бусайссар романну биклайшиву прозалий чивчусса, биклан бюхъайшиву назмурдайссагу (масала, А.С. Пушкиннул «Евгений Онегин»–оьрус мазрайсса). Повестирттаву къадиклайсса, романнаву арх1ала дачин дурну диклайшиву к1ира-шанна, мунияргу ххишаласса сюжетру. Биклан бюхъайшиву сюжетрал ца ххуллу, яни лябуклай нанисса иширттал ца яржа. Амма тамансса романнаву сюжетрал цимивагу ххуллу хъуна бакъайшиву, ххишалдаран гай ххуллурдаватусса гьарцаннич1а завязка, кульминационныйсса пункт ва развязка диклан бюхъайшиву.

К1ул байссар мукунма сюжетрал ххуллурду биклайшиву гьанусса ва к1илчинмур даражалулсса. Сюжетрал гьанусса ххуллуну

хъанахъишиву гъурттушиву дуллалисса яла хъуниминнал къадардануцун бавхуну хъанахъисса цаппара ишру.

Романдалувусса сюжетрал ххуллурду тамансса бушаврил каши дулайссар оърму гъартану члалачли бан, хъинну члявусса инсантал ккаккан бан. Мунил чичухъхъун каши дуллай дур ца-цасса геройтал гъарца чулухату сурат дурну ккаккан бангу.

Ва цлана оърчлру клул хъусса «Личлишаву» тлисса романдалуву архлала дачин дурну дур цимирагу сюжет. Романдалуву ккаккан бувну бур шяраву ва шагърулий хъанахъисса ишру, колхозниктал ва зузалт, аьлимтал ва музыкантал. Ганил сюжетру дачин дурну дурр Давудлул ва Аьйшатлул, Давудлул ва Галял ара ххал дигълай, гайннал лагмами ккаккан буллай, ганивусса члумул суратгу, лагругу хъуннасса дур.

Ва романдалуву чичул ххал бигълай ур агъамсса масалартту.

Шиву ккаккан бувну бур 50-ку шиннардийсса шяраваллил ва шагърулул оърму, аьлимтурал ва зузалтрал багъу-бизу. Чичул агъанмур аякъа дур жагъилтурал оърму, пикри, давуртту ккаккан даврих. Аьйшатлул ва Давудлул, Давудлул ва Галял, ва Юсуплул дянивсса ара ххал дигълай, гайннал асарду аьч буллай бачин бувну бур романдалул мурад.

Романдалул сипатругу, гъарца гъуртту хъанахъиманал хасиятгу, пишагу, оърмугу хлсавравун ларсун щаллу дурну дур. Тарихраха зузисса аьлимтал Исламов, Къадиров, Вагъабов гъалгъа тлий бур тарихрал масаларттая, гайннал маз бур элмийсса махъру члявусса. Шяравусса хъаннил бур цанма лавхъхъусса маз.

Яла бучлиссар оърчлащал ххал дигъин цумур бунугу повестьрал ва романдалул дянивсса личлишиву.

Вава классрал программалий лахьхьин ккаккан бувну бур лакрал шаэр, чичу ва аьлимчу Абачара Х1усайнаевлул «Нак1ливух об х1ала шаву» т1исса повесть.

Цал к1ул бан багъант1иссар обрч1ру А.Х1усайнаевлул обрмулушал ва мунал дурмунишал.

Ванал обрмулуя ва дурмуниясса обрч1ал к1улшиву гьарза-гьарта даву мурадрай, миннан маслих1ат байссар интернетраву А.Х1усайнаевлун хас дурсса материал ляркьуну, мунишал к1ул хьун. Бюхъайсса иш бухьурча, му материал ванал биография лахьлан хьхьич1гу ккаккан дан буч1иссар.

Шаэр, чичу ва аьлимчу А.Х1усайнаев увссар Хъусрахь 1921-кусса шинал хъудугъу Х1усайнал кулпатраву. 1934-ку шинал буттал шяравусса школагу къуртал бувну, га дуклан увхссар Гъумуксса дянивмур даражалул школалийн, 1940-ку шинал А.Х1усайнаев дуклан увхссар Ордоникидзелийсса бахьттагьалтрал х1аписартал х1адур байсса училищелувун. 1941-ку шинал А.Х1усайнаев гьан увссар фронтрайн.

1943-ку шинал фронтрай щаву дирсса А.Х1усайнаев зана хьуссар буттал шяравун.

1945-ку шинал А.Х1усайнаев увхссар дуклан Москвавуллал университетравун, гиву лахьлай ивк1ссар парс маз. 1950-ку шинал университетравусса дуккаву барт диргьуну мукьах, ганал мяйра шин хьуну дур Ккуллал райондалул школарттай директорну ва учительну зий.

1958-ку шинная махь га зий ивк1ун ур тарихрал, мазрал ва литературалул институтраву. Гиву га ххал бигьлай ивк1ун ур литературалул, теориялул ва тарихрал масалартту. 1965-ку шинал ганан дуллуну дур филологиялул элмурдал кандидатнал ц1а, 1986-ку

шинал–докторнал ціа. Ва чичлай ивкіссар дагъусттаннал литературалун хас бувсса луттирдува макъаларду.

А.Хіусайнаев зий ивкіссар таржума баврихагу. Ванал таржума бувссар Гогольллул, Гъейнел, Видадинал, Сяъдинал, Оьмар Хаямллул ва мукунма цаймигу чичултрал произведенияртту.

Школалий оьрчІру кІул хъанай бур «НакІливух оь хІала шаву» тІисса ва «Бадрижат» тІисса повестьтирттащал.

«НакІливух оь хІала шаву» тІисса повестьраву А.Хіусайнаев дащуй дихълай ур колхозирттаву хъуна дакълай диркісса диялдакъашивуртту. Ва повесть лахълан хъхъичІ оьрчІру кІул бан багъантІиссар колхозирттал оьрмулушал, ми сакин дурну диркісса чІумушал, сакин даврил сававращал ва ми хъапа-шапа дурну, лирну ларгсса чІумушал.

Чичун 60-ку шиннардийва бувчІуну бур колхозрал хъус кьютІну цалалуш дуллалиминнал буллалисса зиян цуксса бивкіссарив. Повестьрал гъанусса мурадну хъанай бур колхозраву циняв марцІну, кунная ку рязину зун аьркинссар, колхозрал хъуслих багъайкунсса аякъа дурну, бакІ ціуціи бувну бачин бан аьркинссар ишру тІисса.

А.Хіусайнаевлул ва тема лакрал литературалуву хъхъичІра-хъхъичІ ххалдиргъуну дур, ганаща бювхъуну бур колхозру дусса чІумалва гайннул ххуйми ва лашинми кІанттурду аьч бан, оьккими инсантуравугу ххуй-ххуйсса чуллу аьлтту бан.

Повестьрал виричу Салман Къантамиров ур бажар бусса завхоз. Цува чІирисса даврий зий унугу, ганал бюхъу хъунмасса бур: «Салман Къантамиров колхозран акъа чара бакъасса инсан ия. Чун уххарчагу, «Здравствуй, Салман. Инарав варч? Салман салам! Привет! Ххаллил хъуну урав, ттучІан цан къаияйссара?» тІисса бакъа ихтилат къабикІайва. Колхозранни куну, чув шихъ ци дула

учирчагу, га ачла зана къайтайва. Чявуми клантурдай колхозрал председателъ га ххан биклайва. Мунийн бувну, ганайн я Салман, я хозайн бакъа къаучайва. Салманнул бажарданийну арив циняр колхозирттаяр хъхъичл хъу Хъударщиял дугъайва, тти клайннал ттихлайва, къама буххин машинартту цалчин клайннан шайва.

Пургъунна, хъус духхай машинара, куклу машинара, самолета Салманнун личли дакъая. Дирирмунийн га лахъайва. Хъударщав председателънан, бухгалтернан аьркин хъуну, къатлату увкнахъ жула Салман чув ия, куну цлуххирча, гъарцаннал личли-личлину бусайва:

–Лахъхъу клюрххил Бунаксакалий ия.

–Лахъхъу ахттайнай Хасавюртлив ия.

–Ахттакъунай Бабаюртлив ххал хъуна.

–Къунну Махлачкъалалив ресторандалуву ккавккуна».⁴

Салман ур мйжаннугу бажар бусса зузала, цувагу даврих мякъсса. Муницлун га ур ка буллугъсса, хъамал къамул бан клулсса, мукунсса кашигу дусса инсан. Цайми колхозниктураяр га аваданну ур. Ганал хлаятраву бавцлуну бур сарабугъдарал машина, члирттацлух бивхъуну бур тталлал, тахтардал, шиферданул мурсру. Къатригу ганал дур хъунисса, пюрундалул ларзу дусса. Къатлувусса манкъулатрал, хъамаллурал хъхъичл дирхъусса дукралул буслай бур га авадансса инсан ушиву. Ганан ххирар цала кулпат, нину ссу. Салман ур аькълу буну, хъхъичлун урувгун зий: гъарца харж дурсса колхозрал къурушран ганачла документ бур. Республикалул учреждениярдавугу ганал махъ най бур, ганал увкумур биттур буллай бур, Салман сахаватлувусса инсан унутлий. Га сахаватлувнугу ур,

⁴ Ахлмадов С.Х., Къажлаева К.М. Лакрал литература: Хрестоматия 9-мур классрансса. Махлачкъала, с 96.

колхозрал хъус ишла дурну, гайнния рушватран къалмул машина чавай, цайми къай чавай «аьркинсса» инсантуран дуллай.

Къалмул бувцусса машина Салманнул щиннив гъан бувшиврий барашин дуллалисса Къурбаннуя га ссийхь тий ур: «Ина кIа вила къунча Къурбаннухь, на ина кунмасса арамтал коньякрал румкалувух хIачIайссар тIива уча, вищава шаймургу, ца ххишалагу бува тIива уча. Яр нания кIай кIайннал гъан бувсса аьрзарду ххал бувулт, дарцIу нагълий ччех бивтун, шампанскийлуву гъузузи бави. Ттуйн ка гъаз дан ттущал ччалан кIа цур?»⁵

ЧIявучил итталун агъсса Салманнул бакIрачIан чIявусса букIлай бур. Чичул тIайлану ккаккан бувну бур та чIумул ишру: салманхъаща бюхълай бур колхозрал хъус цалалуш дуллан, хIукуматрал хъуслийн тамахI бан. Къурбанхъащагу бюхълай бур ца аьрзалийну гайннан ккаккан къабувсса къабитан.

«НакIливух оь хIала шаву» тIисса повестьрал бур 14 бутIа, ганиву дачин дурну дур кIира сюжетрал линия: колхозраву хъанахъисса иширттан хас бувсса

Хъунисса масалартту ххал бигьин кумаг буллалисса Салман Къантамировлул линия ва Къурбан Алхасовлул ччаврил линия. Повестьравусса ишру хъанай бур шяраву, фермалый ва Бабаюртлив. Гай ишру цачIун бан кумаг буллай бур Салманнул ссийх, АтIах Къурбаннул дурсса ччаврил. Салмангу, Къурбангу бур хасиятралгу, бюхъулулгу личIи-личIисса даражалул инсантал. Амма Салманнул бакъа-къатIа бувсса къалмул машиналул барашина дурсса Къурбан хъанай ур ганал муттаэ, Къурбаннул ва АтIал ташулул гай гъан булларчагу.

⁵ АхIмадов С.Х., Къажлаева К.М.. Лакрал литература: Хрестоматия 9-мур классрансса. МахIачкъала, 2002, с.102.

Байбихъулий чичул бувчлин бувну бур ишру чув, цукунсса фермалий хъанакъиссарив, цукунсса вирттал гайннувах гьуртту хъанантиссарив. Жагъилсса специалист Къурбан Алхасов Баклуь мащилийсса колхозрал фермалий зун айивхъунни. Мува члумал Хъударщиял шярваллил собраниялий ялун личлан бивклунни тлааьн бакъасса ишру: колхозрал хъуниминнан мяълумну члалан бивклунни халкъ цаява къарязийсса. Гикку Тажуттин ур халкъуннайн къаччан бивклун, даврия укъанна тлий.

Мий гьарзадрал букку хладур уллай ур, халкъ къарязийшиврул савав аьч даврийн. Амма цурдара къалмакъал, конфликт дайдишаврил савав хъанай дур райкомрал инструктор Рафиь Дамадановлул тлалавшиннарайн бувну, Къурбаннухъ Салманнуя аьрза чичин аву.

Гания махъ ишру най, Салманнул хъхъичлун багълай бур Къурбаннул бувсса аьрза, тамур чулуха ганан баллай бур цала ссу Атла Къурбаннун щар хъанай бур тлар тлисса хаварду. Салман ур Атлан къадагъа дуллай, Къурбаннушалсса ара арх дан аьркиншиву бувчлин буллай.

Повестъраву ххаравххусса конфликт бияйнийн бияву, сюжетрал кульминация хъанай дур колхозрал партбюрорал заседаниялий. Гикку Салман партиялувагу уккан увну, давриягу укъан ансса хлукму буллай бур.

Развязка хъанай дур Къурваннул хъатлуй. Цана къаччай унува, Салман лавгунни Къурбанхъаннин. «Дурмунил жаваб дуллай айишинвагу Салман ттигу увая» тлисса мукъурттил буслай бур Салманнунгу цала чларав ацланма лявкъушиву.

Повестъраву ккаккан бувну бур зувинния ливчусса гьуртту хъанакъими. Гайннаву агъанми бур Салман, Къурбан ва Атла. Гайннавагу яла яргну члалачли увма ур Салман Къантамиров. Га ур

хъинну бажар бусса адамина, ганах вичли дихълай ур колхозрал председателгума. Салман ур даву дан клулсса адамина, унгу-унгусса организатор. Га даврий ухлай акъар, ганан даву ххирар, цала дуллалимургу Салманнул бак1 цлуцли бувну, хъирив лавну дай.

Салманнул бюхъу иширттайну бур ккаккан бувну. Ганал даву усттарну дайшиву ч1алай дур ревизия бувк1сса ч1умал: колхозрал кассалува ларсун дур Салманнул ч1ярусса арцу, гай харжгу дурну дур. Амма цурда ца къуруш ганал харж дурну дакъар документ къабувну, ягу расписка къаларсун. Цаппара колхозниктурал барашин къадурссания, ганал колхозрал къама цанна арцу дан бавххушиврий, бюхъайва ганаясса аьрзарду ссайнч1ав къабуккангу.

Салман вихну ур цацава ччимур ревизиялува марц1ну уккан бюхъаншиврий.

Салманнул сипатрайну буккултран ч1алай дур Совет х1укумат та ч1умала зия дурну, ц1ана кунмасса «иш-бажаранчитурал» замана танива най бивк1шиву. Уттисса замана Салман кунма бажар бусса, «гъаваллава» арцу дан клулсса «сахаватшиву» дуллай, лагмаминнан бусрав хъанахъисса инсантурал замана бур.

Повестъраву Салманнуйнгу, Салман кунма жяматрал хъуслийн ка т1ит1лайсса инсантурайн къарши уклай ур Къурбан. Га ур жагъилсса специалист, комсомолец. Къурбаннун ччай бур цайвасса бурж марц1ну биттур буллан. Га барашин дуллай ур Салманнул къалмул машина колхозрал ттарац1ату чунмайриввагу къаклулну гъан бувшиврий. Колхозрал фермалия нагъ дарцусса клул шайхту, га ч1арав ац1ай халкъуннал хъуслил, дащуй бишай цала ялувсса завфермагу, ганал маччачувгу.

Салманнул ссихъ, Атлахъ, Къурбан т1ий ур: «Буссар шяраву гьалмахтал колхоз ц1акъ данну, зия дуллалиминнац1ухсса банну т1исса. Гай чара бакъа чулийн буккант1иссар. На гайннавух х1ала

къаивзун къаиклантлссара. Мунийн буну, яла къаччан къабиклан, ина га уссихъ ттива га даврия укьу уча».⁶

Къурбаннухъ цлуххирча, Хъударциял колхозниктал зий бур Салманнуха. Агарда колхозраву циняв тлайлану зурча, бюхъанссия, тлий ур га, шяраву украсса дукра дайсса столовая, оърчлансса яслирду тлитин, къужран колхозрал чулуха пенсияртту бишин. Колхоз аваданссаксса колхозникталгу аваданссар, тлий ур га цахъва цува.

Салманнун тлурча, цува авадан хъанахъаву дур агъанмурну члалай. Ганан ххирар колхозрал даву, га даврил щириклаву, инсантурал дяниву бусравну цува иклаву. Амма лагмаминнан му члалай бакъарча, ганал шардай ххюрхху дурмур дур члалай.

Оърмулун, къуллугърал, бюхъулун чулуха Къурван ва Салман личли-личлсса инсантал бур. Салман ур гъарца чулуха бюхъу бусса инсан. Амма Къурваннулгу бур цанма лавхъхъусса ххуйсса клантурду. Гагу ур даву дан клулсса специалист, ганаву я нигъ дакъар, я карчл дакъар. Ганан клулли аккордеон бищун, душних ччаву дан. Ганан ччай бакъар Атлан къаччан биклан бан, кланил уссищал ххахлан. Амма ахирданийгу га Атлахъ тлий ур: «Ина на багъишлагу а. Амма хъумунягу хъис пашман акъара: вил уссу акъа, ттул ппу иклуча–тлайла акъа зий клагу къаитанну».

Салманнул ссу Атла жунма хъхъичлва-хъхъичл хъуна бакълай бур фермалый. Ганил сиппат ккаккан дурну дур Къурван уруглаги увну. Къурбаннун Атла Лермонтовлун романдалуву цанна ххал хъусса чаргас душнил суратраха лахълай бур. Цамур члумалгу душнил ххуйшиврул жагъил хлайран уллай ур: «Лухлссса хъунисса яру цларал пар-пар тлий бия. Ццунсса иттаклантту, лахъисса ккуртта

⁶ Ахлмадов С.Х., Кажлаева К.М. Лакрал литература: Хрестоматия 9-классрансса. Махлачкъала, 2002, с.106.

диркѝсса иттархъенну, ятѝулкѝирину кѝяласса симандалуву лап даркѝуну дия. Дакѝнихтуну гѝалгѝа тѝисса кѝанил мурччив, чѝаврдаѝсса мюршѝсса кѝонтѝри тарга тѝий бия».⁷

Атѝангу ур Кѝурбан ххуй излай. Ганил итталу ур исвагѝисса жагѝил. Ганин Кѝурбан тѝайласса ххуллийх най чѝалай ур, мунияту га ганащал рязинугу бур.

Произведение буклакини, лахѝлахѝини оѝрчѝал я бурган байссар повестьравусса тѝабиаѝтрал суратру щаллу дурсса куццух, пейзажирттал ишру хѝанахѝисса кѝанттурду ккаккан бувсса куццух, зунттал тѝабиаѝтрал инсантурал дуллалимур, гайннал дакѝру аѝч дан кумаг буллалисса куццух.

Произведение бувккуну, мурад ва гѝанусса мяѝна кѝул дурну махѝ, поаестьрая кѝумур жям баву мурадрай бучѝиссар ххал бигѝин оѝрчѝащал суаллу:

1.Салман Кѝантамиров ци пишалул инсан ур?

2.Циванни Салман чѝявучин кѝаххирасса, Кѝурван ганая кѝарязисса?

3.Атѝа ххуйсса доярка бушиву ссайну чѝалай бур?

4.Цуку-цукунсса художественный ярагѝру ишла бувну бур повестьрал геройтурал сипатру щаллу дуллалини чичул?

Хѝиривмур дарсирайн Кѝурваннул ва Салманнул сипатру цаѝлу дирхѝуну, ххал диргѝуну, миннаясса сочинение чичин хѝадур хѝун дулайссар.

Вава классраву лахѝхѝайсса Зияуттин Айдамировлул творчестволийн бучѝаннингу оѝрчѝан маслихѝат байссар чѝянира ванаясса материалгу лякѝин интернетраву.

⁷ Ахѝмадов С.Х., Кѝажлаева К.М. Лакрал литература: Хрестоматия 9-классрансса. Махѝачкѝала, 2002, с.100.

Ва классраву лахъхъайссар Зияуттин Айдамировлул «Къалкъи» тлісса повестьравасса бутла. Произведение лахъланнин оърчІру кІул байссар чичул биографиялушал.

Лакрал чичу Зияуттин Айдамиров увссар 1928-кусса шинал лакрал райондалийсса ДучІиннал шяраву хъудугъу–къалайчи Айдамирдул кулпатраву. 1957-кусса шинал З.Айдамировлул къуртал бувссар Дагъусттаннал мединститут. Ва зий ивкІссар хІакинну Казбековский райондалий, МахІачкъалалий, 1980-кусса шиная шинай –Дагъусттаннал Чичултрал союзрал медпунктрай.

З.Айдамировлул цалчинсса хаварду бувкссар 1963-кусса шинал «Дусшиву» альманахрай. Тания мукъах ванал итабавкъуссар «Къирият», «Къалкъи» тлісса повестьру, «ХІакин» тлісса хавардал ва повестьтирттал жуж, «Къалайчинал арс» ва «ЧІалакъачІисса талатаву» тлісса романну. 1981-ку шинал З.Айдамиров къамул увссар СССР-данул чичултрал Союзравун. Ганал повестьтирттаву агъамсса кІану бугълай бур хІакинтурал, заргалтурал, къалайчитурал сипатирттал.

З.Айдамировлул творчестволуву агъаммур кІану бугълай бур адаврал, ас-ламусрал масъалартту ххалбигълагъисса произведениярттал. «Къирият» тлісса произведениялуву чичу ур инсаннал хасият ганал лавсуну нанисса ххуллушал дархІуну дикІайссар, спекуляция дайсса инсантад ав дакъасса, гания архми – марцісса, инсаншиву дусса бикІайссар тІий. «ЧІалакъачІисса талатаву» тлісса романдалуву ккаккан бувну бур революция хъуннинссагу, граждан дяъвирдал чІумалссагу лакрал оърму, тани хъанай диркІсса талатаву.

Чичул биографиялия бувсмур куртІ баву мурадрай ишла дан бучІиссар интернетравасса материал.

Биография лавхъхъуну, ххал бивгъуну махъ бучлссар бучлан «Къалкъи» тлссса произведение лахъхъаврийн. Произведение лахълан хъхъичлсса мукъуву бусайссар оърчлахъ ва роман З, Айдамировлул творчестволуву яла яргмур бушиву. «Къалкъи» тлссса роман, 1975-ку шинал бивщуссар чичул цала кутла буну, повесть хлссаврай. Цлунил га бивщуссар цала чивчуну бивклсса куццуй, роман хлссаврай.

Ва повестьраву аьщуйн щуну ккаккан дурну дур махъсса шиннардий, хъунисса къуллугъру бивгъуну бивклсса инсантурал дуллай бивклсса тлайлакакъашивуртту.

Ванил бур клива ххуйсса чул: ца зума, ганиву ккаккан буну бур 70-ку шиннардийсса жула оърму га бивклсса куццуй, хъуними хъуни махъру лахълай, цаласса буллай, мюрщимигу цала хларачат цала буллай, хлакьинунир гъунттийсса оърму ххуй хъунтлссар тлий. Ва бур пасихлсса мазрай чивчусса повесть, авторнал тлутлмур ва гьуртту хъанакъиминнал тлутлмур бур устарну куннива ку буклай, кунницлун ку бавкъуну чивчусса. Гиву гьуртту хъанакъиминнал бур гьарцаннал цанма хасъсса маз.

Гъанусса мяъналул чулуха ва повесть гъансса бур ванияр хъхъичл лавхъхъусса А.Хлусайнаевлул «Накливух об хлала шаву» тлссса повестьрачлан. Шиву чичул ккаккан увну ия Салман Къантамиров тлссса колхозрал къуллугъчий, га ия колхозрал зиянчий. Амма заралданушал архлал, ганал хайргу буллай ия колхозран. З. Айдамировлул тлурча цала повестьраву ккаккан увну ур Варзи Салманович тлссса Салманнуяргу къуллугърал лавайсса хлллакар. Варзи Салманович ур цанма биривсса къуллугъру ваца цанма личлий бивсса байлсса кунма ишла буллай вардиш хъусса инсан. Лулттурасса ласунгу, дулунгу, аьркиннан ххуллу тлитлунгу, заэвнай клусса дишала дишингу махъунай акъар. Цува райондалул

сельхозуправлениялул начальникну итайхту, ганал хьихъи лавсунни колхозрал председатель Халид, доход дусса ппал къамул дувуну ивтунни Халидлул шарниуссу, шофер Къарнайя га уллай ур цала бигарчи, к1ул-къюлт1мунил ихтивар.

Повестъраву гай бур куннал ку бувгъуну, колхозирттал аваданшиврул лагма буклай. Чичул букку вих анну бувсуну бур Варзилгу, ганал щарссанил Парзилгу, Халидлулгу, Гъаруннул ва Къарнайлгу къеллая.

Варзи ур инсанталгу, къуллугъругу ккавксса, иш к1юланин бувкний буттахъал аьдатругу, къуллугърал х1урматгу цанма хайр хьунну ишла бан к1улсса инсан. Ганал цала лагмагу цахава лавхъхъусса инсантал бат1лай ур. Варзи ва ганал лагмабий чичул лашан буллау ур интту урттуйн бувксса т1йлуя варза т1ий зизлазисса къалкъилуха. Ганал пикрилий, гай къалкъи цивппа зизиннин къаялугълай, ххуйсса ххарт1илух ххарт1 бувну, т1й гайннуя марц1 бан аьркини.

3. Айдамировлул ишла буллау ур магьирлугърал, мазрал пасих1шиврул лич1и-лич1исса ярагъру. «Къалкъи» т1исса повестъраву вирттаврал сипатру цила к1анайн дуртун щаллу дурну дур, гъарца виричу цанма лавхъхъусса мазрай гъалгъа т1ий ур. Шагърулий ялапар хъанай вардишсса Варзи Салмановичлул гъалгъалуву ч1явуну хьуну бакълай бур оьрус махъру, х1атта щаллусса предложениартту.

Ппал къамул дувай Гъаруннул сипат ххуйну ч1алач1и дурну дур х1укуматран ппал дулун бувк1сса хъами хъяврин буллалани. Пат1ища ппал къаласлай га т1ий ур: «Ил, Пат1ий, дулу цал вай шюгу шюршуну, къакъангу дурну ларсун духъхъу. Ина ттун ппалли т1ий яттил хъюртал къюмайртту даххан ччай дураввар». Мисидуй «рах1му бувну», ганилми къамул дан ччан бивк1унни: «Инагу, Мисидуй, вай

ххуйну къакъан дурну дакъар, за бакъар, ацѣва процент атилшиврун букканну». Салихѣатрив лапва начливун бувтунни: «Вагъ Сяллуй, ина къалкъул шану бачѣва бувну бувкѣравварч?»

Вирттаврал хасиятру, гайннал пикри-зикри, асарду ялун личин бан чичу ишла дуллай ур цахъва-цала учаврил къяйда. Виричу ур лаласлай, ттислай, къукълай чичугу ур гай пикрирдан къимат бишлай, цаламур пикри буккун бувчѣин буллай.

Чичул усттарну ишла дурну дур диалог (кѣиннал гъалгъа). Шиву чичул ххуйну чѣлалачѣи бувну бур Гъаруннул ва кассир Шамалайл ихтилат. Гай кѣиягу бур цала-цаламунил пикрилий. Шамалай Гъарун цихухва лавгсса ххай бур, Гъарун тѣурча ур, га ишла бувну, цачѣара салкъи хъусса ппалух арцу ласлан ччай. Ва кѣлану щаллу бувну бур чѣлалакъачѣисса бяс-ччал кунма, кѣиннал турнир кунма.

Мунияту чичул ишла бувну бур укунсса махъру: светофор (душнил лажиндарал ранг ккаккан дан), «хъярчлил хѣурни», «хѣиллалул бидав», «буккай чагъар». Хъинну усттарну ишла бувну бур чичул цалами махъругу: «Ванил (Шамалайл) утти, канийн бувкѣун, махъва-махъсса цила буккай чагъар аьч бувунни». «Ванан цивхъурар? Кѣанил чагъарданухгу увагу къаурувгун, ур цаламур ккаккан буллай». «Дахъва утти бувчѣунни ганин цивппа ца арих ца зунттайх най бивкѣун, дахъа оьккисса кунцѣуллуву цачѣун бивсса».

Вай авторнал мукъурттил буслай бур вирттаврал дуллалимур ва увкумур чичул ас-ламусрал судрал цинцилттай бихълай ушиву. Муниву дур романдалул ца агъамсса дахханашивугу.

Повестърал мазраву чичул ишла бувну бур чѣявусса учалартту, мазрал пасихѣшиврул ярагъру. Оьрчѣащал мазрал пасихѣшиврул ярагъру текстраву лявкъуну, ми циван ишла бувну буриггу ххал бигъин бучѣиссар. Повестъраву ишла бувсса учалартту дакѣних

лахъхъаву тlалав дурну, ми ци хlисаврай ишла байссаривгу бусаву тlалав дайссар.

«Къалкъи» тlисса повестьрал ххуйми ва инсаншивруцlун къадаркъуми хасиятру оърчlащал дарсирай ххал дигъирчагу оьккину къахъунтlиссар.

Лавхъхъумур жям баву мурадрай, оърчlру пикри буллали бан аьркинссар укунсса суаллал ялув:

1.Цуку-цукунсса хlилларду дуллай ур Гъарун колхозниктурал дулайсса ппалул ккал чан дан, гайннул багъа ялавай бан?

2.Цукунсса мазрал заллу ур Гъарун?

3.Ва цlанасса чlумуву Гъарунхъул кунмами ци дуллай бур, ссаха зий бур.

Оърчlан маслихlат бан бучlиссар шаппа А.Хlусайнаевлул «Накlливух оь хlала шаву» тlисса повестьравасса Салман Къантамировлул ва З.Айдамировлул повестьравасса Варзи Салмановичлул хасиятирттавусса аьммур ва личlиймур ххал бигъин ва миннан хас дурсса сочинениялийн хlадур хъун.

Лакрал литературалул дарсирдай жула чичултрал произведениярттащал лахъхъайссар дагъусттаннал цайми миллатирттал чичултрал произведениярттугу.

Урчlулчинмур классраву лакрал литературалул дарсирдай оърчlру кlул шайссар Ахlмадхан Абу–Бакардул «Даргири душру», Аتكъай Аджаматовлул «Къумукънал авлахърай», Хизгил Авшалумовлул «Патlима бавал гьалмагъай» ва м.ц. чичултрал произведениярттащал.

Бурганну Ахlмадхан Абу–Бакардул творчестволук. Ванал «Даргири душру» тlисса повесть лахъланнин цал оърчlру кlул банну ванал оьрмулушал ва дурмунищал.

АхIмадхан Абу–Бакардул биография лахьланнин хьхьичIва бучIссар маслихIат бан оьрчIан, интернетраву ва чичун хас дурсса цукунсса материал дурив ххал дан.

Чичун хас дурсса дарс дишайни, бучIссар дарсирайн ласун ванал портрет, дуван ванал луттирдал выставка, чIун духьурча ва интерактивный доска духьурча, оьрчIащал ххал дан бучIссар ванал произведениярттайн бувну дирхьусса кинордал фрагментру.

КIул банну оьрчIру ванал биографиялушал.

Дагьусттаннал халкъуннал чичу АьхIмадхан Абу–Бакар увссар 1931-кусса шинал Оьргьрал шяраву, мусил усттарнал кулпатраву. 1956–кусса шинал ганал къуртал бувссар А.М.Горькийл цIанийсса Литературалул институт, 1957–шинал– киносценарияртту чичин лахьхьин байсса Лавайми курсру. Гания махь АьхIмадхан зий ивкIссар телевидениялий, чичултрал союзрал правлениялул жаваб дулайсса секретарьну, «Лениннул ттугь» тIисса даргири мазрайсса республикалул кказитрал редакторну, оьрус мазрай буккайсса «Советский Дагестан» тIисса журналданул редакторну. Ганал итабавкъуссар чIявусса луттирду даргири мазрайгу, оьрус мазрайгу, гай таржума бувну бивкIссар къатIаллил билаятирттал мазурдийнгу.

Аь.Абу–Бакардул чирчуссар назмурдугу, пьесардугу, киносценариярдугу. Амма хIакьмур ххуллу ганал льякъуссар прозалуву. Ганал чивчуссар чIявусса хаварду, повестьру, роману: «Ттула Серминазлунсса чарсса», «ЯтIул гьивч бияйсса чIун», «Ххазиначалсса каниш», «КIяласса сайгак», «Баргь барзул кюрттараву», «Занг рищуннинсса кIива барз», «Манана» ва цаймигу.

Ганал произведениярттаву яла цIа дуркмур бур «Даргири душру» тIисса повесть. Му повесть оьрус мазрай Москалив бувккукун, Аь. Абу–Бакардул цIа машгьур хьуссар щала билаятрайх.

«Даргири душру» тiсса повесть лахъланнинсса хъхъичiмукъуву бусайссар ва произведение ссан хас бувну буссарив.

Ва повестьраву щаллу дурну дур ца шинал бувсса, цаннищал цагу хъинну дусъсса ряхва душнил сипатру: Насибал, Къисттаманнул, Аьшурал, Сакинатлул, Патiимал, Зайнаблул. Гай душварал оьрмулувусса цалчинми шаттирду цукун лавсъссарив бувсун бур повестьраву. Гай бур 50-60-ку шинал инсантал. Дянивсса шинал школа къуртал буллалисса душварал хъхъичi тiртiуну дур чаннасса дуниял. Душваран цанмагу багълай бур цала къисматралсса бан, цала талихiрттал хъирив буккан. Душварал талихiрал кiулли дур цахърагу, цала нитти-буттахъал кiунттихъгу.

Беседа къуртал хъуну махъ, дуклаки оьрчiащал повесть букваврив ва ганил щала мурад лахъхъаврив бучiайссар.

Луттирай буллусса бутiри бакъа, оьрчiан маслихiат байссар щала повесть буккин, буллакини гъарцагу повестьравусса душнил сипатрах ургъил бан.

Яла оьрчiащал бучiайссар анализрайн, ххал дигъайссар душварал сипатру ва гайннал къадарду.

Бурганну Насибал сипатрах. Га бур хъинну авур дусса, исвагъисса чурххал заллу, пагъму бусса балайчий, агъалинангу, цила дустангу бусравсса душ. Амма нитти-буттал ганил хияллал къала лекъан бувну, шар булун хiукму бунни. Насибавугу циламур бачин бансса гуж къалявкъунни.

Чичул ккаккан бувну бур га ттюнгъасса, нитти-буттал кумуний бацiайсса душ махъва-махъгу цила махъ къянкъану бусайсса, бувгъусса ххуллу тiайлану бачин бан кiулсса инсаннайн кiура бавну.

Насибал сурат щаллу даншиврул чичул ишла бувну бур личiи-личiисса мазрал пасихiшиврул ярагъру (ми ярагъру оьрчiащал

лякъайссар). Чичу ур ганил чулий, гания цла дуллай: ряхвагу душвараву га яла исвагъимур, дак1 дакъинмур бур тлий. Насибал исвагъисса члунил хлайран бувну бур ганих вич1и дирхъуми.

Душнил авуршиву жунна члалай дур га дагъанттувух буруглагисса члумал. Цила авур дусса симандалия душ цуппагу бур рязину: «Насиба дагъанттуч1а бавц1уну бия пиш-пишгу тлий. Га бур члаврай чливисса клунт1гу бусса, лух1исса бярдуксса яруннил валахъисса иттархъеннал заллу, Х1аллурду бан бувасса, хъхъунияргу лух1исса клиз бур клусса журужани кунма бурх1айх ялавай экъи най»⁸

Цаппара х1аллава, цихъва хъат1уйн хладур хъанахъу кусса члумал, Насибал симан даххана хъуну члалай дур. Клич1ирава ганих буруглагисса душваран ва укун члалай бур: «Тливт1усса члавахъулттива Насиба бурувгуна. Бац1и, варч1а Насибарив?! Лух1исса хъунисса ярунниву утти ххаришиву дакъар, кланил лух1ипурщисса лажиндарая муданмасса пиш ххивну бур, члу бур якъаману. Укун цлан лагайссар дяркъусса ттуруллаву т1ут1айх дирчусса ар, укун дунял дащан хъхъич1 лещайссар лелуххантрал веч1-веч1».⁹

Насибагу, Пат1иматгу, Зайнабгу щар хъунни дуккавугу къариртун. Гайннан ч1явусса бак1рач1ангу бувклунни. Мунил сававгу дур гай цивппа хладурну бакъашивриву оърмулуву лайкъсса клану бугъан.

Гайми шанмагу душ (Къистаман, Аьшура, Сакинат) бур къянкъа-къурч1исса, цахлувагу, чихгу буккан бюхъайсса, цала т1имур бац1ан бан хладурсса душру. Сакинат щар хъанай бур цина

⁸ Ах1мадов С.Х., Къажлаева К.М. Лакрал литература: Хрестоматия 9-мур классрансса. Мах1ачкъала, 2002, с.144.

⁹ Ах1мадов С.Х., Къажлаева К.М. Лакрал литература: Хрестоматия 9-мур классрансса. Мах1ачкъала, 2002, с.152.

ччисса жагьилнан, Аьшурал дащуй ивхьунни «душру ххияй ххячара» Юсуп, Къистаман дуклан бувххунни институтравун.

Душваращал арх1ал повестьраву ккаккан дурну дур жагьилтурал кьюкьагу: бригадир Умалат, яттил х1ухчу Сурхай, тяхьасса даллак Къасум, клубрал хьунама Хизри ва цаймигу. Гай бур зах1мат бан к1улсса инсантал. Так Умалатлул дунни адиминан лайкь дакьасса кьел: цала гьалмахшарнихьгу, нитти-буттахьгу ссих1 кьадурккун, буллалисса хьат1игу буний кьабивтун, га анавархьиндарай лавгунни Ритал хьирив шагьрулийн.

Кьадарсса кьел дунни Жамавлул, Сурхайгу цувалу яттич1а кьаивтун, га ливхьун лавгунни буран бищайхту. Чичул га повестьраву дащуй ивхьуну ур.

Повестьравусса оьрмулул хьуниминнал сипатру дур лич1и-лич1исса. Гай бур цавай жагьилтуран кумаг буллай (колхозрал председатель Х1усман, парторг Зулпукьар, учительница Зайнаб, хьунавхьусса Ибрагьим-ттатта), гайми бур хьхьич1азаманнул аьдатру ц1у дуллай, цала арсурварахь, душварахь кьац1увххунма гайнналсса буллай (Х1абиб, Х1асан, Шамай, Заза, Мухтар).

Гайннава лич1ину яргну ккаккан увну ур Юсуп. Га ур хьуслил адимина, х1укуматрал хьуслил вив увххун, нах1у-нац1уми дуку. Повестьраву га дащуй иширчагу, ц1анакул гукунминнал замана бур. Чичун танива бувч1уну бур Юсупхьул царив, гайнная цукунсса зарал буссарив агьалинан.

Повесть бур чивчуну буклакима вих хьунну, оьрмулуц1ун бавх1уну. Ганиву ч1явур учалартту, бусалартту, лащан бавуртту. Масала, Шамай дур душнихь «Ца уссувун к1ивагу бувк1ун гьанссара» т1ий. Ва бур ч1явуми дагьусттаннал халкьуннал ишла байсса учала. Повестьраву бур Урк1ух т1исса душниясса аьжаивсса бусала, халкьуннаву ливч1исса оьргьрал устартураясса бусалартту.

Ягу: «Хьхьичіва зунттал чув цала кьатлуя уцан ан, чірай лачлун бувсса бянйяр жапассия», «Гъавгъсса приемник кьабагъуна Хьярбащиял чіиллулу гамуш кьабагъайсса кунма». Укунсса лашанбавурттал повесть чіюлу бувну бур. Ганиву бур якьамасса клантурдугу, хьянсса, пиш учинсса ишругу.

Произведение ххал бивгъуну махъ, бучіссар оьрчлащал ххал дигьин ванил сакиншинна (композиция). Ва произведениялул композиция дур ганивусса вирттаврал аьдадран лархьхьусса. Цала произведение чичул байбихълай ур пролограя. Пролог хъанай бур произведениялул байбихъулий гиву хъанакъисса ишру бувчін байсса бутла. «Даргири душру» тісса повестьрал дайдихъулий бувсуну бур чичул буттал билаятрая. Урклух тісса шяраваллия, га шяраву ца хьхъуну ряхва душ баврия, му иш цукун клул хьуссарив. Ряхва душ ца кьини, ца хьхъуну баву махлаттал бивзун, чичу ур гайннун хьумур ххал бигълай.

Повестьраву архіалла дачин дурну дур ряхвагу душнил оьрмулул линия, гайннал бакірачлан бувкімуниясса хавар. Произведениялул гьарца бутла хас бувну бур ца душнил оьрмулуну хъанакъимунин. Амма цува щия буслай ухьурчагу, чичун гайми душругу хъама битлай бакъар.

Душварал оьрму куртіну ххал бигьиншиврул, чичул ишла бувну бур повестьраву новеллардугу (кутласса, яргсса хавардугу). Укунсса новелла дурр Урклух тісса, хьинну пагьму бусса, исвагъисса, тяхьасса хасият дусса, мунияту буттал шяравату динчитурал буккан бувсса душниясса хавар. Га Урклух буккан бувсса кланай хьуну дурр Урклух тісса шяравалугу. Бур повестьраву колхозрал председателна, Хіусманнул, граждан дяввилул чіумал дурсса чувшивриясса хаваргу, цайми хавардугу.

Повестъраву бур циняв ххуллурду цачлун буллалисса, ганил ахир дучлан дуллалисса эпилог. Эпилограву, ахирданун кланайсса бутлуву, бувсуну бур душваран хьумур, хьхьичлва-хьхьичл Урклух шяравун Даргиял театр бувклсса члумал хьусса ишру. Повесть байбихьлай бия, шяравусса агъали духсса шярава цлусса шяравун, къасса кланайн, бизлай. Утти шяравалу дур цлусса кланай, шяраву бур бувну хьунмасса клуб. Духсса, лекьлан дайдирхьусса шяравалу чичул лашан дурну дур чарил жюружанттуха, цлумур-ссурулкуртлуха. Вай лашанбавурттавуугу куртлсса мяъна дур. Гай дур бух оьрмулун ва цлусса оьрмулун лишанну, символлу. Ми лашанбавурттугу хьанай дур Ахлмадхан Абу-Бакардул чичрулул ца къяйда, ца лишан.

Произведение лавхьхьуну къуртал хьуну махь, бучлссар оьрчлашал ххал бигьин чичул цала повестъраву ишла бувсса мазрал пасихлшиврул ярагьру. Миннул ялусса даву клия оьрчлахь цачлуну ягу шама-мукьа оьрчлахь цачлуну дан дулайссар. Миннал лявкъусса учалартту, бусалартту, мазрал пасихлшиврул ярагьру бусса предложениартту бучлссар литературалул тетрадирттайгу чичин.

Лавхьхьумур жям баву мурадрай, бучлссар повестърайн бувсса суаллу булун:

1. Ссал барашин дуллай дур Ахлмадхан Абу-Бакардул маз авадансса бушиврул?

2. Ци члумун хас бувсса бур Ахлмадхан Абу-Бакардул «Даргири душру» тлссса повесть?

3. Эпиграфирттал цукунсса агьамшиву дур повестъраву?

4. Цукунсса личлишиву ва лашаву дур цланасса ва та члумул душварал.

5. Насибал сипатрайн бувну сочинение чичара.

Лакрал литературалул дарсирдай оьрч1ру к1ул шайссар татнал чичу, Хизгил Авшалумовлул творчестволушалгу.

Хизгил Авшалумовлушал оьрч1ру хьуна бакьлай бур урч1улчинмур классраву, ванал «Пат1има-бавл гьалмагъай» т1исса хьярчисса хавар лахьлахьини.

Ва дарсирал мурадну хьанай бур оьрч1ан х1азсса литературалия к1улмур курт1 баву ва укунсса журалул произведениярттаву инсантурал хасиятру ч1алач1и даврил хьирив лаяву.

Вай укунсса журалул текстирдал хьирив лаяврил оьрч1аву цайнува цивппа текстрал хьирив лаллансса чялиш хьанакъаву сакин дан аьркинссар.

Му бакъассагу, произведение лахьхьаврил бувч1ин бан аьркинссар оьрч1ан чичул оьрмулухсса ургаву, ганал оьрмулуву хьуна бакъайсса т1айламуниин ва т1айлабакъамуниин бишлашисса кьимат.

Чичул творчество лахьлахьисса дарсирай буч1иссар ишла дан Хизгил Авшалумовлул портрет, мунал луттирдал выставка, духьурча татнал музыкалушалсса дискру.

Чичул биография лахьлан хьхьич1 бусайссар дарс хас даншиву татнал чичу, шаэр ва драматург Хизгил Авшалумовлун.

Биография лахьлан хьхьич1 буч1иссар вич1идишин чичул душ Людмила Авшалумовал цила буттая бусласисса записьрах. Яла буч1айссар чичул биографиялин.

Татнал чичу ва драматург Хизгил Авшалумов увссар 1913-кусса шинал Нух1ди т1исса шяраву, хьудугъу Давидлул кулпатраву. Га ч1ивину унува, нину-ппу ливт1уну, ятинну ливч1ун ур. Ччяни бувч1ун бур ганан зах1мат цирив, инсаншиву ссаву дуссарив, циаьдатру дахчилачиссарив оьрму ххуй бан. Жагьилний га

колхозравугу зий ивкӀун ур. Яла МахӀачкӀалалив совпартшколагу кӀуртал бувну, зун ивкӀун ур «ЗахӀматкаш» тӀисса тат мазрайсса кказитрал редакциялий. 1938-1941-кусса шиннардий Х.Авшалумов зий ивкӀессар Дагъусттаннал мазрал ва литературалул институтраву. Гиву зузисса чӀумал, ганал ита бавкӀессар татнал фольклорданул лу.

Дяъви байбивхӀукун Х.Авшалумовлул канил дургъуссар бурттигъунал тур. Га Германиянавун ияннин лавгссар дяъвилул ххуллурду битлай, талай. Дяъви кӀуртал хӀуну мукъахгу га ивкӀессар армиялийва корреспондентну зий. 1955-ку шинная махъ Х.Авшалумов зий ивкӀессар «Дагестанская правда» кказитрай, Дагъусттаннал Чичултрал союзрал правлениялул секретарьну.

Хизгил Авшалумовлул литературалувунсса ххуллу байбивхӀуну бур кказитрай рирщусса макъалалия. НухӀдиннал шярваллил агълу бивкӀун бур мыйжа-мыйжаннугу вихну, гъай пулансса хӀу гъайчирча, га гъайтӀалал шарсса чара бакъа дирчӀайссар тӀий. Мунияту абгъусса хӀугу шилчӀав къадугълай, дачӀра личӀайсса диркӀессар. Га хӀунийн цийннагу «Хъаннинсса бивкӀу» чайсса бивкӀессар. Х.Авшалумовлул цала макъалалуву ми дащуй бивхӀуну бур. Макъала ххуй дирзун, ганайн оьвкуну бур Дербентливсса «ЗахӀматкаш» кказитрай зун. НухӀдиннал жяматралгу га хӀу мугълат бакъа гъай куну дур.

Тания махъгу Х.Авшалумов чичлай ивкӀун ур очеркру, хӀуни бакъасса хаварду, новелларду, повестъру, пьесарду. Ганал цала произведенияртту чичлай ивкӀун ур оьрус мазрайгу, тат мазрайгу. Х.Авшалумовлул произведенияртту бавхӀусса бур оьрмулущал.

Ва классраву лахъхъайсса «ПатӀима бавал гъалмагъай» тӀисса хавардануву чӀалачӀи бувну бур душри тӀий къари лихъан дурну, начливун багъсса жагъилтал. Хаварданул гъануну лавсун бур чичун цанма кӀулну хъусса иш. Хавардануву чичу дащуй бихълай ур хӀан

х1ач1айсса, танмалсса, даву къадуллай, чил зах1матрай яхьун ччисса халкъ.

Хизгил Авшалумовлул яла ххуйми хаврду чивчуну бур бюч1ан бувну, лич1и-лич1исса мазрал пасих1шиврул ярагъ ишла бувну. Гайннул мурадругу (сюжетру) дур ларсѐсса жула оърмулува. «Щарашуч1исса хьунабакъаву» т1исса хаварданул вирттал бур ялапар хъанай Хунзахъиял райондалий. Оърмулуву хьусса иширттал т1айла ац1ан увну ур чичу «Хавар ва ххунк1ру», «Хъаннил пиша» ва цаймигу хавар чичин. Чичул багъу-бизулуву хьунабакъайсса ишру жям бувну, гай гъанулун лавсун, ххуй-ххуйсса хаварду чивчуну бур.

Хизгил Авшалумовлул произведениярттал буккултрайн хьинчулийсса асрду биян буллай бур. Му мукун бушиву буслай бур ва иширал: ца шарссанил чивчуну бур Хизгил Авшвлумовлуч1ан «Щарашуч1исса хьунабакъаву» т1исса хаварданухлу барчаллагъ т1исса чагъар. Ганил чивчуну бур, цила ласнал, дурккучунал, хъхьич1ра шардаллил даву къадайва, х1атта мукьилчинмур зивулийн щинал бадра гъаз баву къюкъалану ч1алай ик1айва т1ий. Ва хавар бувккукун, ганил адимина цува рязину, х1атта шавкъирай, кумаг буллан ивк1унни шава т1ий.

Хизгил Авшалумовлул творчестволул агъанмий ярагъ бур сатира ва юмор: ришхант, хъярч, махсара. Чичу дащуй дихълай ур дух аьдатру, бух заманная лирч1исса ц1аншивуртту, ттизаманнул цуркинт, х1ан х1ач1улт, бюрократътал. Цала произведениярттаву чичу ишла буллай ур халкъуннал учалартту, лулякъурду, магъри, оърмулуву хьуна бакъайсса ишру, цанма к1улсса инсантурал хасиятру.

Цумур бунугу произведение буклан хъхьич1 ссах бурган бан багълай бур оърч1ал я? Масала, «Пат1има бавал гьалмагъай» т1исса хаварданул ц1аниятура ч1алай дур ганил гъанусса мяьна, мунил

тлитлай бур мурадрачлансса ххуллу. Бурганну Патлима бавал сипатрах, чичул га члалачли дурсса куццух: «Зунма клул хьун ччарча, ца заманнай нагу дуссияв вай уттисса исвагыи ссурухлирдаяр къаяларайсса. Цлана ххуйну дакний бакъар, ххюцлалларив, ряхцлалларив шинал хьхьичл жул шяравун увклун уссия, интнин бувксса булбул куна, тяхьасса аьшукь. Цала караматсса балайлуну га ттул члавру лашан дуллаи ия ятлул гьивчуха, мурччив–нацлусса ницлаха, ккарччив аьрабнал ттеркъукъаха...Ци бави, утти гай «ттеркъукъая» бувагу ца ххутли бур ливчлун. На хьян дикларчагума, ца шин хьусса ттула арснал оьрчл гацлана аьтлун иклай: на цайнма къацл къаучин нигъа усайхьунссар». Ягу: «Ттун укунмагу хьинну ххирассар чил къюлтл буллалимур клул буллан. Цан алжан буливуй, аьпа бан, ттул ласгума члявуну ттухун дяьван иклайссия мунихлуну: «Вин, Патлимай, – учайва ганал – ччатл мабулара, так шяравухгу занай, шярал хаварду батлай, ваца вацлувусса вяркъу кунна, щала къини гай ири-иривнахь буслан ритарча». Вай укунсса бусавурттал Патлима бавал хасият, га цурда хьама къаританну, сагьсса кунна хьхьичл дацлан дуллаи дур.

Ва произведение ягу произведениялул бутлри бучлиссар оьрчлашала классраву буккин, бюхьарча, духьурча аудиозапись бучлиссар муних вичли дишингу.

Жува оьрчлашала клул хьуру Хизгил Авшалумовлул хьярчисса хаварданушала, утти ххал банну ванала хьярчи хавардал къюлтлмур ци бурив суаллала кумаграйну:

- Цу хьянай ур Хизгил Авшалумовлул хавардал герой (виричу)?
- Ци мурадрай буслай ур чичу мукссава агьамшиву дакъасса иширттая?
- Ванала хавардал гьануми темарду цукунсса дур?

Цала автобиографиялуву Хизгил Авшалумов чичлай ур: «На хлазсса хаварду чичлайсса так инсантал ххари бан, миннашал хъярч бан акъара, ми чичлайсса оърмулуву хъуна дакъайсса тлайла дакъашивуртту дащуй дишин, ми духлаган данна. Тлун биклай: «Асландалул хъярчлил цулчла бивклуссар тлий». Ттун тлурча ччай бур ттула хъярчирдал, ришхантиртгал «литлун» оърмулуву хъуна дакълакьисса, инсан ххуйну яшаврицлун дахчилачисса диялдакъашивуртту.

Яла бучлуссар оърчлащал ххал дигьин цукунсса диялдакъашивурттай хъяй, ми дащуй дихълай урив чичу. Примерду ласун бучлуссар хаварданул текстрава, ишла дан бучлуссар кутласса мурад бусаву, циву цитатарттугу ишла бувну.

Ва хаврдания цала пикрилул къувкъумур бучлуссар чичин бан литературалул тетрадирттай.

Утти ххал дигьинну Дагъусттаннал халкъуннал шаэр Аتكъай Аджаматовлул творчество. Ва классраву оърчлру клул хъун най бур Аتكъай Аджаматовлул «Къумукънал авлахърай» тлисса повестърал бутлушал. Ванал творчестволушал оърчлру уттинин клул къавхъуссар, мунийн бувну, хъхъичлсса дарсирай оърчлру клул байссар чичул биографиялушал, мунал оърмулушал ва дурмунишал.

Аتكъай Аджаматов увссар Эндирей тлисса Хасавюртуллал райондалийсса къумукънал шяраву.

«Мукъул пасихлсса Аتكъай Аджаматовлул чирчуну дур члърусса жулардал давуртту: шеърирду, хаварду, повестъру, пьесарду, очеркру. Аتكъайл гъарта дурну куртл дурссар цаярва хъхъичл чичлай бивклсса Ирчи Къазахълул, Нугъайл ва Зайнулаьбид Батырмурзаевхъл, Аьлимпаша Салаватовлул къумукънал литературалуву дурсса хъунисса давуртту.

Апанни Къапиевлущал Щурагъ педучилищагу къуртал бувну, Аتكъай зий ивк1ссар къумукънал шяраваллаву учительну. Х1лала хъуссар агъалинан чичин-буккин лахъхъин баврил, халкъуннал марц1шиву дуруччаврилухлусса, ц1усса багъу-бизулухлусса жяматрал давурттавах. Мува ишираву га бат1лай ивк1ссар халкъуннал аькълулул ттиркьюкьив: учалартту, лулякъуртту, лахъи балайрду, магъри. Чивчуссар цала ниттил мазрал учебникру, хрестоматияртту.

Кулакнал аршиврий тай шиннардисса х1куматрал хъирив бац1лац1авуртту ва дуснакъгу бух1лай, Аتكъай ац1аву дакъа зий ивк1ссар пасих1сса ва мяъналул курт1сса литературалул произведенирттаха. Мах1ачкъалаллал дуснакъраву чирчусса цала назмурду ганал хъунмасса зах1матшиврущал шардай т1айла дуккайсса дирк1ссар. Гай дирк1ссар тахсир бакъа увгъусса хъунасса шаэрнал назмурду.

Унгу-унгу литературалухун агъссар 30-ку шиннардил дайдихъулий. Тай шинну щалагу жула билаятран зах1матсса дирк1ссар. Аьркинну бивк1ссар халкъуннал оьрмулуву, хозяйстволуву дурккусса пишакартал. Ватандалул баян бувссар дуклан аьркиншиву. Халкъгу дуккаврихун багъссар. Гайннавах ивк1ссар Аتكъай Аджаматовгу.

Аتكъайл хасиятраву ца агъанмурну хъанай дирк1ссар хъанахъимунил вив уххаву, иширал, затрал х1сав ласаву. Мунилгу цала произведениярду чичлачавривурав, оьрмулул иширттавурав Аتكъайн кумаг шайсса бивк1ссар ялун буч1анмур бак1райва ч1алан, иширттавугу лялич1имур язи бугъан.

Аتكъай зий ивк1ссар «Елдаш» кказитрал литературалулмур отделениялий. Га кказитрайри Аتكъайл цала хъхъич1ва-хъхъич1ми произведенирдугу бивщусса.

Жяматрал, обществолул оърмулувух унгу-унгу х1ала уххаврил Аتكъайн оърмулул шач1антту лахъхъин бувссар. К1ул хъуссар чичун цуку-цукусса к1улшивуртту аъркинссаривгу, ссаяту ва цукун чичлан аъркинссаривгу, му пиша цукун зах1матсса ва аъркинсса буссаривгу.

Аتكъайл чирчуссар ч1ярусса очеркру: «Зунттаву ва ардарав», «Ц1аншивринсса гъужум», «Тархъаншиву ххувшаврил гъанур» ва м.ц. Гай очеркру чичаврилгу Аتكъай х1адур увссар яла махъ хъунисса произведенияртту чичаврийн.

Аتكъайл назмурду ва шеърирду дуркссар оърус мазрай ва цайми мазурдийгу.

1935-ку шинал бувксса «Тупав» т1исса повестьраву Аتكъай гъаз буллай ур оърч1ан тарбия дулаврил масалартту.

1939-ку шинал чивчусса «Ттун пахру бур» т1исса повестьраву Аتكъайл щаллу дурну дур къумукънал машгъурсса революционер Зайналабид Батырмурзаевлул сипат.

Чичлай ур Аتكъай пьесардугу. 1940-ку шинал щалагу Дагъусттаннайсса циняв драматургтал гъуртту хъусса конкурсрай ганал «Ансар» т1исса, граждан дяъвилун хас бувсса, пьесалун дуллуну дур цалчинмур премия.

Буттал к1анттул ц1анисса Хъунмасса дяъвилул шиннардий Аتكъай чичлай ивк1ссар патриотический произведенияртту. Дяъви къуртал хъуну махъ Аتكъай чичлай ивк1ссар назмурду, хаварду, пьесарду, очеркру, оърч1ансса произведенияртту. Аتكъайл щаллу дурну дур Л.Толстойл, Лениннул сипатру. «Рабият» т1исса поэмалуву га буслай ур зунттал душнил оърмулуя, ганил къисматрая.

Прозалий чивчусса Аتكъайл произведениярттаву хъхъич1унсса к1ану бугълай бур «Къумукънал авлахърай» т1исса повестьрал. Га Аتكъайл чивчуну бур 1953-ку шинал. Повестьраву ккаккан бувну бур дяъви къуртал хъусса ч1умуву къумукънал шяраву хъанахъисса ишру.

Чичу дащуй бихълай ур колхозраву хъунисса къуллугъирттайн лавхъсса зиянчитал»¹⁰.

«Къумукънал авлахърай» тIисса повестьраву вих хъунсса куццуй ва яргну чIалачIи дурну дур гиву гъуртту хъанахъисса геройтурал: Нинал, Хайруллагълул, Идрислул сипатру. Вайнналгу, цайминналгу сипатру чичу ялун личин дуллай ур оърмулуву хъанахъимунийхчIин. Чичу ккаккан дуллай ур гивусса геройтурал духIи-дуцин, мяърипат, инсаншиву. ХIарачат бувну бур геройтурал дакIнил пикри-зикрирду ккалаккиманан бувчIин бан.

Учительница Нинал дневникрайхчIин чIалачIи бувну бур шяравусса халкъуннал оърму баххана хъанахъисса куц: шяравун луттирду, кино, ххуйсса къатлул къай дучIаву.

Ларайсса, ххуйсса хасиятру дусса геройтал авторнал ккаккан бувну бур къадарсса, щурсса тIул-тIабиаътращалсса колхозрал председатель Исапил ва земотделданул зузала Идрислул лашинсса дуллалимуминин къаршину буклай.

Ца заманнай цIанихну зий, циняннан бусравну ивкIсса колхозрал председатель Исапил, земотделданул хъунама Идрисгу цIакълин увгъуну, колхозниктурай баччибакъулшиву дувайсса даражалийн агъну ур. Вай къадарсса инсантурал сипатирттайну чичу чIалачIи буллай ур мукунми халкъуннал итгала багъаву ва халкъуннаву гайннал хIурмат, сий дакъашиву.

Жяматрал дуллалимуминиву, оърмулуву инсан ялун личин авриву дур Аتكъайл повестьрал ларайшиву ва мунил мурад.

Каялувшиву дуллалиминнал паргалшиврун ва зузиминнал гъунар-хIарачатрайн хъар хъанахъиссар цумурцагу даву дузрайн дуккаву. Вана ванийну лавай хъунни повестьраву Хайруллагъгу, ялавай агъунни «Октябрь» колхозрал цIусса председатель Исапилгу,

¹⁰ Х.М. Хайбуллаева. Преподавание дагестанской литературы в 9-10 классах. Махачкала, 1985, с. 95-98.

Райземотделданул заведующий Идрисгу. К1иягу–Исрапилгу, Идрисгу бур так цаласса, цанна ххюрхху данмунилсса бакъа къабайсса «х1арачатчитал», Вай цалнияр цал жяматран бувч1лай бур.

Хъинну усттарну ч1алач1и бувну бур повестъраву гьуртту хъанахъиминнал пикри-хияллу.

Шяраву ч1явусса ххуйсса-хъинсса инсантал бушиву Нинан к1улли. Шикку га цинма цуппалусса чил инсанну асар хъанан къабик1ай, аммарив ца-ца ч1умал дак1 къума лагай. Мунияту бухъунссия Нина фронтраяту цина ттигу к1ул акъасса, цила ученицал буттая, Хайруллагьлуктусса, чагъарданух ялугьлагьисса. Чагъардив бакъа хъунмасса х1ал хъуна. Циванни ганин га шанмурц1у чагъарданул? Бюхъай ганий цила мачча-гъаннаятусса хавар бувагу къабик1ан.

Пашмансса пикрирду ххиен баншиврул, Нинан ччан бивк1уна къатта-ц1у лакъин...

Оърмулуву хъанахъимунивух х1ала увххун, ва му хъанахъимуния пикри бусайсса чичу х1исаврай Аткай аьлтта ч1алач1и буллай ур къадарсса т1уллал заллукъругу, т1айласса зах1матрал агьлугу. Халкъунная, гайннал къумашиврия ва ххаришиврия арх буцлацисса къуллугърал хъуними Исрапилгу, Идрисгу; дак1ругу марц1сса, дуллалимургу т1айласса Нина ва Хайруллагьгу.

Асардал вибувц1усса шаммарду х1ала бичаврийну авторнал бусласимур хъиннува бюхлай бур. Мукун хъанай бур Шабазгерейхъанний балайчинал фронтря увк1сса арс танкистнахъ, аврав чин жямат бавт1сса ссувх1атрах. Душманнайнсса сситтул вибувц1усса балайлун бавт1ми куннахъ ку т1ий бур: «Балайчий т1айлар».

Ссувхлат буллалисса кьатрал тиячулий бур колхозрал правление. Тиву щут1 рутлай щяивк1сса председатель Исапиллун баллай бур балайлул махъругу, зюннаврал ч1угу. Мунилгу председатель гьалак уллай ур. Мунияту ганал, гьап1 чин бувну, ч1авахъулу лакълай ур.

Чичу учительница Нинал сипатрайхч1ин ч1алач1и дуллай ур оьруснал хьхьич1унсса интеллегенциянал шяраваллил оьрмулуву цукунсса агьамшиву дирк1ссарив. Шяраву учительницану зун бувк1ун, ч1авасса Нина так школалул даврину цила бурж лахълай бакъар. Га х1ала бухлай бур щалагу шяраваллил оьрмулувух. Колхозрал председатель Исапиллул колхозрал хъус хъапа-шапа дуллалисса, даврил низам зия дуллалисса, колхозниктал кьюкьин буллалисса бавукун, ганил чичлай бур республикалул кказитрайн колхозрал ах1валданиясса статья.

Вана укунсса иш-тагьарданувун агълай ур фронтрату увк1сса Хайруллагьгу.

Чичул Нинахъ хъанахъимур цила мукъурттийну дневникрай чичин баврийну учительницал сипат щаллу хъанай дур, буклакиманал хьхьич1гу аьямну дац1лай дур. Ч1алай бур ганил аькьлу, бажар, инсаншиву ва х1арачат.

Му бакъассагу, чичу ва повестьравусса цайми-цайми геройтурангу дневникрайхч1ин кьимат бишлай ур. Мукун кьимат бишлай бур Нинал Исапиллун, Хайруллагьлун, Шекирдун, ученик Х1усманнун ва ганал ниттин, учитель Вагъав Халимовичлун ва м.ц.

Нинал чивчумунин бувну, буккун к1ул хъанай бур кьумукьнал шяраваллил халкъуннал оьрму, багъу-бизу. Мунину геройнал суратгу буккул хьхьич1 дац1лай дур ганал давриву, зана-кьала шавриву ва мукунма цайми-цайми иширттайну.

Ва произведениялул гъанусса мяънану хъанай дур личли-личлисса миллатирттал дянивсса дусшиву цлакь шаву, ми куннал чларав ку бацлаву. Му дусшиву члалачли дангу чичул ласлай ур дяъви къуртал хъуну махъсса члумувусса колхозниктурал оърму.

Повестъраву чичул члалачли дуллалисса тлабиаьтралгу кумаг буллай дур гьуртту хъанакъиминнан къимат бищун, миннал макъу, асарду ялун личин бан.

Масала, Хайруллагъ дяъвилия шавай зана хъуну най ур. «Къини ахтакъун бизулувун чул бувну дия. Ттуруллавах личлачисса бургъил къартрал лухччинийх шару-шару багъан бувну бия. Чуяв лахъний цила балай тлий бия верчличлу. Мусийну тлутлайх дирчусса пархтлутлуйгу тамаша буллалисса Хайруллагълун асар хъуна оърчлияцлакула цанма клулсса авлахърал къункъай цала бакл гъанан бивклсса. Вана утти хъамара диртунни уххавугу, багьтлатл шавугу. Ачингу бигъа хъунни».¹¹

Аткъай Аджаматов усттарну щаллу дуллай ур цала геройтурал хасиятру. Геройтурал хасиятирттан къимат автор бишлай ур цувагу, му даву ганал дуллай ур цайми геройтурал кумаграйнугу. Масала, Хайруллагъ авторнал цала повестъраву зий, иширттаву, давурттаву члалачли аврицлун, ганал хасиятран къимат бишлай бур учительница Нинал цила дневникрай дурсса чичрурдайхчлиngu.

Повесть оърчлащал ххал бивгъуну, анализ дуллалини бучлиссар цачлу бивхъуну ххал бигъин Абачара Хлусайнаевлул «Накливах оь хлала шаву» тлисса ва Аткъай Аджаматовлул «Къумукънал авлахърай» тлисса повестъру, вайннувусса лавхъхъумур ва личлиймур.

¹¹ Ахлмадов С.Х., Къажлаева К.М. Лакрал литература: Хрестоматия 9 класс. Махлачкъала, 2002.- с.17.

Ххал дан ва дурч1ин оьрч1ащал чичул цала «Къумукънал авлахърай» т1исса произведениялул геройтурахсса ургаву цукунсса дурив, оьрч1ащал арх1ал кьимат бищун повестърал геройтуран.

Лавхъхъумур жям баву мурадрай буч1иссар ххал бигъин оьрус учительница ци ч1умал, циван бувк1ун бивк1ун бурив къумукънавун дарс дихълан.

Бусайссар оьрч1ахъ та ч1умал циняргу Дагъусттаннал щархъаву бивк1шиву оьрус пишакартал ва миннал жула оьрч1ру дуккин бан, тарбия бан хъунмасса зах1мат бивхъушиву.

Яла буч1иссар оьрч1ру ва повестърая цала пикри бусансса, рецензия чичинсса план дурну, шардай рецензия чичин дулун.

Му бакъассагу, маслих1ат байссар оьрч1ан интернетраву ва чичун хас дурсса материаллу лякъин.

Ва произведение лавхъхъуну махъ буч1иссар оьрч1ан эпический произведенирттая к1улмур курт1 бувну, гъарта бан. Ва даврин бюхъайссар учительнаща щаллусса дарс харж дан, бюхъайссар дарсирал бут1а, оьрч1ан к1улмур х1исавравун лавсун. Ттининнин жува эпический произведенияртту лахълай бивк1ун бухъукун, цал уттигу повестърая оьрч1ан к1улмур гъарта банну.

Бусайссар оьрч1ахъ повесть дянивсса лагру дусса эпический произведение хъанахъишиву. Ганивусса сюжетрал лагру хаварданулссанияр хъуннасса, романдалулссанияр ч1ирисса дик1айшиву. Повестъраву бюхъайссар ца-к1ия инсаннал оьрму ккаккан бан, ягу гъарзасса вирттаврал оьрмулул ца ч1ун ххал дигъин. Аткай Аджаматовлул «Къумукънал авлахърай» т1исса повестъраву ккаккан дурну дур ххюра-ряхра шин, ганиву гъуртту хъанахъими бур гъарзасса, амма гай романдалуву курт1ну ккаккан бувну бакъар. Повесть бур лагрулул дянивсса. Повестърал хъирив лаллалени, оьрч1ал ябурган байссар гъануми ва гайми геройтурах, чичу цуми

геройтурал чулий уссарив, ганал хъуннасса ччаврищал цума геройнал сипат щаллу дуллай уссарив.

Бурганну Абакар Мудуновлул чивчусса «Буттал шяраву» тлісса повестьрах. Вагу чивчуну бур вайра дяъви къуртал хъуну махъсса шиннардий. Повесть хас буну бур шяраву хъанахъисса иширттан. Повестьран хасну, ишру шяраваллил къатлув буклай бакъар.

Бурганну «Буттал шяраву» тлісса повестьрал геройтурах: Жавагъи, Гъазали, Вали – вай бур захіматрал къимат клулсса инсантал. Чичул гай ккаккан буну бур колхозраву хъанахъисса иширттайну. Вана булакинал хъхъичі ацілай ур Вали, оьрмулул угъарасса колхозник, Вали ур колхозраву хъанахъимуних цала къатлуву хъанахъимуних куна уруглай. Цува хъинсса адимина унугу, Вали оьну ур колхозраву зун къаччисса Халидлушталгу. Чичул цанма чіалачімур тіайлану бувсун бур.

Ягу ласунну вара колхозрал темалун хас бувсса А. Хіусайнаевлул «Наклівух оь хілала шаву» тлісса повесть. Ва повестьравугу ишру ца шяраваллил къатлув буклай бакъар, гьуртту хъанахъимигу чіявусса бакъар.

Ваналгу дащуй дихълай ур та чіумуву хъуна дакълай диркісса диялдакъашивуртту. Шивугу хъуна дакълай дур зиянчитурал сипатру. Ва повестьгу чивчуну бур мйяжаннугу хъусса ишру гъанулун лавсун.

Укунмасса журалул бур З. Айдамировлул чивчусса «Къалкъи» тлісса повестьгу. Ва повестьгу бур клайва лавай ххал бивгъусса повестьтирттал куннасса темалун хас бувсса. Ва повестьрал герой Варзи Салманович ур Салман Къантамировнияргу къуллугърал лавайсса хіллакар. Варзи Салманович ур цанма биривсса къуллугъру ваца канан цанма личіий бувсса байлсса кунма ишла буллайсса инсан. Лулттурасса ласунгу, дулунгу, аьркиннан ххуллу тіитіингу, заэвнвй клулсса дишала дишингу махъунай хъанай акъар.

Цува райондалул сельхозуправлениялул начальникну итайхту, ганал хъихъи лавсунни колхозрал председатель Халид, доход дусса ппал къамул дувуну ивтунни Халидлул шарниуссу, шофер Къарнайя га уллай ур цала бигарчи, к1ул-къюлт1мунил ихтивар.

Повестъраву гай бур куннал ку бувгъуну, колхозрал аваданшиврул лагма буклай.

Варзи ур инсанталгу, къуллугъругу ккавксса, иш к1юланин бувкний буттахъал аьдатругу, къуллугърал х1урматгу цанма хайр хьунну ишла бан к1усса адимина. Ганал цала лагмагу цахава лавхъхъусса инсантал бат1лай ур.

Варзи ва ганал лагмамий чичул лащан буллай ур интту урттуйн бувксса тьялуя варза т1ий зизлазисса къалкъилуха. Ганал пикрилий, гай къалкъи цивппа зизиннин къаялугълай, ххуйсса ххарт1илух ххарт1 бувну, тьяй гайннуя марц1 бан аьркинни.

3. Айдамировлул ишла буллай ур магьирлугърал лич1и-лич1исса ярагъру. «Къалкъи» т1исса повестъраву вирттаврал сипатру цила к1анайн дуртун щаллу дурну дур, гьарца виричу цувагу ур цанма лавхъхъусса мазрай гьалгъа т1ий.

Ппал къамул дувай Гьаруннул сипат ч1алач1и дурну дурр х1укуматран ппал дулун бувк1сса хъами хъяврин буллалини. Пат1ища ппал къаласлай га т1ий ур: «Ил, Пат1ий, дулу цал вай шюгу-шюршуну, къакъангу дурну, ларсун духъхъу. Ина ттун ппалли т1ий яттил хъюртал къюмайртту дахлан ччай дураввар. Мисидуй «рах1му бувну», ганилми къамул дан ччан бивк1унни: «Инагу Мисидуй, вай ххуйну къакъан дурну дакъар, за бакъар, ац1ва процент атилшиврун букканну». Салих1атрив лапва начливун бувтунни: «Вагъ Сяллуй, ина къалкъул шану бач1ва бувну бувк1равварч». ¹²

¹² Ах1мадов С.Х., Лакрал литература: Хрестоматия 9-мур классрансса. Мах1ачкъала, 2002, с.191-192.

Вирттаврал хасиятру, гайннал пикри-зикри, асарду ялун личин бан чичу ишла дуллай ур цахьва цала учаврил кьяйда. Виричу ур пикри лаласлай, ттислай кьукьлай, чичугу ур гай пикрирдал кьимат бишлай, цаламур пикри буккун бувч1ин буллай. Повестърал мазраву чичул ишла бувну бур ч1явусса учалартту, мазрал пасих1шиврул ярагъру.

Жула лакрал ттизаманнул литература т1имур программалул бут1увун буссар бивчуну К.Мазаевлул «Майрайсса марххала», К.Къажлаевал «Арснан буцай душ», М.Щурпаевал «Балаханум» т1исса хаварданул журалий чивчусса произведеняртту. Ялавай бурганну вай призвдениярттайну чичултран учин ччимуних, ми лахьхъаврил кьяйдардах ва дуклаки оьрч1ал я бурган банну чичултрал биографиярттах.

Казбек Мазаевлул «Майрайсса марххала» т1исса хаварданушал дуклаки оьрч1ру к1ул баннин цал ми к1ул банну чичул биографиялушал ва мунал дурмунишал\

Чичу, драматург ва шаэр Казбек Мазаев увссар 1950-ку шинал Ккуллал райондалийсса Къяннал шяраву. Буттал шяраву 5 классгу кьуртал бувну, га лавгссар Буйнакский ниттиуссич1а ялапар хъанан. Буйнакский ганал 1968-кусса шинал кьуртал бувссар дянивсса даражалул школа. 1968-1970-ку шиннардий ва дуклай ивк1ссар Дагъусттаннал университетрал филологиялул факультетрай. Гивусса дуккавугу кьариртун, Казбек Мазаев лавгссар Москвалийн, А.М.Горькийл ц1анийсса Литературный институтраву дуклан. Институт ганал кьуртал бувссар 1975-кусса шинал.

1975-1977-ку шиннардий га зий ивк1ссар Ккуллал дянивсса даражалул школалий учительну. 1977-1984-кусса шиннардий – лакрал «Дусшиву» т1исса альманахрал редакторну. Яла зий ивк1ссар

«Чавалачин» журналданул редакторну. 1981-кусса шинал Казбек Мазаев къамул увссар СССР-данул чичултрал союзравун.

Казбек Мазаев оърч1нийва айивхъуссар назмурду чичлай. Ганал цалчинсса назмурду ва хаварду бувкссар 1964-ку шинал «Ххяхха баргъ» ва «Чаннац1уку» т1исса т1исса лакрал газетирттай. 1975-кусса шинал ганал итабавкъссар «Ххурттама» т1исса повесть, 1979-кусса шинал «Чах1лул щют1уххи» т1исса жуж, 1983-кусса шинал «Хъун неххал ххурхху» т1исса хавардал къюмай.

Казбек Мазаевлул «Ххурттама» хас бувну бур хъхъич1азаманнул оърмулун. Ганивусса ишру хъанай бур ац1ния урч1улчинмур ттуршукулий. «Ххурттамалуву» жула хъхъич1 бац1лай бур Къяннал шяраву ц1а дурксса балайчи Гули. Гули бур хъинну исвагъисса, бювхъусса чурхгу бусса, пагъму лавайсса, лагмаминнащал х1ал бавкъусса, цилва цуппа бурувччусса ятинсса душ. Гулил сипат чичул щаллу дурну дур трагедиялул х1ах1 бищунну: Гули къашавай хъуну, авлия хъанай бур, ахиргу га аьвамсса агъалинал чарттах бивк1лай бур. Пагъму бусса, цила балайлинугу, даврийнугу инсантал ххари байсса душнил оърму рат1ух гъан бувсса заманалийн чичу нааьнарай ур.

«Виратти» т1исса 1977-ку шинал чивчусса Казбек Мазаевлул повестьраву ккаккан бувну бур ттизаманнул шяраваллил оърму. Дагъусттаннал литературалуву къачанни зунттал халкъ арийн бизавриясса, к1а къянатсса аьрщи щамагу къариртун, багъ-бахчарду бан бюхъайсса арандалин куч хъурча хъинахха т1исса мяьналул произведенияртту. Амма К.Мазаевлун шикку ч1алай бур му иширал тамур чулгу. Ганан ччай бакъар барзунттив, зунттавусса мюрш шархъурду дач1ра хъанахъаву.

Му агъамсса пикри гъанулун лавсун чивчуну бур Казбек Мазаевлул «Виратти» т1исса повесть.

К. Мазаевлул чивчуссар пьесардугу. «Удрида-бава» тлісса пьесалуву гуржи къяйдалий ххал бивгъуну бур шархъая халкъ шагърурдайн бизлазаврил масъаларду. «Мусил члімучліали» тлісса драмалувугу бивхъуну бур ас-ламуслал масъалартту; ккаккан бувну бур зунтгаву ялапар хъанахъисса инсантурал захліматсса оърму.

«Гъази-Гъумучиял серенадалуву» буккул хъхъичлі бацілай бур революция хъуннинсса лакрал оърму.

Ванал биографиялушал кліул бувну махъ, бучліссар оърчіру кліул бан «Майрайсса марххала» тлісса хаварданул мурадрашал ва гъанусса мяъналушал. Яла бучліссар пасихліну буккин хавар цанма учительнан ягу буккин бан ххуйну, пасихліну буккайсса оърчілахъ.

Хавар бувккуну, ганил гъанусса мяъналушал кліул хъуну махъ, бучліссар бучліан хавар ххал бигъаврийн. Оърчілашал архліал ххал бигъайссар ци инсантал бурич къари ва къужа, кымат бищайссар гайннал хасиятирттан, личлі бувну буккайссар лагма-ялттуми гайннаяту ци тліий бурич, цілххайссар оърчілахъ цукун дурчілай дурив гайннан чичул цала геройтурахсса ургаву, (ххирану бурич чичун цала геройтал).

Хъинну гъелину чивчуну бур К.Мазаевлул «Май зуруй марххала» тлісса хавар. Ганиву щаллу дурну дур клія цивппалу ливчісса къари-къужал сипатру. Чичул бюхханну щаллу дурну дур гайннал сипатру. Гай бур иминсса, хліал бавкъусса инсантал. Къари диркілукун, къужлул дард муксса хъуннасса дурхха, хліатта ганан хлісав хъанай бакъар май зуруй буллалисса марххала.

Ва хаварданул хъунмасса асар биян буллай бур буклакинан, чанті учин буллай бур миннал дакліниву заэвминнал чулухунмайсса цілими.

Яла бучліссар члун духъурча, оърчілахъ цала мукъурттийну бусан бан хаварданул мурад.

Шаппай булун бучлссар чичин оьрчлахьхьун хавардануву хъанахьимуниясса цала пикри чичин, чичул оьрмулуя ва дурмуниясса материал лякьин мунан хас дурсса справочный литературалуву, Интернетраву.

Утти клул банну оьрчлру Курзи Кажлаевал чивчусса «Арснан буцай душ» тлссса хаварданушал. Хаварданушал лахьланнин клул хьунну чичул оьрмулул ххуллушал ва мунил дурмунишал.

Чичу ва фольклорист Курзи Кажлаева бувссар 1924-ку шинал мусил усттар Мяммал кулпатраву. 1943-кусса шинал ганил кьуртал бувссар Гьумуксса педучилище. Учительшиву дурссар Уриннал ва Гьумучиял школарттай. Зий бивклссар Буйнакскаллал интернатраву воспитательнищану.

1950-ку шинал, кьуртал бувну, Дагьусттаннал учительский институтрал литературный факультетгу, бувхссар Дагьусттаннал учебно-педагогический издательстволувун редакторну зун. Муния махь ганил кьуртал бувссар Дагьусттаннал университетрал филологический факультет ва Москвауллал полиграфический институтравусса шанна шинал буккайсса редакторнал курсру.

1997-кусса шинал Курзи Кажлаева кьамул бувссар Аьрастнал чичултрал союзравун.

Члйрусса шиннардий зий, ганил бавтлуссар лакрал учалартту ва лулякьурду. Гай бившуссар 1975-ку шинал. Члйвусса ххигу бувну, гава лу «Лакрал халкьуннал учалартту, саннардуду, ссигьри» тлссса цланищал итабавкьссар 1991-ку шиналгу. 1993-ку шинал га лу, Муса Рамазаннул турк мазрайн таржума бувну, итабавкьссар Турциянаву. 2000-ку шинал ганил итабавкьссар «Мархралли мурхьру бугьайсса» ва «Лакрал халкьуннал учалартту ва лулякьурду» тлссса лакрал фольклорданул жужру.

Курзи Кажлаевал хаварду печатьрай буклан бивк1ссар 1957-ку шинал. Ганил «Т1айлабусай т1ант1ри» т1исса, хьхьич1ва-хьхьич1сса хавардал лу бувкссар1964-ку шинал. Тания махь бувкссар «Барзултрал кюртти байний», «Цуякьай ттул ппу?», «Арсурварал тавхана», «Баргьгу, Бидавгу, нагу» т1исса оьрч1ансса жужру. Махьмур жуж бувкссар оьрус мазрай Москавлив. Ванил «Ххуйсса ц1а дур Жаннат» т1исса лу оьрус мазрай бувкссар Москавлив ва Мах1ачкьалалив.

Чичул биографиялия бувсуну махь, оьрч1ахь бусайссар «Арснан буцай душ» т1исса хавардануву гьаз буллалисса масьаларттая гиву ххал диргьусса шагьрулул ва шяраваллил арардая. Хавардануву ккаккан бувну бур Минаятлул ва Жариятлул куннач1ан ку ххуллу цукун ласлай бузив.

Жариятлул арснал шагьрулий льякьуну бур буцай душ. Нину дур га ташу ссайн буккайвав т1ий, шагьрулий вардишсса душ шяраву цукун бик1айвав т1ий, паракьат дакьа, га к1ул бан ччай.

Душнил аькьлу бусса жавабирттал, цихава бувсса х1урматрал, Жарият дассан дуллай дур. Чурххалгу ч1ивисса, симангу ц1ансса бухьурчагу, ниттин дак1 даркьунни душ лазилавкьусса, ич1урасса даву дан к1улсса бушиврий. Жариятлун бувч1унни Минаятлун цила арсгу ххирашиву, ганал ниттингу, маччаминнангу кумаг бангу махьунмай кьахьунт1ишиву.

Хаварданул мурадращал к1улхьуну махь, буч1иссар ххал бигьин дуклаки оьрч1ашал чичу цукун буруглай бузив цила геройтурах.

Бувккумур, бувч1умур жям бан буч1иссар суаллал кумаграйну.

Цач1у дирхьуну, ххал дигьин буч1иссар ц1анасса душварал ва Минаятлул сипатру.

Шаппай булайссар хаварданул мурад бусан лахьхьин, суаллансса жавабру луттирал маз ишла бувну дулун, оьрч1ал цала бусласимур мисаллайну тасттикь буван лахьхьин.

Хьирив оьрч1ал лахьхьин ккаккан бувсса произведение бур Миясат Щурпаевал чивчусса «Балаханум».

Ва произведение лахьлахьисса дарсирайн ларсун буч1арча ххуйну хьунт1иссар чичул портрет, буч1иссар дан ванил луттирдал выставка, духьурча ишла дан ванин хас дурсса интернет ресурсу.

Цалчин к1ул банну оьрч1ру чичул оьрмулушал ва дурмунишал.

Чичу, шаэр, педагог ва журналист Миясат Щурпаева бувссар Гьумук Нажмуттин Щурпаевлул кулпатраву. 1956-ку шинал Гьумучиял дянивсса даражалул школагу кьуртал бувну, га бувхссар Дагьусттаннал пединститутравун (уттисса Дагьусттаннал х1укуматрал университетравун). 1962-ку шинал филологиялул факультетгу кьуртал бувну, Миясат Щурпаева зун бивк1ссар учительницану Буйнакскаллал райондалий, Мах1ачкьалалий. Махьсса шиннардий га зий бур «Илчи» ва «Дагестанская правда» газетирттал корреспондентну.

Назмурду чичлай байбивхьуссар школалий бунува. Ганил цалчинсса назму риршуну дур 8 классраву дуклакисса ч1умал «Ххяхха баргь» газетрай. Гания махь – «Дусшиву» альманахрай, «Литературалул Дагьусттан» («Ц1убарз») журналданий. Миясат Щурпаевал итабавкьун бур «Талих1рал кьарал» (1983) ва «Азурдасса дак1»(1987) т1исса назмурдал жужру. 1998-ку шинал Миясат Щурпаева кьамул бувссар Аьрасатнал чичултрал союзравун. Ганин «Заслуженный работник культуры Республики Дагестан» т1исса ц1агу дуллуну дур.

Миясат Щурпаевал агьаммур давуну хьанай дур хьусса иширттан, мьйжаннугу ялапар хьанай бивк1сса, ягу ц1анакулгу

ялапар хъанакъисса инсантуран хас бувсса хаварду чичаву. Ганил лакку мазрай итабавкъссар «Буттахъал ккурчла», «Хаварду ва бусалартту», «Нуклузаманнул хаварду» тисса луттирду. Оьрус мазрай бувкссар «Легенды и были Кази-Кумуха»(1993) Тисса хавардал лу.

Ганил хаварду хас бувну бур лакрал революционертуран, тарихраву ливчисса Цалчинма Сурхай-ханнан, щайх Жамалуттиннун, Гъумучиял Патиматлун, Бархъаллал Маллайн ва Ттурчлиял Маммадайн, ци бунугу ца ишираву чувшиву дурсса инсантуран. Гайнная чичухъ бувсун бур за клулнал. Чичул цилагу, хларачат бувну, архивирттаву, хъхъичлазаманнул луттирдаву чивчумур цлунилгу аьлтту бувну, ххи-чан бувну, чивчуну бур хаварду.

«Миясатлул хаварду – ми тарихийсса давуртту дакъар, гивусса фактру ча лавсърарив бувсунугу бакъар, так информантнал цла учирча бакъасса. Гайннул дахханашиву дур даклинх бусайсса хавардал куннасса. Хавар бусайналгу цахва вичидирхъуми буцайссар цанма ччинийх: ци бунугу буслай айишавай, ца зат даклинн багъну, гания буслай ачавай, ялагу цала гъанумур ххуллийн учлавай. Мукума бур Миясатгу. Ганища бюхълай бур, букку вих хъунну, амма ваца магъа кунма хлаз бизанну буслан цила хавар. Ганил хаварду бакъар мьайжаннугу тарихийсса хаварду, бакъар гай магъригу. Гай бур элмулул ва фольклорданул дянив. Муниву дур гайннул дахханашиву ва ххуйшиву».¹³

Чичул биографиялушал оьрчлру клул бувну махъ, бусайссар «Балаханум» тисса хавардануву бувсун бушиву хъхъичлазаманнай мьайжаннугу хъусса хъусса иширая. Ва хавардануву чичу буслай бушиву цинма хъинну ххуйну клулну бивкисса иширая кунма, букку вих хъунну. Га бур чичлай: «Балахалун бивкиссар Гъаруннул чланма-

¹³ Ахлмадов С.Х. Лакрал литературалул тарих. Махлчкъала, 2006, с.253.

ч1ивимур душ, хъинну бак1ралгу ххуйсса, аькълулугу бувччусса, га ч1умал Гъумук бур кусса ябац1ансса душ».¹⁴

Щар хъувкун, Балаханум ялунгу исвагъи хъанай бур: «..Ххаллилсса янна-усгу ларххун, паччах1нал душ кунма бавц1уну»¹⁵ ч1алай бур га ччаву хъусса жагъилнан.

Балаханум щар хъанай бур ччаву хъуну Жяъпарах. Амма халкъуннал дянив ласнал цила «сиппатравух ца ц1арал хъат» рирщуну цуппа кьюкьин бувкун, Балаханум лич1ий хъанай бур ласнаяту. Мукусса кьянкъашву дурну дур лакку душнил та заманнайгума.

Ва произведениялул мурад кут1ану бувсун махъ, буч1иссар ванил бут1ри пасих1ну букваврин. Буккаву дан буч1иссар учительнан цанна ягу дан ан ччянива х1адур увсса оьрч1ахъ.

Произведение бувккуну, лавхъхъуну махъ, буч1айссар га ххал бигъаврийн. Цал пикри бувну, ххал байссар ци ч1умал, ци шиннардий чивчусса бурив ва хавар яла оьрч1ащал ххал бигъайссар ишру чув хъанай бурив. Яла оьрч1ал я бурган байссар хавардануву ч1алач1и дурсса лакрал оьрму бутаврил суратиртта, гиву ч1алач1и дурсса хъат1ул, душ лихъан бувкун, маслих1ат баврил аьдатиртта, зана-къалашиндарах, я бурган байссар мукусма хаварданувусса мазрал пасих1шиврул ярагъунних. Мунир махъ буч1иссар буч1ан гиву гьуртту хъанакъиминнал хасиятирттан кьимат бищаврин. Буч1иссар ххал дигъин Балахалуннул, ганил буттал, Жах1парал, Аймисайл, Сулайманнул сипатру.

Оьрч1ан к1ул хъумур буч1иссар суаллал кумаграйну ххал бигъин.

¹⁴ Ах1мадов С.Х., Къажлаева К.М. Лакрал литература. Мах1ачкъала, с.213.

¹⁵ Ах1мадов С.Х., Къажлаева К.М. Лакрал литература. Мах1ачкъала, с.216.

Шардай бучлссар дулун: «Балахалуннул хасиятраву ттун ххуй бивзмур ва ххуй къабивзми клантурду» тлссса даву классраву чичин хладур хьун.

Ва дарсирай оьрчлру хьхьичлва-хьхьичл клул хьунтлссар лакрал чичу, шаэр Руслан Башаевлушал.

Учительнан дарсирайн ласун бучлссар шаэрнал сурат, портрет, ванал чивчуну итабавкъсса луттирду, духьурча канилу электронный носительллайсса записьру.

Вай дарсирдал гьанусса мурадну хьанакъиссар оьрчлру клул баву Руслан Башаевлул оьрмулушал, дурмунишал ва ванал «Зунттайсса хьхьу» тлссса хаварданул кумаграйну оьрчлан кумаг бан бувчлн, хьирив лаян, клул дан хлайвантран, жанавартран хасьсса хасиятру.

Ялавай ххал бигьинну Руслан Башаевлул чивчусса «Зунттайсса хьхьу» тлссса, оьрчлан жанавартрал, хлайвантрал хасиятирттая клумур гьарта буллалисса хавар. Хаварданин бучланнин, цал оьрчлру клул банну Руслан Башаевлул оьмулушал ва дурмунишал.

Шаэр, чичу ва журналист Руслан Башаев увссар 1953-кусса шинал Карашиял шяраву Махлammaдал кулпатраву. 1978-ку шинал ганал къуртал бувссар Дагьусттаннал педагогический институт (уттисса педуниверситет), зий ивклссар Цлуссакуллал дянивсса даражалул школалий учительну, «Члавалачин» журналданул литсотрудникну, яла редакторну. «Илчи» газет буклан бивклукун, гиккугу редакторнал заместительну.

1983-кусса шинал Руслан Башаевлул итабавкъуссар «Бургьил оьрчл» тлссса назмурдал жуж. Гания мукьах бивщуссар цаймигу луттирду: «Кьинирдал гьухьала» (1987), «Илхьичинал арс», «Чирунна тлутлив» (1993). Га чичлай ур назмурду, очеркру, хаварду, повестьру. 2000-ку шинал ганан дуллуссар «Заслужекнный

работник культуры республики Дагестан» тлісса хІурматрал ціа. 2001-ку шинал «Илчи» газетрал редакциялул ганан дуллуссар Гьарун Саэдовлул ціанийсса премия.

Руслан Башаевлул «Шин дайдохулий чивчусса шеърирдаву» бур тти заманалуцІун бавкъусса пикри. Ганан чІалай бур дунияллий замгьар буну, амма вихну ур, кІинтнил хьирив интгу дучІантІишиврий. Шаэр тІий ур:

Ва дуниялгу – ятин,

Жура гьели къадарча.

«Шаэрнан учин ччай ур: жула хІарачатрайнур дуниял гьели шайсса, жуйва буржри ганиха аякъа дан. Буттал билаятраха аякъа дуллай, шаэрнал чивчуну бур 99 сонет, гьарца лакку шяраваллин хас бувну. Гайннуву Руслан Башаевлул аьлтту буллай ур цанма буттал билаят ххирашиву, цанма Лакку билаят кІулшиву. Га ишла дуллай ур поэзиялуву захІматсса ингилис сонетрал къяйда»¹⁶

Шаэрнал биографиялушал оьрчІру кІул бувну махь, бучІайссар мунал «Зунттайсса хьхьу» тлісса хавар лахьхьаврийн.

Бусайссар оьрчІахь, хьинну усттарну чивчусса «Зунттайсса хьхьу» тлісса хавардануву Руслан Башаевлул аьч бувну бушиву жанаварданул «психологиялувун» уххан бюхьайсса цала пагьму. Хьунмав хьусса барцІ бур зунттаву хьхьувай авлий най. Ххал барча, бурцІурдилгу дикІайсса дур цилла дардру, къайгьу-захІматшивуртту. Мюрщисса оьрчІачІан бачІва къабучІан, бурцІин хьинну хьунмасса жапа хьанай бур. Хавардануву усттарну ккаккан бувну бур бурцІия мугьаят хьанахьисса ЛухІи айгьургу, илхьичинал личІлулсса ккаччивгу. Га хьхьунусса ишру чичул ккаккан бувну бур, ваца цува чІарав ивкІсса кунма.

¹⁶ АхІмадов С.Х. Лакрал литературалул тарих. МахІачкъала, 2006, с.265.

Оърч1ру хаварданул мурадрашал к1ул бувну махъ, буч1иссар пасих1ну, вич1и дирхъунан дюхханну текст дуккин цанна учительнан ягу га букваву дан ан хъхъич1ава х1адур увсса оърч1ахъ.

Хавар бувккуну махъ, буч1айссар ганил анализрайн. Оърч1ал я бурган байссар чичул га хъхъуну, ишру хъанахъисса к1ану ч1алач1и бувсса куццух. Масала, «Зунттул ухссавнил чулук ххялт1ану ва лагъну ххявхсса жагъилсса мурхъал мурхъирдавух ца-ца багъну марк1ач1аннайсса дюхлуйх ххуйну канай бия дучри. Зунттул бак1рай, гьалххану ч1укъасса урттун ххярхсса ххяллул лув, ялун духсса ккупайкагу дуртун, к1унк1ур шараннин ц1арах цувалу щяивк1ун ия оърмулул угъарасса илхъичи»¹⁷. Ягу, «Архсса зунттал миц1авун щусса ят1улсса туранну дакъа, Баргъ цуппа ххал хъун бувая. Анжагъ, вивх ц1аран лавхъун нанисса кунна, зунттул хъач1ниха ч1алач1исса ч1ирисса х1аллил балжину буслай бия баргъ цумур хъач1нил ялун гъаз хъунт1иссарив. Къуннусса ттуруллая марц1 дурккун, царагу ттуруллул къурхъ лирч1ун дакъая чаннану няк1сса ссавнил илкинсса аьнттуву».¹⁸ Вай пейзажирттал суратирттал кумаг буллай бур бувч1ин хаварданиву ишру цукунсса к1анай хъанай буссарив, хаварданувусса х1ухчин цуксса зах1мат хъанай дуссарив цала даву шаллу дан, чатуч1ав кумаг-загу бакъа ганал дичлачисса зах1матсса хъхъурду, гамур чулухагу, ганал цуксса зах1мат буллай уссарив цала х1алалесса ччат1 ляхъин, цуч1ав хъяврин къаувну, чатуч1ав цич1ав дакъарцуну, т1айлану.

Буч1иссар мукунма бурган илхъичинал сипат цукун шаллу дурну дурив, ганал оърму шалвава бигъасса бакъашиву ганал лажиндаралва ч1алач1и буллай душиву: «Ганал укуннагу ят1ул-к1ирисса лажин ц1арал к1алайрдал чаннай хъиннура ят1уххан дурну

¹⁷ Ах1мадов С.Х., Къажлаева К.М. Лакрал литература: Хрестоматия 9-мур классрансса. Мах1ачкъала, 2002, с.234.

¹⁸ Ах1мадов С.Х., Къажлаева К.М. Лакрал литература: Хрестоматия 9-мур классрансса. Мах1ачкъала, 2002, с.237.

дия. Чан-чанну тлий, зунттал зума-къирагърая дайдирхъуну, ябахлай нанисса цланнал ганаву хлуцл тлисса зат загъирвагу буллай бакъая. Ца-цасса дирчухъунссия къужлул гукунсса хъхъурду».¹⁹ Бурганну илхъичи цала дуллалисса даву цукун щаллу дуллай урив: «Илхъичинал бия цува заллусса ххюцла-ряхцлалва яттил хлайван, дирттуну уртту дихълахъисса кунма хъуннасса аякъалий ябуллалисса. Къуш бившусса ххяллуцл яттугу паракъат бувну, цувама гъарца хъхъуну уттуишайва тливтлумур чулук»²⁰

Утти ххал дигъинну бурцлин хасми хасиятру (повадки). Лякъинну текстраву оърчлащал гай кланттурду: «Хлалли-хлаллих гъан хъанай, личллулну ххяллул ялун бувксса бурцлин, клия бурувгукун, илхъичи, ятту, кккаччив – цума чув уссарив члалай бия, гай чларав бусса кунма. Цавагу ккаччин барцл хавар къавхъуна, цанбакъарча, марч бия бившуну ганил чулинмай. Ключоцлану гъалххасса ттуруллавах гъузуй нанисса зурул чаннай исватну члалай дияттигъанну шанавун лавгсса илхъичинал дугърину паракъатсса симан. Члаххува-чларав вай зунттал вайварттаву ялапар хъанай бунугу, хъхъичлра-хъхъичл ххал хъанай дия бурцлин илхъичинал лажин гаксса гъанну. Цукунчлав бувчлин бюхълай бакъая бурцлища, циван бутлатиссарив цивунма лухлисса ццах гаксса паракъатсса лажиндарал. Хлисав дурну бурувгукун бугъан чансса бухъурчагу хлалуну бия ца жагъилсса цлуку, яттил ялун гъаз хъусса ххяллуй цуппалу утту бивхъусса. Ххярка тлий най, барцл гъан хъуна цлукучлан. Ца ссан лахлан дурну, цагу хъхъичлуннай тлиртлуну, нахлуну ккухланигу дуллай утту бивхъусса цлуку, цланнай лухлину члалай бунугу, цуппамур бия яргну мишакрал рангсса. Ххишалдаран неттабаклрай клиласса ххяппагу дия.

¹⁹ Ахлмадов С.Х., Къажлаева К.М. Лакрал литература: Хрестоматия 9-мур классрансса. Махлачкъала, 2002, с. 234.

²⁰ Ахлмадов С.Х., Къажлаева К.М. Лакрал литература: Хрестоматия 9-мур классрансса. Махлачкъала, 2002, с.235.

Ххуйну ххит учиншиврул, махъми ччанну дизан къулайсса кланугу ххал бувну, бувагу клива тланкл увкуна бурцлил цлукучлан. Найбуна, ххютлліха бугъусса хлайван, палцл бувну, бувтуна бурцлил цила бурхлайн, яла, батлун цивува бу-бакъасса гужгу, ххявххуна тик бивклсса мачлух лавай. Бювчлусса цлуку ччех биклай, бурхлай бацлан бан ххинну жапану бия, амма жиндрал хъусса жанаварданул га цукунчлав итххяххан къабивтуна»²¹

Хавар ххал бивгъуну махъ, оърчлан лавхъхъумур, клулхъумур ххал бигъайссар суаллал кумаграйну.

Бучлссар оърчлащал архлал ва хаварданул план дан. Шаппай булайссар хавар пасихлну буккин ва бувккмунил мурад луттирал маз ишла бувну бусан булун. Хъиривмур дарсирай бучлссар кла сакин дурну дирклсса пландалийн бувну хавар чичин.

Хъиривсса дарс, ягу дарсирал бутла бучлссар ишла бан оърчлан литературалул произведениялуву пейзажрал бугъайсса кланттуя клулмур гьарта баврин. Оърчлан пейзажрал произведениялуву бугъайсса кланттуя дурчлала дуссар: ялавайми классирттаву клул хъуссар, ва классравугу мунил агъамшиву ххал дигълай бивклссар. Цлана бучлссар муния клулмур жям бан.

Бусайссар оърчлахъ произведениялуву пейзажрал хъунмасса клану бугъайшиву. Ганийну буккун члалан биклайшиву ишру хъанахъисса клану цукунсса буссарив. Чявуну пейзажрал суратру виричунал пикрилушал, ганал асардащал дархлуну диклайшиву, гайннул кумаг байшиву произведениялул гъанусса мяъна дурчлин.

Дахъва оърчлащал лавхъхъусса «Зунттайсса хъхъу» тлісса хавардануву пейзажрал бугълагъисса клану жува ххал бивгъуссия, бучлссар хъхъичлава лавхъхъуну бивклми произведениярдавугу

²¹ АхІмадов С.Х.,Къажлаева К.М. Лакрал литература: Хрестоматия 9-мур классрансса. МахІачкъала, 2002,с. 236.

пейзажрал бугълай бивкѣсса кланттурду ххал бигъин. Лякъинну оърчѣшчал мукунсса кланттурду «Личѣийшаву» тѣисса романдалуву: «Аѣйшат, мурчал клутѣу тѣисса гъухъул ухчѣингу бувгъуну, зунттул бакѣрай бавцѣуну бия. Яругу мюрш бикѣлан бувну, га буруглай бия банавшалул рангирайн лавгсса архсса барзунтта. Ттуруллаяргу лахъну, лагмава вирттал кунма бавцѣусса хъунисса зунттурду бия. Июнь зурул ссав муксса ххуйсса дияхха, Аѣйшатлуца бацѣлан къавхъуну, цила дуснайн оьвтѣун бивкѣлуна.»²² Чѣлалачѣисса куццуй, ва лагмарасса чѣлалачѣиндарал вирттавлрал ххуйсса макъу, оьрмулуясса ххаришиву мѣйжан дуллай дур.

Бурганну гихунмай: «Цѣансса ноябрь зурул хъхъу. Лачѣлай дур мюрш гъарал. Хъхъири гъалак бувккун бур. Хъунисса цѣусса щатѣив, зуманивсса чарттайх бишлай , мюрщисса клунтѣру хъуну, ппив хъанай бур. Аьрщи гъургу тѣий дур.

Хъхъирил зуманийх хѣлаллих шаттирду ласлай хъамитайпа най бия. Ца-ца чѣлумал га бацѣайва, ялагу бачлай сукку шайва. Ганил канихъ аьтѣисса оьрчѣ бия. Лагмавацца ххурххулуха оьрчѣлал чѣу баллайвагу бакъая. Зия хъуну, зуманив экъилирчуну къариртсса лодкалучѣлан бивукун, хъамитайпа щѣбивкѣлуна. Яла циятура лачак лирккун, оьрчѣ кай-кай увна. Бивзун ялагу бавчуна. Ганил ччанну куннихун ку бахчилай бия, бишлашисса бѣвкъусса мурчал клѣиз чурчив хъуну, ччанаккан буллай бия, итта, лажиндаравух къун бишлай бия».²³ Ва пейзажрал чѣлалачѣи дуллай дур пашмансса макъу, ганин цила хъхъичѣумайсса оьрмулуву чани чѣлалай бакъар, даклѣнил хѣлал ххуйсса бакъар. Чѣун наниссаксса Аѣйшатлул оьрму ххуй чулий баххана хъанай бур, ххуйсса чѣларав бацѣлацѣиминнал кумаграйну га оьрмулуву цинмасса клану бугъайсса даражалийн биявай бур, му

²² Ахѣмадов С.Х., Къажлаева К.М. Лакрал литература: Хрестоматия 9-мур классрансса. Махѣачкъала, 2002, с.58.

²³ Ахѣмадов С.Х., Къажлаева К.М. Лакрал литература: Хрестоматия 9-мур классрансса. Махѣачкъала, 2002, с. 69.

дахханашиннагу чичуца пейзажрал кумаграйну члалачли дан бювхъуну бур: «Инт дурклуна! Баргъ клири буллай бавчуна, члелмулт члев-члев тлун бивклуна, кучардай тлурклу тлутлисса оърчлал члурду лехлан бивклуна. Уртту гъаз хъуну дарчуна, мурхъру щюлли лахлан бивклуна. Хъхъирил щатлив, ваца клинттул марххалттал марцл дурсса кунна, чаннасса ссавнил туранну дагълай, гай някл талай члалай бия.»²⁴

Чичул Аьйшатлул оьрмулуну хъанахъисса цинярдагу дахханашиннарду ккаккан дурну дур пейзажрал кумаграйну: «Аьйшат баргъбуккавал чулухунмай бурувгуна. Члирисса ттуруллул касак, бувккун нанисса бургъихун дахкъачин, лирхъун нанисса хханссия.

Баргъ бувккуна. Хъунмасса ва ятлулсса шар горизонтрал ялун гъаз хъанай бавчуна. Гания нанисса пляй-пляй тлисса чаннал къяртри бюхттул къатрал члавахъултийн дагъуна, щюллисса мурхъирдал члаплай тлурклу тлун дирклуна, ххуйсса ва ххарисса Аьйшатлул симандалий дарцлуна.»²⁵

Ва суратрал члалачли буллай бур ганил оьрму ххуй чулий баххана хъушиву.

Вана укун дуллалисса лагма-ялттумунил хъириб бацлавурттал кумаг байссар произведениялул гъанусса мяъна дурчлин ва гьуртту хъанахъиминнал хасиятрал ва миннал оьрмулуну хъанахъимунил хъириб лаян. Бюхълай бухъурча вай укунсса ххал бигъавуртту дан бучлиссар гьарцагу произведение лахълахъини.

²⁴ Ахлмадов С.Х., Къажлаева К.М. Лакрал литература: Хрестоматия 9-мур классрансса. Махлачкъала, 2002, с.74-75.

²⁵ Ахлмадов С.Х., Къажлаева К.М. Лакрал литература: Хрестоматия 9-мур классрансса, Махлачкъала, 2002, с.85.

VI. Назмулий чивчусса произведенияртту лахъхъаву.

Урчлулчинмур классрал хрестоматиялувун бухлай бур мадарасса лакрал ва дагъусттаннал шаэртурал дяъви къуртал хьуну махъсса шиннардий назмулий чивчусса произведенияртту. Мий назмурдаву ккаккан дурну дур дяъви къуртал хьуну махъсса члун, му ккаккан бавривагу клул хъанай бур чичул мурад ци бивклссарив, му ссал ялув чялиш хъанай ивклссарив ва ци тлалав дуллай ивклссарив.

Клулсса куццуй, оьрмулун лархъхъуну литературагу хъхъичлуннай хъанай диклай. Дяъви къуртал хьуну махъсса литературалулгу хьунмасса хларачат бувссар агъалинавун захлматрахсса шавкъ рутан, дунияллий дакъаву цлакь дан.

Чичулт мюрш бивклун ххал дигълай бивклссар та члумал оьрмулуну хъанакъисса дахханашивуртту, гайгу ишла дуллай бивклссар цала творчестволуну.

Литература дархлуну дур инсантурал бутлатисса оьрмулушал, миннал багъу-бизулушал, дуллалимунишал ва пикрирдашал. Му дур халкъуннал рухлийсса культура, мунил тарих. Литература цлусса ххуллийн дагълагъисса члумал халкъуннал оьрмулуну диялсса дахханашиннардуну хьуну диклайссар.

Дагъусттаннал литературалувугу хьусса дахханашиннардуну гъануми дархлуну дур Буттал кланттул цланийсса дяъвилушал.

Дяъви къуртал хьуну махъгу лакрал шаэртал цала назмурду хас дуллай бур немец-фашистътурашалсса талатаврин. Гай санаьру дуллай бур захлматсса дяъвилий ларсъсса ххувшавриха, мунийну гай шавкъ рутлай бур ххувшаву ларсъсса халкъуннал даклурдивун.

Та члумал члярussa назмурду хас дурну дирклссар дакъаврингу. Гай назмурдаву Американал цачлун хьу штатру дащуй бихьлай, ганийн нааьна дуллай бивклссар.

Поэзиялуву хьунмасса клану бугьлай бивклссар захлматрал суратиртталгу. Захлматкашнал дуллалисса давурттай мяш хъанай ивклссар Абутлалиб Гъапуров. Мукунсса бур ганал «Избербаш» ва «Ккул» тлссса шеъррду. «Избербаш» тлссса назмулуву шаэр ккаккан буллай ур «кавс бакъа къундалув клялавххун бивклсса», «хьхьичл щинчлав къаклулсса» кланттай навтлил мяьдан тливтлуну, шагьру бувну, оьрму щаращи баву, «Ккул» тлссса назмулуву шаэр щаллу дуллай ур цлу ларгсса шярваллил сурат. Ккуллал шярвалу га лашан дуллай ур шагьрулуха, заводраха. Захлматран хас бувсса произведенияну хъанай бур А.Хлусайнаевлул «Ххуллул усттар Аьзизай» тлссса назмугу. Га хас дурну дур ххуллул усттарнан. Шаэрнан ххуллу члалай бур, га захлматчинал цанна тлий, цала каних дацлан дурсса гьайкал кунна.

Поэзиялуву дур тлабиаьтрахасса, ччаврихасса Мирза Махламмадовлул, Абачара Хлусайнаевлул, Бадави Рамазановлул назмурдугу.

60-ку шиннардий ва муния мукъахгу лакрал поэзиялуха зий бивклссар мадарасса шаэртал. Миннавух бивклссар бугьарамигу (Ибрагьимхалил Кьурбанаьлиев, Абутлалиб Гъапуров, Минкаил Аьлиев), дянивсса оьрмулул шаэрталгу (Юсуп Хаппалаев, Абакар Мудунов, Мирза Махламмадов, Абачара Хлусайнаев, Бадави Рамазанов, Салимат Кьурбанова, Аьбдул Мирзаев, Аьли Айдаев), та члумал жагьилсса шаэрталгу (Сугьури Увайсов, Махламмадзагьид Аминов, Адам Адамов, Мирза Давыдов, Миясат Щурпаева, Алекси Аьбдуллаев, Цигьил Камалов ва мукунма цаймигу).

«Тай шиннардий шаэртал аьчухну, цала дак1нива нанисса куццуй, цала ц1анияту буккултращал ихтилат буллай бур. Гайннал произведениярдавусса пикрирду, шугълурду, учинмур ва бусанмур хьхьич1ванияр асардал гъели бувну, буккултран бюхханну щаллу бувну бур»²⁶

«Цайми миллатирттал поэзия кунма, лакрал поэзиягу бур дунияллул тагъар ххалдигълай поэзиялуву шаэртурал загъир дурсса дуниялгу дур гъалакнуну щарай, даххана хъанай. Шаэртал бур оьрмулувусса хъинмунил ва оьмунил дазу ришлай, ххуймур ва оьккимур курт1ну ххал бигълай, х1акъмур ва щялумур кунниятуну ку лич1и буллай, ас-ламусрал масалартту гъаз буллай, миллатрал хасиятрал ва тарихрал хъирив лаянмур буллай, тарихраву ливч1сса ххуймур халкъуннан бусрав буллай. Гай бур ппухълуннал дурсса хъунисса, хъамаритан къашайсса давурттан, Хъунмасса Буттал к1анттул ц1анийсса дяъвилулу дурсса виричушивурттан, ганил хъиривсса зах1матсса, ккашилсса ч1умал бувсса ях1лин къимат бишлай.»²⁷

Та ч1умалсса поэзиялул темарду дур лич1и-лич1исса: буттал к1анттухсса ччаву, халкъуннал дянивсса дусшиву, эшкъи-ччаву, ттуршамасса зах1мат, тарих ва м.ц.

Буттал билаятран хас дурсса назмурдаву усттарну щаллу дурну дурр т1абиаьтрал суратру. Масала, «Зунттаву гъарал» т1исса Ю.Хаппалаевлул назмулулу щаллу дурну дур буккул бигъану хьхьич1 дац1ан дансса сурат. Шаэр айихълай ур архния: ссавруннайн гъаз хъусса «зунттал ссиртлил жинжила» ганал лашан дурну дур «няк1 сунттул карщуйх дирхъусса накъич- х1ашиялуха», оьру ттурлу – «дарардайн леххаву рутан нанисса чапарнаха»

²⁶ Ах1мадов С.Х. Лакрал литературалул тарих. Мах1ачкъала, 2006, с.104.

²⁷ Ах1мадов С.Х. Лакрал литературалул тарих. Мах1ачкъала, 2006, с. 106.

Назмудулуву шаэрнал ккаккан буну бур гьарал лачуннин хьхьич1 нигьачий дирк1сса куннасса тлабиатрал х1лал . Яргну ккаккан дурну дур цурда гьаралгу:

Най дур гьарал!

Гьарал шяравун дурххунни,

Дач1у ришлай магъай кьатрал,

Бяшк1антту аьт1и бунни.

Назмудулуву ишла дурну дур олицетворение: гьарал дурр рух1 дусса затраха лашан дурну. Га дур шяравун «духлай», кьатрал магъай «дач1у ришлай», «бяшк1антту аьт1и буллай». Бяшк1анттугу бур сагъсса инсаннаха лавхьхьуну «аьт1ий».

Укунсса ассоциациярдал назму хьиннура ч1юлу дуллай, ярг дуллай дур. Назму кьуртал хьанай дур кьурдарав ссурулкуртта битаврийну, дунял цийна цурда зана дирк1ун, паракьат шаврийну. Амма уттисса ганил паракьатшиву хьхьич1ара кунна нигьач1исса дакьар. Га дур х1уч1 бакъасса, иминсса.

«Дякьил ц1уртти» т1исса назмудулуву Ю. Хаппалаевлул шарщун дур к1интнил сурат:

Ч1явушиву ц1урттал!

Ссавний – цавагу,

Циняв вил ччанналу

Дякьил ц1араву.

Назмудулуву буккул хьхьич1 дац1лай дурр к1инттул ц1уну бувсса марххалттанил виргъан руртсса дунял, дарщусса ссав, дякьил замгьар. Сурат ярг дан кумаг буллай бур «дякьил ц1араву» т1исса к1ира куннин ку кьаршисса тагьар ккаккан дуллалисса метафоралул.

Гьарца шаэрнан буттал улча ч1алай бур лич1и-лич1ину, гайннан лакку к1ану ххирар цала зумуну. Нураттин Юсуповлул

«Лаккуй» тлісса назмулуну зунттал кланттул суратру зунттал халкъуннал хасиятрашал дархлуну дур. Шаэр ур муклуну зунттурдугу, зунттавусса оьрмугу къаккавккун, зунттал агъалинал хасиятру, гайннал дянивсса дусшиву дурчлин къашайшиврий.

Буттал билаятгу къабивтун, шагърулийн бивзсса шаэртал бур цайвагу, къабивтсса улклуйгу аьтлий. Сугъури Увайсов ур цува зунттал шяравалу къариртун, шагърулийн нанисса члумал зунттал билаятрая цанмасса бутла (къурату члали, ария тлутли, щаращуя щин, бургъия тлиму) ласав тлий.

Лакрал шаэртураву бахханасса пикрирду аьч буллай ур цала назмурдаву Хласан Клурухов. Ганал назмурдавусса буттал улклул суратру дур пашмансса, дакл тирх къаучинсса.

Шаэртал паракъатну битлай бакъар инсантурацла бачла хъанакъисса буттал кланттул, эяллайн клура дарсса лакрал шархъал. Цигъил Камаловлул «Лаккуй интнил гъарал» тлісса назмулуну члалачли дурну дур Лаккуйсса заллукъруннал къабивтсса къатрал пашмансса сурат. Вара тема гъаз дуллай бур члявусса цайми шаэрталгу.

Буттал кланттул темалуцлун дархлуну дур глабият дуруччаврил (экологиялул) темагу. Му темалун хас бувсса бур М-З. Аминовлул, Цл.Камаловлул ва цаймигу шаэртурал назмурду.

Вай укунсса темардан хас бувсса назмурдаясса члярумий лахъхъин багълай бур урчлулчинмур классравугу. Шаэртурал цала назмурдаву члалачли буллалисса асардал ва сипатирттал кумаг байссар оьрчлаву ххуйсса асарду чантл учаврин, миннаву инсантурал ххуйми хасиятру щаллу шаврин ва миннан оьрму лахъхъаврин. Назмулул журалий чивчусса произведениялул кумаграйну учительнаща бюхъайссар оьрчлал аькьлу-клулшилийн асар биян бан,

ми журалул произведенияртту къамул бан, лахъхьин т1урча, оьрч1ру чара бакъа х1адур бан аьркинссар.

Оьрч1ан назмулий чивчусса произведениярттал гъанусса мяьна щала цила аваданшиврущал ва лялич1ишиврущал т1ит1иншиврул, дурч1ин даншиврул, учительнал дарсирай ишла дуллан аьркинссар ц1анасса ч1умул методикалул т1алав дуллалисса къяйдарду.

Махъсса шинардий ц1усса технологияртту оьрмулувун курт1ну духлахаверин бувну, школалий оьрч1ан к1улшиву дулавривугу хъунисса дахханашивуртту хъанай дур. Ц1усса оьрмулул, багъубизулул т1алавшиннарду х1исавравун ларсун, оьрч1ал к1улшиврулгу дик1ан багълай бур цин лархъхъусса резултатру (ккаккиартту) миннулгу кумаг бан багълай бур оьрч1ан, учительнал кумаграйну, цалва лахълан, за к1ул буллан лахъхьин буллалисса.

Оьрч1аву универсальный учебный действиярду: личностный, предметный, метапредметный сакин хъанай дур лич1и-лич1исса учебный предметру лахълахъини.

Дуклакисса оьрч1ал дак1нил х1ал, адав, мяьрипат тарбия дан кумаг буллалисса ца гъанусса предметну хъанай дур литературагу. Мунил кумаграйну сакин хъанай дур дуклаки оьрч1ал ххуймунихсса ччаву, мунал аькьлу-к1улши ва дуниял дурч1аву.

Литература лахълахъини гьарца оьрч1ал цанма хасну къамул байссар художественный произведениелувусса геройнал хасият, т1ул-т1абиаьт, ххуймур, оьккимур, инсаннал бурж, инсап. Му бакъассагу, оьрч1ру к1ул хъун аьркинссар оьрмулул аьмсса сакиншиннаращал, ч1умушал бавх1уну оьрму баххана хъанахъисса куццушал, оьрмулуву диндалул бугьлагъисса к1анттушал, техникалуву ва элмулуву хъанахъисса хъхьич1уннайшивуртташал.

Литературалул произведениялуву мукъурттийну ккаккан дурсса оърмулул сурат буклакинан асаргу, шайссар акълу-кӀулшилувунгу духхайссар. Литература цурдагу оърмулул луттиран ккалли дайссар.

Предмет хӀисаврай, литературалул оърчӀру тарбия баврин хъуннасса агъамшиву дуссар, му лахъхъаврийну оърчӀал акълу-кӀулши гьарта шаву бакъассагу, миннаву ххуймунийн, агъаммунийн, лаваймунийнсса кӀункӀу тӀаву, лахълахъисса произведениялул гъанусса мяъна, гиву гъаз буллалисса масалартту бувчӀин кумаг бантӀиссар.

Гьарцагу дарсирал план дуллалени учительнан кӀулну бикӀан аьркинссар цукунсса ци резултарту (ккаккиартту) тӀалав дантӀиссарив оърчӀаяту, цукунсса дурчӀалартту лахъхъинтӀиссарив ва дарсирай, цукун лахъхъин бантӀиссарив 2-3 цачӀун хъуну зун, цукун ххал бигъинтӀиссарив оърчӀал цанма кӀулмур, цалва лавхъхъумур, цукун ацӀан аьркинссарив цала пикрилий, цукун кьимат бищунтӀиссарив цамунал акълулул кьувкъумунин.

Учительнан дакӀний бикӀан аьркинссар ФГОСрал тӀалав буллалисса куццуй лахъхъин баву–му гьарцагу дуклаки оърчӀан цанма цӀуну кӀул хъумур цалва тӀивтӀусса кунма чӀалачӀи бан аьркиншиву.

ОърчӀахъхъун хӀадурнурасса материал, хъхъичӀара кунна, къадуллуну, гай цивппа зузи бувну, ляхълахъи бан аьркинссар.

Хъуннасса агъамшиву дуссар дуклаки оърчӀал назмурду дуккавил, лахъхъаврил. Назмурду лахъхъаврил оърчӀал хияллаву зат хъхъичӀ бацӀан баву, пикри буллали аву, память (дакӀний битаву), итххяххан байссар

Назму– му шаэрнал цала дакӀниймур аьч буллаисса, ганал дакӀнил хӀал чӀалачӀи буллалисса произведение хъанай бур. Мунин

бувну, назмурду лахълахъисса дарсирай оърчлахъхъун ихтияр дулайссар цала ганиясса пикрирду тархъанну буслан.

Лирикалул произведение лахълахъини, ишла байссар ганил анализ даврил личли-личлисса ххуллурду, цанчирча назмурдал геройтурал образирттал кумаграйну шаэрнал цала пикри, асар мунал буккучлан цала сакин дурсса геройтурал, глабиатрал суратирттал, цала ккучлахлимунил кумаграйну члалачли буллай, минначлан биян буллай унутлий

Назмулий чивчусса произведение лахъхъаврил къяйдарду личли дуллалисса члумал, хлисавравун ласун аьркинссар произведениялул жура, гиву ккаккан дуллалисса сипатирттал хасият, чивчусса члун.

Агарда оърчлру хъхъичлавагу багъайсса куццуй назмурдал анализ дуллай бивкхъурча, миннан гай бигъану дурчлайссар. Назмурду дурчлаврин кумаг байссар учительнал хъхъичли мукъуву бусайсса га сакин дурсса члумуя, ганил хасиятрая, шаэрнал цала творчество хас дуллай ивкисса темардая.

Урчлулчинмур классравусса лакрал литература лахъхъаву дайдахълай дур Дагъусттаннал халкъуннал шаэр Абутлалиб Гъапуровлул творчество лахъхъаврия. Абутлалиб Гъапуровлул творчестволушал оърчлру ялавайми классирттавуку клул хъуссар, мунияту ва классраву куртл банну ялавайми классирттаву лавхъхъуну бивкмур. Шиву оърчлащал лахъхъин багълай бур Абутлалиб Гъапуровлул дяьви къуртал хъуну махъ чивчусса «Ттул дакл дустуран цачлуссар», «Зунттал клану», «Дакъаву чча» тлисса назмурду. Ми назмурду лахъхъиннин ва миннул анализ даннин бурганну шаэрнал биографиялук.

Абутлалиб Гъапуровлул биография ва творчество лахълахъисса дарсирайн учительнаща ларсун учлан бюхъайссар ванал портрет, дан бюхъайссар ванал ита бавкъсса луттирдал выставка ва творчестволун

хас дурсса кассета ягу диск. Учителнал кӀул байссар оьрчӀру ци чӀумал увсса ва чичлай ивкӀсса урив шаэр.

АбутӀалиб Гъапуров увссар Лакрал райондалийсса Шуниннал шыраву мискинсса хъудугъу Авьдулгъапурдул кулпатраву. ОьрчӀний АбутӀалиб зий ивкӀун ур авадансса чӀаххурачӀа букансса ччатӀул парчлук, духсса янналух. АцӀния кӀира шинаву буттал га гъан увну ивкӀун ур чагуртну муххал усттарнащал Гуржисттаннайн ххаржантру дайсса дуссукуьатлуву зун. Га гукун зий ивкӀун ур Гъазанищлив ва цайми-цайми кӀанттурдай.

КӀани-кӀанттайх увксса чагуртнал аькӀлу-кӀулши гъаз хьуну дур. Ганан халкъуннал багъу-бизу кӀул хьуну бур. Лавхъхьуну бур лакку мазрацӀун оьрус, гуржи, яру, къумукъ мазругу.

ОьрчӀнийва АбутӀалиблун ххира хьуну бивкӀун бур зюннав ва баламангу, балай учавугу. Ганан кӀулну бивкӀун бур чугур, чагъана бищун, амма яла ххирамур бивкӀун бур зюннав. Революциялул шиннардий га зий ивкӀун ур Къарабудагъкентлив цала дуссукуьатта тӀивтӀуну. Та чӀумал, Къарабудагъкентлих хьуну, най диркӀун дур ЯтӀул партизантурал кьюкья. Га 1920-ку шинал, къабивтун дуссукуьаттагу, АбутӀалиб лавгун ургайннал кьюкӀлушал зюннавчий хӀисаврай. Граждан дяьвилул чӀумал ганайн щавугу дирну дур.

Совет хӀукумат цӀакъ хьукун, га зий ивкӀун ур чавахъру бугъай батагъарттай, къалайчину, къалайчину дуссукуьатлуву МахӀачкъалалив, Ганжалив, Сталинградрай, ялагу МахӀачкъалалив. ХӀалли-хӀаллих ганан чичин-буккингун лавхъхьуну бур. Айгу ивхьуну ур назмурду чичлан. ХъхъичӀара ганал гай дакӀних ляхъан дайсса диркӀун дур.

АбутӀалиб зун ивкӀун ур Дагъусттаннал радиокомитетрай зюннавчину. 1930-ку шиннардий ганал назмурду печатьрай ришлан бивкӀун бур. 1932-ку шинал гай «Инкьилабрал шаттирду» тӀисса

жужраву дурккун дур. Га жужраву буккултрал хьхьич1 ац1лай ур пагьму бусса, ц1у дунияллауя ххарисса, тархъансса зах1матраха балай т1исса шаэр. Гара шинал А. Гъапууровлул шеъри бивщуну бур, А.Къапиевлул таржума бувну, «Дагъусттан» т1исса антологиялий, 1936-ку шинал Пятигорскалий бувксса «Совет Дагъусттаннал шаэртал» т1исса луттиравугу. 1940-ку шинал Абут1алиб Гъапууровлул «Талих1рал оърму» т1исса назмурдал жуж бувкссар.

Буттал к1анттул ц1анисса Хъумасса дяъвилул шиннардий Абут1алиб оьвт1ий ивк1ссар циняв миллатирттайн Ватан дуруччин гъаз хьияра, т1ий. Та ч1умал А.Гъапууров чичлай ивк1ун ур фашизм дащуй дихълахъисса сатирарду. 1942-ку шинал мунал итабавкъуну бур «Ватандалухлу», 1943-ку шинал «Дагъусттаннал ч1у» т1исса назмурдал жужру. Ганал назмурдаву яргну ялун личлай дурр Ватандалухсса ччавугу, душманнайнсса зидгу.

Кавказнавун душман гъан хъанан ивк1укун, Абут1алиб цала биялалайну лавгун ур дяъвилун аьркинсса ц1акъшивуртту дуллан зах1матрал фронтрайн. Мунихлуну ганан «Зах1матрал Ят1ул ттугълил орденгу» дуллуссар. Фашистътал Кавказнавату лихълахъи бувкун, А.Гъапууров, Х1.Ц1адаса ва цаймигу чичулт гъан бувссар дахъва тархъан бувсса шагьрурду ххал бан. Цува гьуртту хьусса аьрххилия А.Гъапууровлул чивчуссар «Дяъвилул ч1умуясса бусала» т1исса хъуннасса назму.

Дяъви кьуртал хьуну махъ шаэрнал творчество лархъссар ц1усса шач1анттуйн. Итабавкъуссар ганал «Язими» (1953), «К1илчинмур оърму» (1973) т1исса ва цаймигу назмурдал жужру. Назмурдащал арх1ал ганал чивчуну бур поэмарду, хаварду ва оьрч1ансса произведениярду.

«Оьрмулул шаттирду» т1исса луттирахлу А.Гъапууровлун дуллуссар С.Стальскийл ц1анийсса Республикалул премия. Абуталиб

цимилагу Дагъусттаннал Верховный Советрал депутатну, ганил Президиумрал члену увчлуссар.

Абутлалиб Гъапуров литературалул хъун ххуллийн агъссар личли-личлисса пишарду канилукх бувккун махъ. Цува машгъурсса шаэр хъуну махъгу Абутлалиб Гъапуровлул дуссукъатта къабивтун бакъар. Ганан ххирасса бивклун бур канил пиша. Даврил къимат клулну, шаэр ур захлматраха балай тлий. 30-ку шиннардийра чирчусса «Усттарнал балай» тлисса назмулуву га цла дуллай ур тархъансса захлматрая. Гания мукъах захлматрал тема дур Абутлалиблул творчестволуву яла агъанмурну.

Тамансса шэърирду ва хаварду ганал хас бувну бур хъхъичла заманнул оърмулун. Чичлайгу ур цанма ккавкмуния, хъумуния. Мунияту га ххарину ур цува кунасса захлматчитурахъхъун ихтиярду дуллусса Октябрь революциялуя, Коммунист партиялуя.

Шаэр ххарину ур жула хлукуматрал ларсъсса ххувшавурттая, ккаккан буллай ур шархъаву, шагърурдай хъанахъисса ххуй-ххуйсса ишру.

Абутлалиб Гъапуров яхъанахъисса члунгу дирклун дурр социализмалул ва капитализмалул дянив бяст бусса, гай системарду куннишал ку обхлалну ччалаччисса. Мунияту га мудан халкъуннайн обвтлий ивклун ур, цахъияра, захлмат буллугъссар, зузи, тлий. Га ур дяъви къачча, тлий, дяъвилийн къарши уклай, дакъаврийн обвтлий.

Оърчлру шаэрнал оърмулушал ва дурмунишал клул бувну махъ, бусайссар гай клул хъунтлививу Абутлалиблул дустуран, буттал клантгун, дакъаврин хас дурсса назмурдашал. Вай назмурду лахълан байбишин хъхъичл бучлиссар вичлидишин ванал цала назмурду дуклакисса куццух, зюннав бишлашисса куццух, ванал ихтилатрах, балайчитурал щаллу буллалисса ванал балайрдах (Литературно-

художественная фонохрестоматия для образовательных учреждений Республики Дагестан).

Яла бурганну «Ттул дак1 дустуран цач1уссар» т1исса назмулук, ч1явусса бак1рач1ан бувк1сса, дус ва душман цуриг цила оьрмулул лахьхьин бувсса Абут1алиблук ва назму оьрмулукун ккавкцириннул жям кунна ч1алай душиву бусайссар оьрч1ахь, ванил тема, гьанусса мурад хьирив лайни оьрч1ал цала льякин бансса х1арачат байссар.

Цалчин «Ттул дак1 дустуран цач1уссар» т1исса назму дуккайссар учительнал цала, ялагу дуккайссар цала, оьрч1ан ванияту ци бувч1уну буривгу ххал буллай, шаэр назмулийну ци т1ий уривгу мяйжан буллай.

Ч1алач1исса куццуй, назмулул теману хьанай дур ц1у оьрму, яни совет билаятрайсса цалагу, цала дустуралгу оьрму. Ххал бигьинну ц1у оьрмулул ц1аний шаэр ци дуллан х1адурну урив, цала жан, гуж дустурайх бач1ин ур га х1адурну:

Харж буванна

На ттула гуж

Ц1у оьрмулул савлугьран.

Тархьан хьусса,

Талих1райсса

Циньяв ттула

Дустуран.

Бурганну шаэр ц1усса оьрмулукуну ци т1ий урив: «Абадлийсса, чана лавхьсса, илкинсса» укун т1ий ур га ц1усса оьрмулуя. Циванни га мукун т1ий ивк1сса, цукунсса бивк1ссар ганиннинсса оьрму? Ч1явусса каши-мякь бувх1усса, чурххай дахьрасса янна, ччаннай дахьрасса ус кьархьусса шаэр Совет х1укуматрал талих1райн уккан увну ур. Шаэр оьрмулуя рязийну ур, цацава шайкун балайгу т1ий

бюхттул буллай ур цлусса оьрму, дустурашчал цала жан кладачлнгу хладурну ур.

Анализ дурну махъ, бучлссар назму пасихлну дуккаву оьрчлая тлалав дан. Бучлссар яла ххал бигьин чичул назмул геройнаву члалачли бувсса инсаннал хасиятрал ххуйми чуллу, ва цланасса оьрмулуя рязину икланссияв шаэр.

Шардай назму даклних лахъхьин дулайссар. Булайссар пикри бувну, цачлу бивхьуну ххал бигьин шаэр яхъанай ивклсса ва цланасса члумул лавхъхьумур ва личлиймур.

Хъиривмур дарсирай, шардай дуллумур цлувххуну махъ, бучлссар клул хьун Абутлалиб Гъапуровлул «Зунттал клану» тлссса произведениялушал. Тара хъхьичлмур дарсирай кунма учительнал буккайссар цалчин цала, яла буккайссар хлурхла, назму цалчин дурккусса члумал биян бувсса асар тлайла бан, цлакь бан кунма.

Яла ххал дигъайссар оьрчлашчал назму. Ххал дигъланнин, цал ялагу даклнин дичайссар Абутлалиб Гъапуровлул поэзиялул агъанми темарду, ялув клицл лавгсса куццуй, ми хъанай дур та члумалсса, хьин чулий баххана хьусса лакрал агъалинал оьрму, гайннал багъубизу, лакрал тлабиаьт. Шаэрнаша бюхълай бур хьинну яргну шаллу дан зунттал билаятрал сурат. Вана «Зунттал клану» тлссса назму, ванил дайдихьура дур хьинну усттарну дурну:

Ца хьинну дакъайхха

Барзунттайх дарай,

Экъи гъайсса кунна

Дувссилийх къалай.

Мяйжаннугу, Лакрал зунтурду бур щюллисса дарай даркъусса кунма бювчлусса, уртту-тлутлал члюлу бувсса. Дарайлул сипатрал чларав хьинну дакълай дур клирисса дувссилийх экъилагайсса

къалайлул сипатгу. Къалайчинал даву к1улнан дакъа га сипатгу дак1нин цаманан къадагъанссия.

Ва назмулул композиция щаллу дурну дур лич1и-лич1исса темарду, асарду циву бусса мукъва куплетрая. Ганил к1илчинмур куплетрал мяъна т1айланна дарх1уну дакъар барзунттащал. Амма цашиву дур вай куплетирттаву: дувссилийх къалай экъи гъайсса кунна, бигъану най бур аьшукънал дак1нивату балай. Му бакъассагу, ва куплетравусса рифмарду цара цасса дур хъхъич1мунивассаннушал: дарай–къалай–балай–щилай. Шамилчинмур ва мукъилчинмур куплетирттавугу дур цинна аьркинсса дузалшиву. Гиккугу зунттал тема шаэрнал авадан дурну дур дусшиврул темалул:

Рах1атну цахъусса

Дустурал кару

Зунттурду бувгъусса

Ххяллу дур гъану.

Ягу:

Кув лахъсса, кув лагъсса

Вай зунттал яхъру –

Рах1аву илкинсса

Щархъан бур бару.

Дуклаки оьрч1ал я бурган бан аьркинссар шаэрнан цукун ч1алай буригъ цала зунттал билаят. Маслих1ат байссар хияллаву хъхъич1 бац1ан бан шаэрнал цала назмулуву мукъурттийну щаллу дурсса сурат.

Яла буч1иссар оьрч1ащал ляхълан шаэрнал цала назмулуву ишла дурсса мазрал пасих1шиврул ярагъ: эпитетру, метафорарду, лашан бавуртту. Вай давуртту дурну мукъах буч1иссар буч1ан назму

лахъхъаврил махъва-махъсса шачланттуйн – пасихлсса, бюххансса букваву даврийн.

Абуталиб Гъапуровлул произведениярдаву агъамсса клану бугълай дур дакъаврил темалулгу. Граждан дявилулу гьуртту хъусса, гику ивщунугу ивклсса, ва ялагу Ватандалул цланисса Хъун дявилулу пасатшивуртту цала яруннин ккарксса Абуталиб, дяви къуртал хъуну махъсса члумувугу леххаву тийна ур дакъаврийн. Му темалун хас дурсса дур шаэрнал «Дакъаву чча» тлссса назмугу.

«Дакъаву чча» тлссса назму лахълан хъхъичл, шаэрнал дявилулу чулухуннайсса ургаву цукунсса дирклссаривгу бувсун дуклаки оърчлахъ бучлссар вичли дишин оьрус мазрай В. Мещериннул буллакисса «Песни войны и мира» тлссса назмурдах (кассеталий). Яла булкайссар учительнал цала, хъирив хлурхла назмулулу члалачли бувмур ххал бигълай, цукунсса сипатру сакин дурну дурив ххал дуллай, ганил гъанусса мяъна оьрчлан дурчлин дан хларачат буллай. Шаэр бувчлин бан ччай ур дявилулуя так зарал бакъа бакъашиву:

Дявилулу къабулайссар

Нитгихъан душру-арсру.

Къаклулсса цуклууй акъар

Дявилийну шайсса зарал.

Назмулулу шаэр даклнихтуну оьвтлий ур дакъаврийн, члалачли буллай ур халкъуннан аьркиншиву зун, занан, хъуру дугълан, ахъру буллан. Цанна дакъаву ччишиву, му циван халкъуннан аьркинссарив бувчлин буллай ур:

Халкъуннан ччай бур

Ахъ буллан,

Гъарца затран

Хайр хъунмасса.

Халкъуннан ччай бур

Хъу дугълан...

Шаэр мукъурттийну бувчин буллай ур халкъуннан ци
ччиссарив, ганал чичлачимунил барашин дуллай бур Абутиалиб
Гъапурувлул цала халкъуннахсса ччаврил:

Бюрурал гъис учирчангу,

Къаччива ттун захиаткашнайн.

Аькирал къац1 учирчагу,

Ттун цукунч1ав къамул къашай.

Ч1алай ур шаэр захиаткашнай ц1имилий ушиву, му ур
захиаткашнал чулий, шаэрнал дяъви ч1алач1и буллай ур
халкъуннансса бала-мусиватну:

Мунихлуну миллатирттан

Дяъви, питна ччай бакъари,

Му оьккисса ц1уц1авурттал

Мусиватрал бак1 дуну т1ий.

Ч1алач1иссагу, цинянан к1улссагу зат бур дакъаву душиву
дусшиврул уртакъ:

Цинявппагу захиатчитал

Куннан ку гъансса тухумрур.

Щинк1уй дяъви ччай бакъари.

Ц1удихьултран бакъассари

Халкъ лит1аврий рах1му-ц1ими

Гъарцаннал къаст дан аьркинни

Дяъви эькиличин чулий.

Члалачлссса куццуй, назмулул вив бивхъусса гъанусса пикрину, гъанусса мяннану хъанай бур, хъхъичлвагу увкусса куццуй, дакъаву ялагу дакъаву. Шаэр обвтлий ур циняв цачлун хъуну, ца гуж хъуну, обккисса жанаваршиву экъиличаврил чул бугъан. Му бувчлин буллай ур, дяъви къачру тлсссагу нигъа бувсун бакъашиву. Халкъуннан цукунчлав ччай бакъа тлий ссайчлаврагу щаву дуллан, халкъуннан ччай бур захлмат буллан.

Ва произведениялул цумур-цагу ххуттавух нанисса пикри бур дяъвилийн, куннал ку халкъ литлатлаврийн къаршисса. Назмулул гъанусса мурад буклакиманан бувчлиншиврул, бюхханшиврул шаэр ишла буллай ур мазрал пасихлшиврул личли-личлссса ярагъ.

Оърчлал я бурган байссар цукунсса героинал цлания чирчуну дурив назму, щил даклнил шугълурду члалачли бувну бурив произведениялуву.

Махъва-махъсса шачлануну хъанай бур назму пасихлну, вичли дирхъунан дюхханну дуккаву. Мунияр махъ бучлссар оърчлан назмулия бувчлумур личли-личлссса суаллал кумаграйну жям бангу.

Шардай дулайссар назму пасихлну дуккин лахъхъин ва чичин назму цланасса члумувугу цуксса агъамсса дуссарив. Мукунма маслихлат байссар оърчлан Интернетраву Абутлалиб Гъапуровлун хас дурсса материал лякъин.

Гания гихунмай лакрал литературалул дарсирдай дуклаки оърчлру клул хъунтлссар Дагъусттаннал халкъуннал шаэр Юсуп Хаппалаевлул оърмулущал ва дурмунищал. Юсуп Хаппалаевлул творчестволущал оърчлру ялавайми классирттавугу клул хъуссар, ва классравугу шаэрнал творчестволуя клулмур куртл бан багълай бур.

Юсуп Хаппалаевлул творчество лахълахъисса дарсирдайн учительнаща ларсун учлан бюхъайссар ванал портрет, мунал ита бавкъсса луттирду, электронный носительлайсса мунал

произведенияртгал фрагментру, мунал назмурдайн бувну балайчитурал шаллу буллалисса балайрдал дискру, кассетарду.

Чичул творчестволушал к1ул хьуннин, цал оьрч1ру к1ул банну ванал биографиялушал.

Дагъусттаннал халкъуннал шаэр Юсуп Хаппалаев увссар 1916-ку шинал Хьурук1рав, хьудугьу Рамазаннул кулпатраву. Ппу ивк1уну, Юсуп оьрч1нийва ятинну ливч1ссар. Ххюва класс школалый къуртал бувну, га увхссар Гъумучиял педучилищалувун. Педучилище къуртал бувну мукьах, зий ивк1ссар Ккуллал шяраву учительну.

1934-1936-ку шиннардий Юсуп зий ивк1ссар Дагъусттаннал пединститутраву, 1936-1939-кусса шиннардий га зий ивк1ссар Гъумук «Ц1усса ххуллу» газетрал редакциялий, Мах1ачкъалалый Дагъусттаннал луттирду итабакъай идаралий. 1939-ку шинал га ивтссар Дагъусттаннал чичултрал союзрал жаваблувсса секретарьну.

Дяъвилул шиннардий га ивтссар Зах1матрал абралуннал батальондалул комиссарну. Гания мукьах – коммунист партиялул обкомрал печатъралсса байсса секторданул хьунаману(1942-1945). Ч1ивисса гьалат1 х1исав хьуну, Ю.Хаппалаев укьан увссар га даврия. 1947-1949-ку шиннардий га зун ивк1ссар Дагъусттаннал радиокомитетрай председателънал заместительну.

1957-ку шинал Ю.Хаппалаевлул къуртал бувссар М.Горькийл ц1анийсса Литературный институтрач1асса литературалул лавайсса курсу. 1965-ку шиная гихунай зун ивк1ссар «Советский Дагестан» т1исса журналданул литературалул ва искусстволул отдельданул хьунаману. Пенсиялий унува, га зий ивк1ссар «Илчи» газетрал корреспондентну.

Юсуп Хаппалаев назмурду чичлан айивхьуну ур ч1ивину унува. 1932-ку шинал ганал назмурду рирщуну дур «Ц1усса ххуллу» газетрай. Га гьуртту хьуссар Дагъусттаннал чичултрал цалчинмур

съездрал давривух. 1939-ку шинал Ю.Хаппалаев къамул увссар СССР-данул чичултрал союзравун. 1966-ку шинал ганан дуллуссар Дагъусттаннал халкъуннал шаэршиврул ц1а. 1977-ку шинал Ю.Хаппалаевлун С.Стальскийл ц1анийсса республикалул премия дуллуссар. Га лайкъ хъуссар тамансса цайми наградарттангу.

Ю.Хаппалаевлул чирчуссар ч1ярусса назмурду, поэмарду, «Оьрмулул шаттирду» т1исса повесть, мюрщисса хаварду, литературалун хас бувсса статьярдугу, чил мазурдиягу таржума бувссар мадарасса произведенияртту. Ганал итабавкъссар биялсса луттирдугу: «Эшкъилул арду» (1941), «Зид ва ччаву» (1944), «Зунтурду балай т1ий бур» (1959), «Шугълурду ва оьрму» (1965), «Язими» (1968, 1986), «Бунагь бакъа бунагьлу» (1970), «Абут1алиблукъсса бусала» (1988), «Ттуруллаву паранну»(1990), «Бюхълайнма лич1аннав» (1998) ва мукунма цаймигу.

Оьрч1нийва ххира хъуссар Юсуп Хаппалаевлун лакрал фольклор, ганал цала бавт1ссар ч1явусса балайрду, бусаларду. Гайннуйн хъар хъанай, шаэрнал чивчуссар «Удрида» ва «Хан Муртазаабли» т1исса поэмарду.

Ч1ярусса назмурду хас дурну дур шаэрнал буттал улкун. «На увссара» т1исса назмулуву ганал шаршун дур Дагъусттаннал зунттал билаятрал сурат. Га суратрай бур лахъсса зунтурдугу, х1уч1 учинсса ххялурдугу «ххяллайх турду дайл дайсса» параннугу, ппиринж ххяхханну к1ирисса дарардугу. «Га билаятрай хъун хъусса шаэр сасан увну ур оьрмулул ва т1абиатрал. Мунияту га тарбия хъуну ур, нигь цирив къак1уну, дусшиврийн вихну, лагмаминнал х1урмат буллай»²⁸

²⁸ Ах1мадов С.Х. Лакрал литературалул тарих. Мах1ачкъала, 2006, с.162.

Ю.Хаппалаевлул лирикалуву агьамсса клану бугьлай бур оьрмулуха, талих1раха, т1абиаьтраха, хасиятраха, буттал кланттуха, ниттил мазраха чирчусса назмурдал.

Урч1улчинмур классрал программалийн бувну ва классраву лахьхьин багьлай бур «Аьвкъун ппу хьуссарив?» ва «Чичаракьай нагу «Ят1ул луттирай» т1исса назмурду.

Дарсирайн ларсун буч1ан буч1иссар Ю.Хаппалаевлул портрет, мунал назмурдай балайрду щаллу буллалисса балайчитурал кассетарду, дискру (электронный носительлу), дарча ххуйну хьунт1иссар итабавкъсса луттирдал выставка.

Шаэрнал вай произведенияртту лахьхьаврил мурадну хьанахьиссар оьрч1аву цала буттал кланттухсса, цала ниттил мазрахсса ччаву хьун даву ва цала ватан ххирану ми тарбия баву. **II.**

К1ай назмурду лахьлан хьхьич1 буч1иссар вич1идишин Ю.Хаппалаевлун хас дурсса радиокомпозициялук, ванал мукьурттийсса А.Аьлиевлул, А.Х1асановал, М.Исмаиловал т1ут1исса балайрдах, Е.Алексеевлул ва А.Юрченкол оьрус мазрай дуклакисса Ю.Хаппалаевлул назмурдах.

«Аьвкъун ппу хьуссарив» т1исса назму лахьланнин хьхьич1 ххуйну хьунт1иссар Мух1уттин Чариновлул мукьурттийсса «Лакку клану» т1исса Арслан Шагьимардановлул щаллу буллалисса балайлук вич1и диширча (Лакрал гимн).

Яла бувч1ин байссар оьрч1ан «Аьвкъун ппу хьуссарив» т1исса назму душиву шаэрнал дак1нил пикрирдал, асардал видурц1усса, махьру бушиву кьювулийсса дак1нивату нанисса. Шаэрнал назму дайдахьлай ур инсантурайнсса бювкъу-аьйлийсса суалданийну:

Аьвкъун ппу хьуссарив

Тти зун зунтурду,
 Буттал щар хьуссарив
 Рат1ру, дарарду.
 Чун вайлул хьуссару
 Минардаяту
 Къатри, мащив, щархъув
 Къара диртуну.

Ва суалданийну шаэрнал буку гъан уллай ур цала учин ччимунич1ан.

Бусайссар назмулул гъанусса пикрину хъанай бушиву обрч1ан цала ватандалухсса, ляхъусса кланттухсса ччаву ц1акъ даву. Цала ппухълуннал миналухсса ччаврил Ю.Хаппалаев чичин уллай ур га лакрал халкъуннай буллалисса бювкъулул назму. Шаэр къуману ур эяллайн дуккан къадиртсса щархъурду ч1алай. Цукунни дак1нин къадагъайсса клай къурдарах, хьурссуй хьуру дугълай, дурт1усса буттахъал гъухъ?– т1ий:

Ягу зул ттаттахъал
 Х1айп увкуссарив,
 Ватан ядан цала
 Жаннугу, обгу?
 Бухрив лаглагисса
 Барзунттал арсру?

Шаэр леххаву т1ий ур цала абзизсса миллатрайн цаннал ца бугъияра, дусну бик1и, цач1ун хъияра т1ий.

Укунсса ихтилат бувну махъ буч1иссар дуккин назму цал цанна, учительнан. Яласса буккаву дайссар гиву чивчумур ххал

бигълагъисса кунма: шаэр ссая, щия чичлай урив, чивчумунийну ци учин ччай урив, назмулул гъанусса мяъна ссаву дурив.

Хъиривсса букваву дувайссар оърч1ал, ххуйну хъунт1иссар га букваву дан хъхъич1ава х1адур увсса оърч1 ивк1хъурча.

Яла оърч1ашал ххал бигъайссар цукунсса къювулул чичин увну урив шаэр га назму, щийн леххаву т1ий урив шаэр цала назмулийну, цукунсса дурив назмулул гъанусса мяъна.

Шаппай булайссар цач1у дирхъуну, ххал дигъин цукунсса тапаватшиву дурив Мух1уттин Чариновлул «Лакку к1ану» т1исса ва Ю.Хаппалаевлул «Аьвкъун ппу хъуссарив?» т1исса назмурдал дянив.

Хъиривсса дарсирай лахъхъайссар Ю.Хаппалаевлул «Чичаракъай нагу «Ят1ул луттирай» т1исса назму. Ва дарсирайгу буч1иссар ишла дан гара хъхъич1мур дарсирай ишла дурсса ч1алач1и пособие ва Интернет ресурсру.

Дарсирал мурадну хъанай бур оърч1ру цала маз, литература, тарих ххирану цала ниттил маз ххирану тарбия баву.

Ц1усса назму лахъланнин бусайссар оърч1ахъ Ю.Хаппалаевлул махъсса творчестволуву хъунмасса к1ану бугълай бивк1шиву цува лавхъусса Лакку к1анттул, лакку мазрал, жула халкъуннал дянивсса ва цайми миллатирттащалсса дусшиврийсса арардал.

«Чичаракъай нагу «Ят1ул луттирай» т1исса назмулувугу шаэр леххаврий ур миллатрайн:

Ай – гъарай, агъалий,

Леххаву зуйнни!

Зу зула ниттил маз

Къюкьин бан цанни? – т1ий.

Цумурцагу миллатрал инсантал хларачатрай биклан багълай бур
цала маз оърчлан лахъхьин бан цанчирча, маз бухлагарча бухлаган
най бунутий миллатгу.

Яла бучиссар дуван учительнан цала цалчинсса букваву.

Килчинсса букваву дуллалени, бучиссар ххал бигьин
шаэрнан цала произведениялийну учин ччимур. Члалачисса куццуй,
шаэр назму леххаврийну дайдохълай ур. Яла га бувчин буллау ур
цинявгу мазру агъамсса бушиву, агъамссар тий ур шаэр цаламур
ниттил мазгу. Га лашан буллау ур мазру личли-личисса
ахъулссаннул мурхьирдаха:

Ахъулссаннул багърав

Ца жура цанни?

Щюлли ардай тлутлив

Ца рангсса цанни?

Ганан багърал чюлушиву ва ххуйшиву ранг-рангсса тлутлаву
члалау дур. Му буслау ур лакку мазралгу чюлу буллау бушиву
чяву мазру бусса жула Дагъусттан:

Мазурдиву нагу

Ца тлутирахха!

Багърал мурхьирдаву

Ца журарахха!

Биклуча ца ккурмуз,

Къааркинссарив?

Лакку мазрал цлания шаэр буклакиминнахъ бювкью буллау
цлухлау ур:

Цумананни клулсса

Циксса жавагьиртту

Циксса ттеркьукьиртту
 Тти лякьинссарив,
 Юхсса ч1иви мяъдан
 Ккал къабайссарив?
 Оьрч1ал оьрч1ан ккаккан
 Ч1юлу дуниял,
 Буттахъая ц1а дан
 Ялун нанинахъ.
 Жува буру чичлай
 «Ят1ул луттирай
 Къадрулий, бусраврай
 Ядан аьркинмур.

Дунияллул т1абиаьтраву бухлаглай, чан хъанахъисса цаппара жулардал х1айвант, лелуххант, уртту-т1ут1и, жанаварт «Ят1ул луттирайн» лахъан буллай бур. Шаэргу мазрал ц1ания т1ий ур:

Ябувара нагу
 Оьрч1-оьрч1уннайгу,
 Чичаракъай нагу «Ят1ул луттирай!»

Шаэрнал цала къюву назмурдаину ч1алач1и дуллай ур. Мияжаннугу махъсса ппурттуву лакрал щархъу инсантурац1а марц1 хъанахъаврин бувну жула лакку мазрай гьалгъа т1ут1ими чан хъанай бур, шагьрурдайгу маз вари чинну ишла бансса куц бакъар, мунияту чичултравунгу, шаэртуравунгу ва къайгъу бутлатисса масала бур.

Бусайссар ца Ю.Хаппалаевлул бакъа цайми шаэртуралгу бушиву ва темалун хас бувсса произведенияртту. Буч1иссар цайми шаэртурал ванихава лавхъхъусса произведенияртташалгу оьрч1ру к1ул бан. Масала, Мирза Давыдовлул «Ниттил маз» т1исса назму:

Ттунмаривав нах1усса,
 Цуппаривав нац1усса,
 Ттеркьукьал чарсса хханссар
 Ттул аьзизсса ниттил маз.

Жура-журасса т1ут1ал
 Нарзалия хьунавав?
 Цинявппа лелуххантрал
 Ч1урду цач1ун бувнавав?

Яла буч1иссар ххал бигьин оьрч1ащал шаэрнал цукунсса мазрал пасих1шиврул ярагъру ишла бувну буриу ниттил мазрал аьзизшиву ч1алач1и дан.

Шаэрнал хьанахъимур буккун хьиннува яргну ч1алач1и бан, ганал дак1нивун бюххан бан ишла буллау ур метафорарду. Мазру ганал цач1у бихьлай ур ардай ххярхсса лич1и-лич1исса т1ут1ащал, цаламур ниттил мазгу шаэрнал ца т1ут1ину ккалли буллау ур, мазравусса махъру жавагьирттан, ттеркьукьан х1исав буллау ур, маз ч1иви мяьданналун ккалли буллау ур. Шаэрнан ххирану бур цала миллатрал тарихгу, му пикрилий ур ялун буч1ант1имунилгу, ялун нанисса никиран ябан ччай ур ниттил мазгу.

Оьрч1ащал цач1у дирхьуну, ххал дуркун Мирза Давыдовлулмур ниттил мазран хас дурсса назмугу ч1алау бур шаэртуран ниттил маз цуксса ххирассарив: ваналгу ур лащан буллау лакку маз ттеркьукьал чарслуха, жура-журасса т1ут1ал нарзалуха, мазрал ч1урду лащан буллау ур лелуххантрал ч1урдаха, щарашал жюржулул ч1униха, урттул щурщулуха – укун ххирану бур шаэртуран лакку маз. Махъа нанисса никиран ниттил маз я баву т1алау дуллау бур циняннаятугу.

Махъ назму дуккайссар оърч1ал, цанма асар хьумур ч1унийну ч1алач1и буллай.

Шардай дулайссар назму пасих1ну дуккин лахьхьин ва «Ттул ниттил мазрахсса ургаву» т1исса даву чичин.

Утти оърч1ру к1ул бан багълай бур лакрал шаэр, чичу, таржумачи ва критик Мах1аммад-Загъид Аминовлул творчестволушал. Ванал назмурду ва поэмалувасса бут1а лавхьхьуссар оърч1ал дянивми классрттаву ва классраву т1урча мий к1ул хьунт1иссар «Мажнуннул дуаь» т1исса поэмалушал ва «Жагъилшиву» т1исса назмулушал.

Мах1аммад-Загъид Аминовлул творчество лахьлахьисса дарсирдай ишла дан буч1иссар мунал портрет, ита бавкъсса мунал луттирду, шаэрнал назмурдай т1ут1исса балайрдал дискру, назмурду оьрус мазрай назмурду дуклакими дискругу.

К1ул банну оърч1ру М-З Аминовлул биографиялушал ва мунал дурмунишал.

Мах1аммад-Загъид Аминов увссар 1938-кусса шинал Хьусрациял шяраву колхозник Амиршайхлул кулпатраву. Дуклай ивк1ссар Хьусрациял школалый, 1952-ку шинал гагу къуртал бувну М.-З. Аминов лавгссар дуклан Ккуллал дянивмур даражалул школалый дуклан. 1955-ку шинал га увххун ур Дагъусттаннал пединститутрал физико-математический факультетраву дуклан.

Гиву ца-к1ива курсгу къуртал бувну, га зун увххун ур Приборостроительный заводравун. 1960-ку шинал заочныйну увххун ур дуклан А.М. Горькийл ц1анийсса Литературный институтравун, зунгу га гьан увну ур Лавациял яла Ч1арадиял районнайсса школардай математика дихьлан.

Ливч1сса к1ива курс ганал очныйну къуртал бувну бур 1965-ку шинал. 1964-ку шинал М.-З. Аминов къамул увссар СССР - данул

чичултрал союзравун. Га зий ивк1ссар «Зунттал хъами» т1ссa журналданул корреспондентну, Дагъусттаннал луттирду итабакъай издательстволий редакторну. 1975-ку шинал М.-З. Аминовлуя хъуссар филологиялул элмурдал кандидат. 1979-1982-ку шиннардий га зий ивк1ссар «Дусшиву» альманахрал хъунама редакторну, 1982-1985-ку шиннардий – Дагъусттаннал чичултрал союзрал председателънал заместительну. 1979-ку шинал М.-З. Аминовлун дуллуссар Сулайман Стальскийл ц1анийсса премия.

М.-З. Аминовлул 1956-кусса шинал «Дусшиву» альманахрай бивщуссар «Ттул нину» т1ссa поэма. 1964-ку шинал ганал назмурду рирщуссар «Жагъилсса ч1урду» т1ссa луттираву. Тания махъ ганал итабавкъссар 30 шеърирдал, поэмардал, хавардал ва элмийсса луттирду. Мий бур: «Т1ут1ал къупру» (1962), «Щюллисса марч» (1966), «Ххазина» (1969), «Къюмайрду» (1971), «Тарихрал ссигъри» (1974), «Чапур бувсса чавахъ» (1982), «Мажнуннул дуаъ» (1984), «Абадул мурад» (1987), «Шанна гъарал» (1990), «К1илчинмур жагъилшиву» (1993), «Хъусрациял чарххудай» (1996).

М.-З. Аминовлул назмурду рирщуну дур «Язими» т1ссa шанма томрайсса луттиравугу.

«Мах1аммад-Загъид ивк1ссар дунияллул поэзиялул хъирив лаян х1арачат бусса, мудана ц1усса асардал виувц1усса, поэзиялул ц1усса къалипирттах луглагисса шаэр. Ганал произведенияртту бур оърмулушалгу, лакрал ва дунияллул тарихрашалгу бавх1усса пикрирду ва шугълурду циву ч1явусса. Ганал ч1явуми шеърирду чивчуну бур эки нани бувну, мунияту гай цивппа музыкалийн к1унк1у т1ий бур. Бюхъай, мунияту ганал 100 шеъри гъанулун лавсун, композитортурал балайрду чивчуссагу.

50-60-ку шиннардий чивчусса М.-З. Аминовлул шеърирду хас бувну бур буттал билаятран, т1абиаьтран, дусшиврун, эшкъи-ччаврин

ва талихІран. Гай бур жагьилсса шаэрнан лайкьну чивчуну. МахІаммад-Загьидлул та чІумалсса шеърирду бур оьку балайрдаха лавхьхьусса, интнил кьини кунма чаннасса, ххарисса гьавасрал, шугьлурдал вибувцІусса. Шаэр ур лагмаминнаягу, дунияллуягу рязину. Ганал шеърирдаву бур дуниял ххал дансса хьит, дакІнил анаваршиву. Шаэр личІлулну ххал дигьлай ур чІумул ритмарду, ганан чІалай бур, замана ссур бан ччинан аьркиншиву чумартшиву, кьуват, бувгьусса ххуллийх жард кьакуну, тинай-шинай кьавхьуну, хьхьичІунай ачинсса намус ва бюхьу»²⁹

«70-80-ку шиннардий баххана хьанахьисса оьрмулул кьаршишиннардугу чІалай, цаламур аькьлу-кІулшигу ларай хьанай, чІявусса цала бакІрачІангу букІлай, шаэр буруган буллай ур цала пикрирду инсаннал оьрмулул ва тарихрал куртІнийн. Ганал поэзиялул ца шачІануну хьанай бур «Тарихрал ссигьри» тІисса мюрци поэмарду. Гайннуву ххал бивгьуну бур Дагьусттаннал тарихраву хьуну бивкІсса, бусалардаву хьуну бивкІсса ишру: «Арула уссил ссу», «Чарил оьрчІ», «Ссигьа», «Аманат» м.ц. Гай поэмардал лакрал кІулши гьаз дуллай, Дагьусттаннал тарих авадансса бивкІшиву исват буллай бур».³⁰

Ттизаманнул иширттан, тІабиаьтрал тагьарданун хас бувсса шеърирдаву шаэр ур тІабиаьтращалсса инсаннал ара хьинну мугьаятсса дикІан аьркинссар, цума-цагу инсаннал цала лагмасса тІабиаьт кьайгьулий ядуллан аьркинссар тІий. «Баврув, авчитал» тІисса назмулуву га леххаврий ур, лагма-ялттусса тІабиаьтрах аякьа дувара тІий. Га назму цурдагу чирчуну дур шаэрнал авчитуращал буллалисса ихтилат кунма. Зунттал инсантурал аьдатрайн бувну, шаэр ур авчитурахь, «баврув, бардув зунттал бахІахьру» тІий, цІухлай. Вай мукьурттиву ав баву ганан ххуй дизлазиссарив ягу

²⁹ С.Х. АхІмадов. Лакрал литературалул тарих. МахІачкьала, 2006, с. 198-199.

³⁰ С.Х. АхІмадов. Лакрал литературалул тарих. МахІачкьала, 2006, с. 200.

къадизлазиссарив бувч1лай бакъар. Яла шаэр ххи буллай ур: «ттул аврдал мусил тажру». Шикку ч1алай бур шаэрнан т1абиаьт ххирашиву аврдал хъиртту ганан «мусил тажруну» ч1алач1ишиву. Га язугъ буллай ур бунагъ бакъа ливт1усса авлугадрай. Шаэрнал дак1нил къамул буллай бакъар «бунагъ бакъасса» барххул оь эьки бут1аву. Шаэр ур ав хъунасса инсаннаха, гадри мюрци оьрч1аха лашан буллай. Шаэр бювкъу-аьй дуллай ур авчитурайгу, т1абиаьт зия дуллалиминнайгу.

Тай шиннардий шаэрнал гъаз дуллай ивк1ун ур дунияллул поэзиялуву муданна дирк1сса темардугу: ччаврил, дусшиврул, инсаншиврул. Инсаншиву ялун личлай дур ччаву ядан бюхъавривугу, дусшиву дуруччавривугу.

Тай шиннардий чивчусса «Мажнуннул дуаь» т1исса поэма лахълай бур урч1улчинмур классраву. Ва поэма лахъхьин хъхьич1сса мукъуву бувч1ин байссар оьрч1ан цукунсса бусала гъануну лавсун чивчуссарив шаэрнал ва поэма.

«Аьрабнал бусалалийн бувну, арулчинмур векрай Имруль Къайс т1исса жагъилсса шаэрнан эшкъи хъуну дур Лайли т1исса, оьрч1ний цащала хъун хъусса, цач1у дуклай бивк1сса душних. Къундалул чулданий ялапар хъанай бивк1сса аьрабнал, бадавитура (бедуинтура) аьдатрайн бувну, душ щар булайсса бивк1ун бур ганил ссурахъун, ягу хъинирвун, ми бакъахъурча, ливч1сса мачча-гъансса оьрч1ан. Ччаву авлияшиврун ккалли дурну, ччаву хъусса оьрч1ан душ бувагу къабулайсса бивк1ун бур.

Ми сававрду хъхьич1 дарц1уну Къайслун Лайли къабуллуссия т1ар. Ганал нину-ппу бивк1ун бур авадансса, махъ заназисса инсантал амма Лайлил буттал Къайслун душ къабуллуну бур. Къайс зунттавух лавгун ур. Мунияту ганайн халкъуннал Мажнун (авлия хъума) чайсса бивк1ун бур. Ва аьрабнал бусала гъануну лавсун,

чивчуссар Низами Гянджавил «Лайли ва Мажнун тлісса поэма. Гукунмаваасса поэмардаваасса цар М.-З.Аминовлул «Мажнуннул дуаь» тлісса поэмагу».³¹

М.-З. Аминовлул цала зумуну шаллу дурну дур Мажнуннул сипат. Ганиву шаэр ххал бигълай акъар Мажнуннул оьрму шаллуну: га хъуеа хъусса куц, оьрчлінийсса тарбия, бедуинтурал багъу-бизу, виричунаву эшкъи загьир шаву, ташулул масалартту.

Ганал яргну ккаккан дурну дур клул дакъасса цлуцлаврил куна эшкъилул хлаллангат увсса жагьилнал тагъар. Эшкъилул «пуркларыя» арс мурахас ан ччай, ганал ппу Мулаввагъ ур Къайсгу увцуну, хлажлин най. Поэмалул мурадгу гай Маккалийн лагаврин хас дурну дур. Рухлірацла хъанакъисса арнай аьтлий, Мулаввагъ ур хлажлийн най, Къайслул Къябалий дуаь дарча, эшкъир тлісса цлуцлаврия аллагьнал га тархъан ансархха тлий.

Укунсса бусаву дурну махъ, учительнал буккайссар произведение цала хлурхла оьрчлан бувчліинну. Ялагу клілчин цала булакини, ххал бигъайссар оьрчлашал миннан букъавчлайсса махъру, му даву дурну махъ, бучліссар я бурган бан произведениялуву члалачли дурсса члумух, гиву члалачли бувсса геройтурах, гайннахсса шаэрнал ургаврих ва произведениялул гъанусса мяьналух. Мунияр махъ бучлайссарпоэмалул хъирив лаяврийн.

Члалачлісса куццуй, арс ччаврил цлуцлаврища ххассал аншиврул къужа Мулаввагъ най ур Маккалив, арс дуаь дан аврийну му цлуцлаврища ххассал хъунсса ххай. Хлажлин нанисса члумал аьсивну ливчлісса ппу ур арсан хъумунил ва хъунмунил хлісав сан дуллай. Къужлул итгав татлай дур «дакъассай ттурлу», оьнкъарах ливчлун бур «няклі чарил парча», няравух бишлай бур «пикрирдал

³¹ С.Х. Ахмедов. Лакрал литературалул тарих. Махлачкъала, с 202,

шатри», чурххавух ришлай дур «кӀирисса дяркӀу. Бурганну цукун
чӀалачӀи увну урив ппу:

Ахиргу авчунни аьсивсса бута,
Аьрххилий лаххайсса чяпангу ларххун.
ЛапӀ-лапӀ тӀун диркӀунни башлихӀрал кӀутта
ХӀит-шитлий нанисса чал шаттирахун.
АгӀ, ина бюкӀивуй, цӀаравхху аран,
ЦӀарал гӀав-гӀав тӀий бур хӀахӀисса кӀунну.
ХӀюлчайгу тӀий най бур варанттул чарван,
ГӀюнгутӀивгу чачун ссинкӀатӀи бувну.

АгӀ, цукун кӀачиви хӀала игитнал,
Иттав татлай дуний дакӀассай ттурлу?
Арамталлу тӀисса сситтучӀикӀирттал
СсинкӀлийн буккан бувний шалагу оьрму?
Архсса бухӀурчагу Маккалив ххулла,
Арс ххассал уван ччай сси-кӀащилуца,
Тахтиламандалул кӀянат ххютулу
КӀайс увцуну най ур МулаввагӀ-кӀужа.
МулаввагӀлун арс чӀалай ур кӀусса цӀуцӀаврил увгӀуну:
Ци банссар – чӀалай ур чятирданула
КӀалаш куна хӀусса цаакӀаакӀу:
ГӀаттал рангсса лажин, оь бакӀа мурччив,
БюкӀусса яругу – пюрунтрайн буклай....
АнжагӀ кӀутӀу тӀий бур халмажрал чурчив,
Ххютал тӀуркӀулийну лажин сагӀ дуллай.

Бурганну цукунсса суратирттайну аьч дурну дурив Мануннулмур тагьар («гьаттал рангсса лажин», «об бакъа мурччив», пюрунтрайн бувксса «бювкъусса яру»).

Кяъвалий Мулаввагълул дурну дур гьарца дайсса аьдатру, бувну бур чак, дурккуну дур дуаьрду, арснахьгу миннат бувну бур:

Ласи уча, ттул арс, оьттува лама,

Ласи уча Заннахь няраву пурк1у.

Цанма цуксса зах1матну бунугу, Къайслун хьинну ххуйну бувч1лай бур бутталгу агьулданулгу цаяра дуллалисса т1алавшинна. Амма ганал дак1ниву бур Лайли: цала ччаву Къайс лащан дуллай ур къундалул авлахърайсса щюлли жазиралуха. Ганан ссанк1уй ккаллину дакъар хъус ххазина, ч1алъаьрду. Бухъурчагу билаятрай цавагу ч1алъаь, мугу мунан ч1алай бур Лайлал варсул чьтирданува.

Цала дуаь дайдихълайгу, къуртал дуллайгу ур:

Лещан ба уча, т1ар, оьттуву лама,

Бяххан ба уча, т1ар, бак1раву пурк1у..

Я аллагь, на ура ца луххал к1ама,

Ца ччаву дакъарив ттул жангу нургу?

Мяьна цир мизитрал, ци бюхттулнугу,

Ца дуаь дувансса гиву акъаний?

Я Зал, агьну гьаннин, дуаьри ттулгу:

Ялгъуз Лайлал чани бити ттул дак1ний!

Вай мукъурттил ч1алач1и буллай бур поэмалул гьанусса мурад, мяьна. Шаэр т1урча мяйжан дуллай ур Мажнуннул дуаьлул бюхттулсса мяьна:

Цукунсса нур дурив дак1ниву шуруй,

Мукссава лавайссар мудангу инсан.

Лайлил сипат поэмалуву щаллу дурну дур Къайслул хияллаину, ганал дуаьлуву. Лайлил буттал, Магъдинал сипат щаллу дурну дур ганайн сситтуйсса Къайслул буттал, Мулаввагьлул ганайн т1ут1исса мукъурттийн бувну: «шатта куна ккехь т1ий», «барц1ру-чакъалтраяр сситтул вилавхъун», «лух1и варани».

Мажнуннул ниттил дард ккаккан даншиврул шаэрнал ишла дурну дур аьрабнал дягъулул няк1сса ранг:

Аьт1ий дур нинугу, оьхьхьурду дичлай,
 Дуртунни хьулувух няк1сса чарчавгу,
 Мури зун хьинсса т1ий, няк1сса ц1у ришлай,
 Чачун ялун най дур няк1 чарил ссавгу.

Бусайссар оьрч1ахь «Мажнуннул дуаь» т1исса поэмалуву ккаккан дурну душиву бусалалувун дагъсса эшкьигу, а эшкьи къамул къадуллай, эшкьи авлияшиврун ккалли дуллай хьяхьисса халкьгу. М.-З. Аминовлул цала шеърирдавугу, поэмардавугу яргну ккаккан дуллай ур инсаннал т1ул- т1абиаьтгу, ччаврил хасиятгу:

Оьрму цир, ччаву цир ттухъаннил х1ухчин,
 Оьттул к1иришиву цик1улссар къажун?
 Оьрмулул ц1у-ц1анпир ца ччавур учин,
 Ца вев куна увксса идавсри Мажнун!–

Вана укун ч1алай дур М.-З. Аминовлун ччаву. Ччавугу, виричушивугу Аминовлун цану, цанния-ца бат1ул дан къашайсса оьрмулул хасиятруну ч1алай дур.

Поэма оьрч1ащал ххал бивгъуну, мазрал пасих1шиврул ярагъуннищалсса давугу дурну махь, буч1иссар вния к1ул хьумур жям баврин буч1ан. Ва даву дайссар суаллал кумаграйну:

Мажнунная ва ганал оърмулуя поэма лахъхъаврийну зун ци к1ул хъури?

Цукунсса эпитетру, лашан бавуртту ва метафорарду ишла буну бур шаэрнал Мажнуннул ва ганал буттал х1ал ч1алач1и баншиврул?

Циванни Мажнуннул буттан ччимур къабувсса?

Шаппай оърч1ахъхъун буч1иссар булун поэмалуясса цала пикри чичин.

Хъунмасса Буттал к1анттул ц1анийсса дяввилул ч1умалсса ва дявви къуртал хъуну махъсса шиннардийсса литература лахъхъаву.

Хишала бакъа зах1матсса дявирдаву Германия ва Япония бух бувсса ч1умал жула халкъуннал хъхъич1 бавц1ссар ц1усса хъунисса масъалартту: дяввилий заэв хъусса экономика ччаннай дац1ан даву, лекъа-п1якъу хъусса шагърурду ва шархъурду эяллава гъаз даву, дунияллий паракъатшиву ц1акъ даву.

Та ч1умал жула билаятрал сий ларайну дирк1ссар: дунияллийх машгъур хъуссар немецнал фашистътураря ва японнал дяввичитураря ххув хъусса Совет Аьрал, ччяни экономика ччаннай дац1ан дан бювхъусса халкъ. Жула х1укуматрал дустал ч1яву хъуссар, амма душманталгу чан къавхъуссар. Американал хъуниминнан танива ччай бивк1ссар совет агъали цала ккаккан буллалисса ххуллийх бачин бан. Совет Союзрал рай къабуллуссар гайннахъхъунгу. Байбивхъуссар «бъавкъусса дявви».

Биляят та члумал мискиннува бивклссар, жула кумаграх мюхтажсса бакъа, жунма кумаг бансса биляятру къабивклссар. Амма жула биляят хлалли-хлаллих тлий цинма цуппа буклан бивклссар

1961-ку шинал, жула инсаннал каних бувсса спутник ссавнийн гъан бувссар, алам инсаннайн мюти буллай байбивхъуссар.

Оьрмулун лавхъхъуну литературагу хъхъичлуннай хъит тлий дарчуссар. Ганил хъхъичл бавцлсса масала цлусса инсан тарбия аву дирклссар. Тарбия ан аьркинну бивклссар инсаншиву дусса, за клулсса, элму дурккусса, марцлсса, тлайламуни клунклу тлссса, дугърисса, захлат бангу махъунай акъасса инсан, партиялийн вихсса инсан.

1946-ку шинал цаппара совет чичулт бъякъусса ххуллин багъну, гайхалкъуннал оьрмулуя арх буцлай партиялул къамул бувссар агъамсса хлукму. Га хлукмулул лавайсса кимат бивщуссар амну литературалун ва искусстволун. Амма ккаккан дурссар итадаркъсса диялдакъашивурттугу. Дагъусттаннал республикалул хъуниминнал къулагъас дурссар литературалух ва искусстволух. Гай хлукмурдал кумаг бувссар литература ва искусство оьрмулуцлун дахлаврин, халкъуннал культура гъаз даврин.

1954-ку шинал дартлсса Чичултрал клилчинмур съездрай къамул бувсса хлукмурдал хъунмасса асар биян бувссар литературалийн. Гайннул кумаг бувссар чичултрал пикрирду хъхъичлунмай бачин бан, литературалувусса къяртри, течениярду аьлттуну дачин дан.

Халкъуннал хозяйство гъаз шаврищал архлал Дагъусттаннай щаллу хъанан бивклссар культуралул ва элмулул иширтталсса байсса идарартту. Махлачкъалалий тливтлуссар СССР-данул академиялул Дагъусттаннал филиал. Тливтлуссар мукунма элмурдал цаппара

институтругу. Итабакълан бивкѣссар цѣусса альманахру ва журналлу дагъусттаннал миллатирттал личѣи-личѣисса мазурдий.

Лакрал чичултрал луттирду буклан бивкѣссар оьрус мазрайн таржума бувну, Москавлив. Оьруснал ва цайми халкъуннал чичултрал произведенияртту таржума буллан бивкѣссар лакку мазрайн.

Зувилку шиннардий дуснакъ бувну бивкѣсса лакрал чичулт ххюцѣалку шиннардий мурахас бувну бивкѣссар. Гайннал дурмургу цѣунилгу зана хьуссар халкъунначѣан.

Бишлан бивкѣссар Ибрагъимхалил Кьурбанаьлиевлул ва Мухѣлуттин Чариновлул произведенияртту. Ми ишру савав хьуну, литература хьхьичѣуннай хьанан диркѣссар.

Литературалул темарду гьарта-гьарза хьуссар, шаэртурал чѣурду аьчух хьуссар.

Ряхцѣалку шиннардия шихуннай Дагъусттаннал литература хьиннура авадан хьуссар. Жула хѣлукуматрай бикѣу, шала дунияллий бикѣу машгьур хьуссар яруссаннал шаэр Расул Хѣамзатов. Ганал хьирив машгьур хьуссар ярусса: Фазу Аьлиева, Муса Магомедов; дарги: Ахѣмадхан Абу-Бакар, Рашид Рашидов; лазги: Кьияс Мажидов Ханбича Хаметова; кьумукь: Анвар Аджиев, Махѣаммад-Султан Яхѣьяев; тат-Хизгил Авшалумов ва цаймигу чичулт. Бусравну къамул буллан бивкѣссар Абуталиб Гьапуровлул, Юсуп Хаппалаевлул, Нураттин Юсуповлул, Бадави Рамазановлул, Мирза Махѣаммадовлул, Абачара Хѣусайнаевлул, Ссугьури Увайсовлул, Махѣаммад-Загьид Аминовлул ва цаймигу лакрал чичултрал луттирду.

Та чѣумал поэзиялушал архѣлал цѣулаглан бивкѣссар прозалул жанрарду, оьрчѣансса литература, драматургия. Хьхьичѣванияр чѣяву

хъанан бивк1ссар литературалуха зузисса критиктурал луттирду ва статьярдуну.

Дяъви къуртал хъуну махъ, инсантуран хъанай бивк1мур т1айлану бувч1уну, му ч1умун хас бувну чивчусса произведенияртту най бунува багъну бакъар школалул программардавун. Цаппара шиннардивату цала аьркиншиву ядурсса произведенияртту бур дуклаки оьрч1ал лахъхъин лакрал литературалул программалувунгу бивчуну.

Дяъви къуртал хъуну махъ поэзиялул произведенияртту чивчуну бур Абуталиб Гъапуровлул, Ибрагъим-Халил Къурбанаьлиевлул, Юсуп Хаппалаевлул, Мирза Мах1аммадовлул.

1945-50 ку шиннардий дагъусттаннал литературалуву х1асул хъуну дур аьралий иширттан хас дурсса литературалул къат. Шиву бур лич1и-лич1исса шиннардий – окопирттаву чирчусса назмурдая т1айла хъуну, дяъви къуртал хъуну махъ чивчусса повестьтирттайн бияннинсса произведенияртту.

Лакрал литературалул дарсирдай дяъвилул темалун хас бувну чивчусса произведенияртту лахъхъайссар дянивми классирттаву, урч1улчинмур классраву, яла ац1ния цалчинмур классравугу.

Ва ц1анасса давриву ххал диргъуну дуссар дяъвилун хас бувсса произведенияртту лахъхъаврил лич1и-лич1исса къяйдарду.

Ц1анакулсса ч1умуву хъанакъимунил ч1алач1и буллай бур дяъвилий хъанай бивк1мунил къимат цамур куццуй бишлай бушиву.

Ванин бувну, хъуннасса агъамшиву дур оьрч1ан дяъвилий хъанай бивк1мур цила багъайсса куццуй ч1алач1и баврил, бувч1ин баврил ва зат бувч1ин байни учительнан хъуна дакълакьисса зах1матшивурттал ва мунияту оьрч1ан та зах1матсса оьсса дяъвилуву хъанай бивк1мур оьрч1ан цила багъайсса куццуй бувч1ин бан бюхъаврил.

Урчлулчинмур классраву аьралий литература лахьлахьини х1исавравун ласун багъайссар оьрчлан та оьсса ч1умуя к1улмур. Яла ми произведениярду лахьлан байбишин хьхьич1 учительнал цала хьиннува хьун бакъасса ихтилатраву бусайссар та ч1умун хас бувну чивчусса лакрал, дагъусттаннал, ва оьруснал литературалул произведениярттая, миву ч1алач1и бувсса инсантурал виричушиврия мукунма хьуна бакълай бивк1сса балардая.

Мукунма буч1иссар оьрч1ру к1ул бан та ч1умал лич1и-лич1исса миллатирттал литературардаву дирк1сса темардашал: Ватандалул ва халкъуннал, душманнайнсса зидлил ва цаламиннал чулухуннайсса инсаншиврул, дяъвилийсса инсантурал оьрмулул зах1матшиврул, ххувшаву ласун буллай бивк1сса х1арачатрал, аьралийтурал бивк1у бакъасса гьунардал.

Урчлулчинмур классраву 9-10 ссят лич1и дурну дур дяъвилун хас бувсса произведенияртту лахьхьаврин.

Мукунсса произведениярттуну хьанай бур А. Гьапууровлул «Дакаву чча», «Гьаз хьияра», Р.Х1амзатовлул «Кьурукьру», М. Мах1аммадовлул «Дак1нин бутаву», «Оьрму», «Никру рирщуну бивтссар», Б. Рамазановлул «Урша гьавгь душ».

Дяъвилун хас бувсса произведенияртту лахьхьаврил ц1анасса ч1умал хьуннасса агьамшиву дур. Дяъви кьуртал хьуну хьуннасса ч1ун ларгун душаврин бувну, хьанай бивк1мур бувч1ин бан зах1матри: оьрч1ал ниттил, буттал ппухьлу талай бивк1ун бакъар, минналми ппухьлу дяъвилий бивк1мур бусса куццуй бусан сагьну ливч1ун бакъар. Мунияту зах1матри бувч1ин бан оьрч1ан дяъвилий жула халкъуннал ларсьсса ххувшаврил агьамшиву.

Дагъусттаннал чичултрал дяъвилун хас бувсса произведенияртту лахьлахьини буч1иссар лякьин лич1и-лич1исса га оьрч1ан бувч1ин баврил кьядарду ва жуарду. Ми произведенияртту

лахъхъаврил оърч1ру адав, инсап дуну, цала Ватан ххирану тарбия баврин хъуннасса агъамшиву дуссар.

Ч1явуну чичул цала произведениялийну учин ччимур, мунил гъанусса мяъна дурч1ин даву учительная ганал дарс дишаврил къяйдардая, ганал зузаврия хъар шайссар.

Дяъвилун хас бувсса произведенияртту лахълан байбишин хъхъич1, учительнан багъайссар сакин бан дуклаки оърч1аву га вив ита бакъинсса гъавас.

Бурганну цукунсса даврил жуларду ва дарс дишаврил къяйдарду ишла дан багълай буриг ва журалул литературалул произведенияртту лахълахъини.

Цалчин бурганну мудангу ишла дан буч1ими къяйдардах.

Масалдаран, лекциялул журалий ягу дискуссия ишла дурну дирхъусса дарсирая урч1улчинмур классраву хъунмасса хайр бакъассар, цанчирча, ва оърмулуву оърч1ру лекциялул журалий дарс вив ита дакъин х1адурну къабик1айнут1ий, к1илчингу лекциярдансса материал дакъанут1ий. Яла хайр бумурну ва ишла баймурну урч1улчинмур классраву хъанай бур ихтилатрайну, хаварданул журалий бувч1ин баву. Ихтилат ишла бан бюхълай бур циняв журалул произведенияртту лахълахъини. Му бур учительнал чичул оърмулуя ва дурмуния бусаву, дяъвилун хас бувсса произведение лахълан хъхъич1 мукъувусса бусаву, оърч1ал произведениялул геройнаясса бусаву ва м.ц. журалул ихтилатру.

Дарс дишайни буч1иссар ишла дан беседа баврил къяйдагу. Мунил кумаг байссар оърч1ан к1улмур ва миннан ччимур бувч1ин. Беседа бан буч1иссар лирикалул ва прозалул произведенияртту бувккуну махъ. Ххал бигъаву дан буч1иссар лич1и-лич1исса темардайн бувну: гъуртту хъанакъиминнал (персонажирттал) хасиятру, миннал занакъалашин, произведениялул гъанусса мяъна,

пикри, ми гъарзад члалачли буллалисса мазрал пасихлшиврул ярагъру, дуклаки оърчлал произведениялухсса бургаву, гания бувчлумур.

Ххуйсса къяйдардуну, аьралий литература лахъхъайни, ккалли дан бучлссар литературалул дарсирдай мудан ишла дайсса пасихлсса букваву, дакlnих лавхъхъуну бусаву, бувккумунил, лавхъхъумунил мурад бусаву. Вай къяйдардал кумаг байссар оърчлан зат дакlnий битан, лахълахъимунил мяъна дурчлуну вив итадакъин.

Учительнал ягу ччянива пасихлну буккин хладур бувсса оърчлал пасихлсса буквавил вичли дирхъунайн хъунмасса асар биян байссар. Агъамшиву дуссар оърчлан чичул интонация баявил, ганан произведениялийну учин ччимур бувчлаврил

Дяъвилун хас бувсса произведениярттал гъанусса бутри аьркинссар буккин классраву-ва чарабакъасса тlалавшинни мий произведенияртту лахълахъини.

«Дакlnин бутаву» тlисса назму Мирза Махlаммадовлул хас дурну дур дяъвилул иширттан. Ганил мяъналух бургарча, га шанма бутlуйх дачлин бюхълай бур. Байбихъулий шаэр дакlnин дутлай ур дяъвилул суратру. Шинну ларгун махъгу ганал итталух занайнна дурр цлу ларчлуну, ччурччуну нанисса къатри, багъру, мурхъру, къужлул къаркъала, оьттувусса оърчлал нурчлив, сагъний щинчлав ккаккан къабивтсса хъазамгу ябивхъунма ливчлсса душ. Шаэрнан уттигу баллайнма бур аьрщараяту ва савния нанисса дяъвилул ххурхху. Бивкlu га лащан буллау ур оьттух къанихсса жанаврдануха. Назмулул клилчинмур бутlуву шаэр дакlnин дутлай ур дяъвилийн лавгсса чlумалсса цала тагъар. Та чlумал та ивкlун ур щинкlуй зид бакъасса, инсан къювулий ивчlайшиврия хавар бакъасса, гъарзадрая ххарисса жагъил. Га цавува цува махlаттал хъанай ур, цукунни гъинттул тlутlайх дичайсса арнища бухлан шайсса клинтил замгъар

тлий. Дяввилиий ганан бувчлунни цала даклгу га ар куннасса дирклшиву. Ганаща цащавагу бухлан бювхъуну бур ялун бувклсса обсса бала. Шаэрнан бувчллай бур цала дяввилиий дурсса чувшиву, ниттия ва буттая ирсирай дурклун дирклшиву. Шамулчинмур бутлуву шаэр цлунилгу зана иклай ур дяввилул суратирттайн. Цлунилгу даклнин бутлай ур буттал улклуйн бувтлсса «мах ва чаннан дарцлусса» тлюпан, «а-а бавхъусса ттупал аждагьалул къацллива» цларал ламаращал личлачисса мах, ас-ламус бусса вирттаврал ватан ххассал даву. Дяввилиий чурххал базу къабивтсса шаэр уттигу хладурну ур ватандалухлу цала оьрму харж бан. Га вихну ур вания тинмайгу цала буттал кланттул талихл щищачлав ччанналун бутан къахъунтлививрий. Ва произведениялуву члалачли бувмур ххал бивгъуну махъ, ишла дан бучлиссар хияллаву сурат дан баврил къяйда, дяввилия ихтилат най буну махъ, маслихлат байссар талатаврил сурат хъхьичл дацлан дан, дявви бакъамур кланай хъанакъимур хъхьичл бацлан бан, дяввилийсса талаталт оьрчлал хъхьичл цукун бацллай бурив цлуххин. Ягу ласунну Б. Рамазановлул чирчусса «Урша гъавгъ душ» тлисса назму. Ва назму бучлиссар оьрчлан дурчлин дан дяввилинсса нааьна кунна хъанайсса назму душиву. Шиву шаэр буслай ур дяввилиий мурчли хъусса цала дусная, къини дурккукун, ганал чларав бавцлсса душния.

Байбихъулий шаэр ккаккан дуллай ур дяввилия мурчли хъуну увклсса дуснал тагьар: жагьилнал хъхьичл дур «цланнал пардав», ганал члун гьан дай «щяивклун шугълурдай», цахъва «ивзрав» кунахъхъун ка дулун, ганал «тлитлин дай хъхьичлуннай кару».

Гания гихунмай бур шаэрнал даклнин бичавуртту, буклакиманал хъхьичлгу дацллай дур ганал дус чливинийсса суратру. Га ур щюлли арив пагьламан лахъангу, члатларкларх лухли хъатлу бутангу, дарс лахъхьингу, къавтлун изангу бюхъу бусса оьрчл.

Шамилчинмур бутлуву гава оьрч1 ч1алай ур жагьил хьуну, фронтрайн най, яла – мурч1игу хьуну, шавай увк1ун. Шамила ккаккан бувну бур назмулуву урша гъавгъ душгу. Байбихъулий га бур урша гъавгъун аьт1исса ч1ивисса душ. Ганин къащи дуллай ганил лагма къавт1ий ур шаэрнал дусгу. Яла га ккаккан бувну бур жагьил фронтрайн т1айла уклай. Махъва-махъгу урша гъавгъ душ бур, жагьил дяъвилия мурч1и хьуну увк1укун, ганащал х1атталлив най, жагьил цала ниттил гъаттайн уцлай. Назмулуву дяъвилул ч1умалсса къянатшивугу, инсантурал чувшивугу ч1алач1и дурну дур.

Ва произведение лавхъхьуну, хьирив лавну махъ, буч1иссар оьрч1ахъхьун дулун укунсса журалул даву: «Хияллаву хъхьич1 дац1ан дара назмулуву ч1алач1и дурсса сурат: мурч1и хьусса солдат цала ниттил гъаттай. Бусияра га зула хъхьич1 цукун ац1лай уссарив»

Произведение бувч1аврин хьуннасса агьамшиву дуссар ганиясса пикри оьч1ахъ бусан баврил, ганийн бувну сочинение чичин баврил ва мукунна цаймигу творческий давурттал. Масала, «Дяъвилул арсру къабайссар, бувмигума лит1айссар» ва м.ц.

Хьуннасса бургаву дан багъайссар ч1алач1и пособиартту ишла баврих, лич1исса, цайминнуха къалархъхьусса дарсру дишаврих.

Мукунсса дарсруну хъанахъиссар, масалдаран, концертрал журалий дарс дишаву ягу заочныйсса экскурсия, дарс-путешествие ва м.ц

Мирза Мах1аммадовлул дяъвилун хас дурсса творчество лахълахъини эпиграфну ласун буч1иссар Абачара Х1усайнаевлул дяъвилул дайдихьулун хас бувсса балай:

Та гьи дайдихьулул гъилисса кьини

Оьсса к1усса мукъра шин дайдирхьуна.

Вил пулеметрайсса чаннаннил гъунттуйн

Зев-зев тий ккулларду щилан бивклуна.

Ва эпиграфрал оърчлаву дяъви бивкссса куццуй къамул бансса, гикку хъанай бивкмур бувчинсса макъу сакин дантиссар.

Дакний битан аьркинссар, гьарцагу чичул творчестволул цаннасса хасият диклайшиву. Муних бурувгун учительнангу дарс дишаврил жуарду личи дан багъайшиву.

Дуклаки оърчан бувчлай бикан аьркинссар эпиграфрал мурад, цамур къалавсун га циван лавсэсарив. Оърчал я бурган бан аьркинссар мукума чичул назмурдаву дяъви хлакьну, бивкссса куццуй ккаккан бувсса куццух. Вай гьарзад бувчин кумаг бантиссар назму бюхттулну, дюхханну дуккавил ва оърчалар архал бувккумунил анализ даврил. Му бакъассагу кумаг бан аьркинссар оърчан хъхъичи бацан бан вай назмурду чув, цукунсса тагьарданий чичлай ивксссарив шаэр. Цала дяъвилиясса назмурдаву цунилгу дакнин дичлай ур цала бувхлумур, цанна ккарксса дард-буруккин, хлукуматран хьумур. «Оьрму», «Дакнин бутаву», «Ник къарищунна» тисса назмурдаву шаэр дакнин бичлай ур цаппара дяъвилий цанма ккавксса ишру, члалачи буллайгу ур ва халкъуннал цала тархъаншиврулухсса дяъви бивкшиву. Ва пикри яргну члалачи бувну бур «Ник къарищунна» тисса назмулуву.

Бурганну цукун дишин дурив Мирза Махлammaдoвлул «Дакнин бутаву» тисса назмулийн бувсса дарс.

Мурад:

1.Клул бан дуклаки оърчуру шаэрнал оьрмулушал ва дурмунишал.

2.Кумаг бан оърчан бувчин цуксса рахлму-цлими бакъасса бивксссарив дяъви, цуксса захлматну ларсэсарив жула халкъуннал ххувшаву.

3. Гарбия дан оърчлаву цала Буттал кланттухсса ччаву.

Дарсирай ишла данмур:

1. Мирза Махлammaдoвлул портрет.

2. Дяъвилун хас бувсса произведениярттал луттирду.

3. «Та гъи дайдихъулул гъилисса кьини» тлісса балайлул запись. (Абли Омар Аблиевлул щаллу буллай)

Дарсирал ход:

Учительнал оърчлащалсса беседа.

Учитель. Буссар пиша - цала Ватан дуруччайсса. «Солдатъталну къаляхъайссар. Ватан нигъачлаврилу дусса члумал, солдатътал хъун багъайссар – тлий ивклссар К. Симонов.

«Даклнин бутаву» тлісса назму хъхъичлра-хъхъичл рирщуну дирклссар «Ххуллухъин» тлісса сборникрай 1961-кусса шинал. Назмулул гъануну хъуссар шаэрнан дяъвилул биян бувсса асарду, мунан цанма ккавкмур, баклрачлан бувклмур Буттал кланттул цланийсса дяъвилий талатисса члумал.

Ялув клицл лавгсса куццуй, Мирза Махлammaдoвл дяъвилуву гьуртту хъуну, щавугу дирну ивклун ур, цала асарду, баклрачлан бувклмур мунал творчестволуву члалачли бувну бур.

«Даклнин бутаву» тлісса назмулул текстгу дурккун махъ, ххал бигъайссар оърчлал текст вив ита даркъсса куц.

Учитель: Ссаяту буслай ур Мирза Махлammaдoвл «Даклнин бутаву» тлісса назмулуву?

- Шаэр ва назмулуву дяъвилий хъанай бивклсса ишру члалачли буллай ур.

Дяъвилул суратру ккаккан даншиврул шаэрнал цукунсса образру ишла дуллай ур?

А-а бавхъусса ттупал

Аждагьалул къац1лива

Пуй чайва муххал путал

Арх1алну ц1арал лама.

Цала назмулуну шаэрнал ч1алач1и дурсса дяъвилул суратирттая
бусияра.

-Янсаврал ччуччин бувну

Жиг бавт1сса гьивчул мурхьру,

Оьттуву гьулуvgъусса

Кьаркъаллу мюрщи оьрч1ру.

Шаэрнал назмулул цуми ххуттардиву ч1алач1и дурну дур цала
Ватандалухсса ччаву?

-Ватандалухсса ччаврил

Ххиен байва шанугу,

Душмантурайнсса зидлил

Лиххан байва кашигу.

Цими шинай талай ивк1ссар шаэр Ватандалухлу?

-Шанна шинай.

Цукунсса инсан ур зул пикрилий шаэр?

-Виричувсса, цала ватангу, халкъгу ххирасса:

Бунугу на къабивтун

Чурххал базу дяъвилий

Х1адурссара жан дулун

Уттигу ца иш багъний.

Дяъви къуртал хьуссар къуния арулва миллион инсан жаннац1а
увну. Дяъви къуртал хьуну ч1ярусса шинну ларгнугу, хъанай
бивк1мур инсантурал дак1урдиву чивчунма бур. Шинну циксса

гъарчагу, халкъуннал дак1ниву яхъунт1ссар талай бивк1миннал чувшивугу, цала Ватан фашизмалуя ххассал дан бувсса гьунардугу.

4.Дарсирал итогру.

5.Шардайсса даву. Назмулул к1илчинмур бут1а буккин ва лахъхьин. «Цуч1ав хъама къаивтссар, цич1ав хъама къабивтссар» т1исса проектн1й даврийн х1адур хьун.

VII. ЛАКРАЛ ЛИТЕРАТУРАЛУН ХАС ДУРНУ, КЛАССРАЛ ВА ШКОЛАЛУЛ КЪАТІУВ ДАЙССА ДАВУРТТУ

Школалий классрал къатІувсса даврин хъуннасса агъамшиву дуллай бур. Мунил масаларттуну хъанай бур: оърчІру цила багъайкун тарбия баву, оьннасса чІун личІи-личІисса, миннан ххуй дизайсса, хайр бусса давуртту дуллай тІайла дуккан кумаг баву.

Классраву, лакрал литературалул дарсирай, оърчІан лахъхьин буллай бур произведениялуву бусласимур бувчІинну, чичул магъиршиву хІисавравун ларсун лахъхьин.

Вара даву хъиннура куртІ дуллай дачин дан багълай бур классрал къатІувсса буквавил дарсирдайгу.

Луттирал оърчІан кумаг байссар оърмулувусса ишру бувчІин, ччайгу бикІайссар хъиннува чІявусса кІул бан. Классрал къатІувсса букваву хъанакъиссар оърчІал пикри щаллу бансса, чара бакъа дан аьркинсса давуну.

Махъсса шиннардий захІмат хъуну бур оърчІашал классрал къатІувсса буквавил даву дачин дан. Цанчирча, чІявусса оърчІру кІункІутІи хъуну бур техникалучІан, аьщуйн щуну лахъхъайсса элмурдачІан, спортрачІан. Литература тІурча, гайннал кІилчинмур пландалийн рутлай бур. Мазрал ва литературалул дарс дишайсса учительтал укунсса тагъарданул буржлув буллай бур классравугу, дарсеру къуртал хъуну махъгу кІа иш янила буккан къабитан.

КІулсса куццуй, школалул дуккавил ва тарбия дулаврил даву дарс дишаврийну къуртал хъанай дакъар, архІалла дачин дан багълай бур классрал ва школалул къатІувсса давугу. ХІатта ххуйну даву дирхъусса школалий, опыт бусса учительтурачІа, яла ххуйми методирттай оърчІашал классравусса даву дуллалисса кІанттурдайгума хъунабакълай бур художественный литературалия,

чанну хавар бусса, литературный маз къагІулсса оьрчІру. Ванин сававну классрал къатІувсса литературалул даврих, кружокру зузаврих, литературно-творческий дарсру оьрчІахь дишаврих, литературно-художественный вечерду, экскурсиярду ва м.ц. давуртту дуллалаврих школардаву багъайсса ургъил къабуллалавур.

Учительтуран кІулну бикІан аьркинссар дарсирдаяр махъсса чІун оьрчІал цуксса цанна мюнпатну гъан дуллай буссарив.

Литература дишайсса учитель буржлувссар кІул бан оьрчІан цукунсса луттирду буклан ххирассарив, цукунсса бувккуссарив луттирду, ми ча ласайссарив, цуми журналлу буккайссарив, букваврин нюжмардий цуксса чІун харж дайссарив.

Вай цимурца кІул барча, дуклаки оьрчІачІансса ххуллу лякъин, миннащалсса дахІаву цІакъ дан, оьрчІая цукунсса тІалавшиннарду дан дурив ххал дан бигъа хъунтІиссар.

Школалул къатІалу лахъхьиншиврул, литературалул учительнал чІявуми оьрчІал луттирду ласайсса библиотекалушал дахІаву дан аьркинссар. Мунил мурад оьрчІал цукунсса луттирду буклай бурив ххал бавур.

1)Классрал къатІувсса букваву.

Школалул къатІувсса даву – му хъхьичІра-хъхьичІ, классрал къатІувсса букваву сакин давур.

Цинявгу классирттал программалий ккаккан дурну дур классрал къатІув буккинсса произведениярдал сияхІ. Му сияхІ мйжан дайссар литература дишайсса учительнал, школалул библиотекалувусса луттирду ва оьрчІан кІулмур хІисавравун лавсун. Классрал къатІувсса букваврил дуссар кІира жура:

а) чарабакъа дуккин аьркинсса, дарсирай лархъхьумуницун дархусса, цайнура цала дуккинсса материал;

б) цанма ххуй бизайми, ягу учительнал буккин маслихат бувми луттирду цала мажал хьусса чумал букваву.

Учитель чарабакъа оьрчал классрал кьатувсса буквавил ялув ацан аьркинссар. Ганал бюхъайссаксса кумаг бан аьркинссар классрал кьатув буккин ккаккан бувсса луттирдал библиотека щаллу бан. Библиотекалул зузала клул увну ицан аьркинссар оьрчан классрал кьатув буккин аьркинсса луттирдащал. Мунал луттирду баххана баван аьркинссар нюжмардий, кира нюжмардий цал. Агарда библиотекалуву оьрчан буккин ккаккан бувсса луттирду чанну бухурча, бучиссар дарсирдая махъ классраву бавцуну лахъну букваван. Оьрчая, цала бувкусса произведениялул, ганил авторнал ца, фамилия ва произведениялул чулухунмайсса цала пикри чичаву талав дайссар.

Буккавил ялув каялушиву даврил яла кьулаймур жура хъанакъиссар классрал кьатувсса буквавил дарсру. Ми дарсирдал мурадну хъанакъиссар гьарца оьрчал классрал кьатувсса буквавил ялув каялушиву даву, миннал буквавил хьирив бацлаву.

Классрал кьатувсса буквавил дарсру цакъну дархуну дикан аьркинссар литературалул дарсирдащал ва цаймигу луттирдащалсса даврил жулардащал.

Классрал кьатувсса буквавил дарсирдай дайдирахьусса даву кьуртал хьун бюхъайссар буккултрал конференциярдай, литературалул вечердай ягу ми дарсирдай бюхъайссар жям дан конференциярдай, литературалул вечердай дурсса давуртту. Мукунсса давурттуну хьун бюхъайссар цала улча лахъхьаврил ялувсса давурттугу (оьрчал бюхьулук бурувгун).

Литературалул программалул, шинал мутталий гьарцагу классраву мяйра дарс классрал къатIувсса букваврин ишла дан ккаккан дурну дур.

Классрал къатIувсса букваврил план даннин хьхьичI, хьинну хьирив лавну, буккинсса луттирду личIи бувну бикIан аьркинссар.

Мивусса произведенияртту бикIан аьркинссар идеялул ва художествалул чулуха лавайсса, ххуй бизансса, оьрчIан бигьану бувчIинсса. Ми произведениярттал оьрчIал кIулшиву ларай дайссар, букваврил усттаршиву магьир дайссар, хияллаву сурат даву итххяххан дайссар, пикри буллали айссар.

Классрал къатIувсса букваврил дарсру дишаврил къяйдардал агьамшиву чIирисса дакъар. Вай дарсирдай цирда литературалул дарсирдайнир чIяруну ишла дайссар хьирив бацIавуртту, ххал бигьавуртту, хIала бакъайссар тIуркIулул бутIри, личIи-личIисса журулул сценкартту, конкурсу (бяс-ччаллий буквавуртту).

Классрал къатIувсса букваврил дарсирдал план дайссар ми дарсирдал хьхьичI бавцIусса масаларттайн чул бивщуну, миннул литературалул дарсирдащалсса дахIаврих бурувгун. Букваврил дарсирдал план дан аьркинссар учительнал цанма къулайсса куццуй. Мунаща бюхъайссар хьхьичIра-хьхьичIисса байбихьулул дарс классрал къатIувсса букваврий каялувшиву даврил цалчинмур шачIануну ккалли дан.

Ми дарсирдай оьрчIан букваврих гьира бутан аьркинссар. Букъавккуманаща луттирдал геройтураясса ихтилатравух хIала уххан къабюхъантIиссар, му давривух хIала уххан ччарча буклан багъантIиссар. Классрал къатIувсса букваврил дарс дишаврил яла къулаймур жура хьанахьиссар – конкурс, бяст-ччал.

Цинявгу классирттаву 2-3 дарс харж дан бучИссар даКІнихсса творчествалун, бюхъавай чІявусса шаммарду даКІних лахъхьин маслихат барча ххуйну хъунтИссар.

Классрал къатІувсса буккавил дарсру хас дурну дикІан бюхъайссар лакрал ва дагъусттаннал халкъуннал даКІнихсса творчествалун лакрал ва дагъусттаннал чичултрал произведенияртташал кІул шаврин.

Дарсирайн хІадур дурсса материалданух урувгун учительнал хІадур байссар цала бансса ихтилат.

Хьинну ххуйну хъунтИссар дарсирай кІиці лагансса луттирдал выставка дарча. Учительнал хъунмасса бияла буссар гъарца оърчі цацава бюхъайсса хІарачат буну, гъира бувтун, дарсирайн хІадур аврин.

Махъсса классрал къатІувсса буккавил дарсру, шала шинал мутталий бувккумунил ккал даврин хас дарча бучИссар. Ххуйну хъунтИссар, агар ва дарсирайгу хъхъичІра-хъхъичІсса классрал къатІувсса буккавил дарсирай куна, библиотекарь гъуртту хъурча. Му учІан аьркинссар оърчіал бувккусса луттирду чивчусса карточкардугу ларсун. Мунал оърчіахъ бусайссар буккавил агъамшиврияту ва ларгсса шинал чІявусса луттирду бувккусса оърчіаяту.

Аьмну шала классрал буккавил къимат бишлашини, библиотекарнал ва давривух хІала буххан байссар цаппара буккултгу. ЦІуххайссар миннахъ цумур бунугу луттираясса цала пикри, даКІний ливчІсса геройтурал, цанма яла гужсса асар биян бувсса иширттая (ихтилат банми хъхъичІва хІадур бан бучИссар).

Дарсирал ахирданий учительнал оърчіру кІул байссар гъинтнил мутталий дуккинсса литературалушал. Литературалул сияхІ дикІан аьркинссар хъун дакъасса, бувчІин бан аьркинссар сияхІрайсса

луттирду бакъассагу, оърчІан буккин аьркиншиву цанма ххуй бизайсса цаймигу луттирду.

Гъинттул буккинсса луттирдал маслихІат буллалени, учительнал ми луттирду оърчІан ккаккан байссар, миннуя гьарцаннуя бусайссар, баян байссар дучІантІисса дуккаврил шиналсса цалчинмур дарс гъинттул бувккумунин хас дантІишиву.

БучІиссар оърчІан буккултрал дневникру бачин баву маслихІат бангу. Ми дневникру бачин бансса куц оърчІан шинал мутталий лахъхьин бувну бикІан аьркинссар.

Дневник баншиврул тетрадь кІива бутІуйх бачІайссар. Мунил цалчинмур бутІуй чичайссар циняв бувккусса луттирду: цал автор, яла луттирал цІа, лу итабавкъусса шин, художникнан цІа. КІилчинмур бутІа оърчІал цанма ххуй бивзсса луттирал чулухунмайсса цала пикри чичаврин харж байссар.

Чичаврил жуарду дикІайссар личІи-личІисса. Му бюхъайссар бикІан щаллусса луттирал кьимат бищаву, (гьуртту хъанахъиминнаясса хавар, текстрава цанма дакІний ливчІмур парча, цумур бунугу цанма хъинну асар биян бувсса сурат). Мукун личІи-личІисса давурттая оърчІру махъунмай къахъунтІиссар. Му дневникрал хъирив лаяврийну учительнаща цала оърчІал кІулшивугу, букваврил даражагу хІисавравун лавсун, классрал къатІувсса букваврил дарсру дишаврил цаймигу къяйдарду лякьин бюхъантІиссар.

2Классрал къатІувсса букваврил дарсру дишаврил къяйда ва миннул мурад.

Лакрал литературалул программалийн бувну дуклаки оърчІру кІул хьун тІий бур халкъуннал дакІнихсса творчестволул произведениярдашал, дагъусттаннал халкъуннал хьхьичІазаманнайсса, революция хьуну мукъахсса, дяъвилул шиннардийсса ва цІанасса чІумалсса оърмулушал ва багъу-бизулушал. Укунсса журалул произведенияртту классраву, лакрал литературалул дарсирдай бакъа, классрал къатІувсса буккавил дарсирдайгу лахьхьин ккаккан бувну бур программалий.

Классрал къатІувсса буккавил дарсру чІяруну дишайссар (беседалул) оърчІащалсса ихтилатрал журалий. Ми дарсирдай дуклаки оърчІаву тарбия бан аьркинссар инсаншиву, адав мяьрипат.

Классрал къатІувсса буккавил дарсирдай оърчІан пикри буллан лахьхьайссар, инсантурал дянивсса арарду, лагма-ялтту хьанахьимур бувчІлан бикІайссар.

Лакрал литературалул ва мукунма оьруснал литературалул дарсирдай лахьхьайсса произведениярттал темарду кунничІан ку гьансса духьукун, ва иш хІисавравун лавсун, лакрал ва оьрус литературалул дарсру куннишал ку дархІуну диширча ххуйну хьунтІиссар. Учителънал ва оърчІал дянивсса ихтилатрал зумуну сакин дурсса дарсирдал оърчІал маз итххяххаврин, пасихІ шаврин агьамшиву дуссар. Вай ляличІишивуртту хІисавравун ларсун аьркинссар дарсирдал план сакин дан.

Учителънал ва дуклаки оърчІал дянивсса ихтилатрал журалий дарс дишиншиврул лахьлахьисса произведениялушал оърчІру дарсирайнинва кІул хьуну бикІан аьркинссар, дарсирай тІурча, ихтилат суаллал ва жавабирттал кумаграйну бачинтІиссар.

Ихтилатрал кумаграйну дарс дишайни ишла дайсса жулардуну хьанахьиссар произведениялул хьирив лаяву, диспутру, семинарду,

конференциярдугу, бюхълай бухъурча, чичултращалсса хьунабакъавуртту.

Дарсирал сакиншинна лахълахъисса произведениялул лагрулия ва дарсирал мурадрая хъар шайссар.

Ихтилатрал журалий дирхъусса дарсирал хъхъичІ бикІан аьркинссар хъирив лаян аьркинсса масала. Му масала хас байссар ца хъунмасса, мяьналул чулуха хІала бувхсса произведениялун, ягу кІива-шанма ца темалун хас бувсса произведениярттан.

Журалух бурувгун классрал къатІувсса букваврин хас дурсса дарсру дикІайссар:

а) байбихъулул дарс;

б) хъунмасса художественный произведение цайнува цала буккин ва бувчІин бан хІадур буллалисса дарс;

в) бувккумур куртІ буллау, миннул хъирив лаллалисса дарс;

г) бувккумур, лавхъхъумур жям буллалисса дарс.

Ца произведение лахъхъаврин вайксса ссятру харж дан бюхълай бакъар. Беседалул журалий дирхъусса дарсирдал мурадгу цайнува цала бувккусса произведениялувусса адаврал, инсаншиврул масаларттах, личІинувасса ягу бурган бувну, гай иширттах гъарцаннал цала ургаву сакин дан бюхъаву дур. Му мурадрал тІурча чІяруну, кІира журалийсса дарс дишаву тІалав дуллау дур – ихтилатрал журалий ва диспутрал журалий.

3. Классрал къатІувсса букваву ва мунил классравусса букваврищалсса дахІаву.

Цанасса чӀумуву школарттал ишла дуллалисса лакрал литературалул программалий дуллуну дур шанна журалул сияхӀ: классраву, классрал къатӀув ва цайнува цала буккинсса произведениярттал.

Программалий хьхьичӀра-хьхьичӀ ккаккан дурну, дуллуну дуссар чарабакъа лахьхьин аьркинсса произведениярттал сияхӀ, гайннул хьирив оьрчӀал цала буккинсса, кӀайва чичултрал произведенияртту, яла гьарца классрал программалул ахирданий классрал къатӀув оьрчӀал буккинсса произведениярдал сияхӀ.

Программа ххал дигълан бивкӀукун, чӀалай бур дуклаки оьрчӀан биялсса луттирду буккин аьркиншиву. Буклакаврия оьрчӀан хайр бикӀаншиврул учительнан вай шаннагу сияхӀрайсса произведенияртту аькълу буну куннишал ку бахӀин аьркинссар.

Цукунни дахӀаву дан аьркинсса классраву лахьхьинсса ва классрал къатӀув буккинсса произведениярттал дянив?

Классрал къатӀув буккинсса произведенияртту личӀи буллалини учительнал хӀарачат бан аьркинссар личӀий бан мяьналул ва мурадрал чулуха классраву лахьхьайминнучӀан гъансса, мунил кумаг байссар программалул материалдануя кӀулмур куртӀи бан.

Классраву ва классрал къатӀув лахьхьинсса произведениярттаву бур цава ца авторнал чивчусса произведенияртту. Ми чӀявумур чӀумал хас бувну бур ца чӀумун, ца темалун. Классравугу, классрал къатӀувгу лахьхьин ккаккан бувну бур А. Омаровлул, Гузунхъал ХӀасаннул, ТтурчӀиял, Маммадайл, М. Чариновлул, .М Алиевлул произведенияртту. Миннал произведенияртту классраву лахьхьин ккаккан бувми ва классрал къатӀув лахьхьин ккаккан бувми, мяьналул ва мурадрал чулуха кунничӀан ку гъансса бур. Му бакъассагу, классраву цума унугу авторнал биографиялушал ва ганал дурмунишал учительнаща оьрчӀру биялну кӀул бан хьанай бакъар

чІун диялсса дакъашиврийн бувну, классрал къатІувсса буквавил дарсирай тІурча, учительнаща бюхъантІиссар авторная бикІу, произведениелия бикІу лавхъхъумур гьарта бувну, куртІ бан.

4.Классрал къатІувсса буквавил дарсирдал сакиншинна ва микку даву дачин даврил къяйдарду.

Классрал къатІувсса буквавил дарсирай учительнал даву дачин дайссар щала классравусса оьрчІащал. Циняв оьрчІащал зузини чІалан дикІайссар учительнан дарс дишинсса куцгу, га сакин дансса къяйдагу.

ЧІяруну дарс дишайссар яларай чІалачІи дурсса куццуй:

- 1) ХъхъичІмахъ;
- 2) ОьрчІал бувккумунихсса бургаву ххал дигьин кунмасса суаллу;
- 3) Лахълахъисса произведениялийн бувсса ихтилат;
- 4) Лавхъхъумур учительнал оьрчІащал жям баву.

БувчІайсса зад бур, ялув чІалачІисса схемалия учитель произведениялул хасиятрах, журалух урувгун, тинай, шинай хъунгу бучІишиву. Агарда дарсирай ххал бигълай бухъурча оьрчІан хъхъичІавагу ххуйну кІулсса чичу, му чІумал хъхъичІмахъ личІину аьркин къашайссар, дарс сакин даву учительнаща даххана дан бюхъайссар оьрчІан кІулмур ва миннал гъира хІисавравун лавсун, амма чІяруми дарсеру цирда ларай чІалачІи дурсса журалийри дишайсса.

БацІанну дарсирал гьарца шачІанттуй. ХъхъичІмахъ чІявумур чІумал учительнахъри бикІайсса, мунил кумаг байссар лахълахъисса произведениялул мяъна куртІну дурчІин. Цила мурадрах бурувгун, чІявумур чІумал, му чичул оьрмулия ва мунал дурмуниясса

ихтилатри бикІайсса. Ихтилат хІадур байни, учительнал личІи байссар оърчІан лахълансса произведениялул гъанусса мяъна дурчІин дан кунмасса кІанттурду. Чичул оърмулуя бусласисса ихтилат бикІан аъркинссар оърчІал оърмулух бурувгун, гайннаща цахъва бусласимур бувчІин бюхъан кунмасса. Ца - ца чІумал гъану бикІайссар оърчІахъ чичул оърмулувасса, хІакъину хъусса, дуклаки оърчІан ххуй бизансса кунмасса кІанттурдугу бусаварча.

ЧІявуми лакрал бикІу, цайми миллатирттал чичултрал биографияртту бикІу, литературалул хрестоматиярдай, миннал цала чивчусса, луттирачІансса хъхъичІмукъуву буллуну буссар.

Биографиялул бутІа, ягу щала произведение лахъланнин хъхъичІ учительнал буккирча ягу бусарча, мунил оърчІру произведение вив итабакъаврин хІадур байссар. Цаппара произведениярдачІан буллусса хъхъичІмукъул оърчІан произведение буккин ва вив итабакъин кумаг байссар, мукума хъхъичІмахъ букваву произведение лахъланнинсса хъхъичІмукъун ккалли бан бучІиссар. ЧІявумур чІумал, хъхъичІмукъуву, учительнал бусайссар га произведение чивчусса чІумуя, чІумун хасъсса личІи-личІисса ахІвалданул инсантурал хасиятирттая, произведениялуву хъанакъисса иширттая.

ХъхъичІмукъуву учительнаща бюхъайссар бувчІин бан оърчІан къакІулсса, произведениялул текст дуклакини захІмат бизан кунмасса махъругу.

ХъхъичІмукъул хъирив учительнал ххал бигъайссар оърчІал хъхъичІва бувккуну бивкІсса, цІана дарсирай ххал бигълагъисса произведениялухсса оърчІал бургаву. Му ххал бигъиншиврул учительнал оърчІахъхъун га произведениялуясса суаллу булайссар, суаллу хъинну пикри бувну сакин байссар, оърчІал кІулшиврул даражалух бурувгун.

Дарсирал гъанумур кІану бугъайссар бувккусса луттирайн бувну бувсса ихтилатрал, ихтилат оьрчІан ххуй бизанну гъайссар агарда суаллу тІайлану, произведениялул гъанусса мяъна дурчІин данну, гьуртту хъанакъиминнан лайкъсса кьимат бищунну бивхьуну бухьурча.

Дарсирай я бурган бан аьркинссар оьрчІал оьрмулук ва миннал художественный литература дуккавил даражалук.

Дарсирал махъва махъмур бутІуву учительнал оьрчІашал лавхъхьумур жям байссар. Цала ихтилатраву учительнал оьрчІан дакІин бичайссар произведениялул бувчІин захІматми кІанттурду, ми цІунилгу бувчІин байссар. Шиккува учительнал кьимат бищайссар оьрчІал суаллан дуллусса жавабирттан, аьркинну бухьурча гай тІайла дацІангу дайссар. Цала ихтилатраву учительнал цал ялагу кІицІ лагайссар лахълахъисса произведениялул, бувккусса луттирал ххуйми кІанттурду, аьркинну духьурча чІалачІи дайссар диялдакъашивуртту.

Классрал къатІувсса буккавил дарсирдай ишла дайсса личІи-личІисса лахъхъин баврил къяйдардаву агъамсса кІану бугъайссар пасихІну буккавил, личІи-личІисса мурад бусаврил жулардал, дакІиних суаллан жаваб дулаврил, дакІинихсса сочинениярттал ва докладирттал. Вай хъанай дур дакІинихсса даврил жуларду.

ДакІинихсса дакъассагу, классрал къатІувсса буккавил дарсирдай, бувккусса произведениялийн бувну, чичрулул давурттугу дайссар.

Чичрулул давурттуну хъанай дур бувккумунил план чичаву, личІи бувну цитатарду чичаву, чичрулий суаллан жавабру дулаву, изложенияртту даву, бувккумунил кутІасса мурад чичаву.

Классрал къатІувсса буккавил дарсирай яла чІяруну ишла дайсса даврил жура ялагу хъанай дур пасихІну, бюхханну буккаву.

Классрал къатIув буккайсса произведениярду оърчIал ччянива бувккун бивкIун бухьукун, гайннан текст щала дакIнийгу къадикIайссар, мунияту учительнал ччянива хIадур бан аьркинссар бюхханну буккинсса бутIри, ми бутIри цивпагу бучIиссар тарихращал бавхIусса ягу цума унугу геройнал хасиятран къимат бишлайсса бухьурча.

ЧIявуну, дуклакиминнан ххуй къабивзсса произведенияртту учительнал пасихIсса буккавил, гайннул чулухунмайсса асар чIунийну ккаккан баврил, ххира байссар. Агарда буккуща цала буклакимунил мурад, мяъна чIунийну дурчIин дан бюхълай бухьурча, му буккаву бачIва яруннийну буккавуняр цукссагу хьинссар.

Произведениялул хьирив лаявил дайдихьулий текст ккалаккени, оърчIая тIалав дайссар пикри бувсса буккаву. ПасихIну, бюхханну буккайни тIурча, му пикри баву хьиннура тIалав дан аьркинссар, цанчирча, пасихIсса буккавин хIадур байни, произведениялул гъанусса мяънагу, сакиншиннагу, мазгу ххал бивгьуну буну тIий. Бюхханну, пасихIну буккавил бюхьу бусса чIумал, оърчIру буклакимунил пикри буллан бикIайссар, бувккумур гайннан бигъану бувчIайссар ва га произведение асар шайссар. Мунищала архIал дуклакиминнал мазгу итххяххайссар. Текстрал хьирив лаллалени, пасихIну буклакини, оърчIан лакку мазраву ишла дайсса калимарду дакIний личIайссар, маз авадан шайссар, миннал гьалгъа мяъна дусса ва пасихIсса бикIайссар.

ЧIявумий дуклаки оърчIал буккаву дикIай ца чIунийнусса, бизарсса, я мурад, я гъанусса мяъна дурчIаврин цичIав кумаг къабуллалисса. Му бакъассагу буклай бикIай къухьнану, махьру баччан буллай, букъавчIинну.

ОьрчІан мудан дакІний бикІан аьркинссар цала букваву мудангу тІайласса, бувчІинсса, пасихІсса дикІан аьркиншиву.

Цири оьрчІан кІулну бикІан аьркинсса пасихІну буквавил усттаршивруя?

ПасихІну буквавил яла агьанмур бутІану хъанахъиссар оьрчІаща чІунил кумаграйну личІи-личІисса пикрирдал ва асардал жуарду ккаккан бан бюхъаву.

ОьрчІан пасихІну буккин лахъхъин баншиврул хъун бакъасса произведение ягу мунил бутІа ласун аьркинссар. Гьанусса мяьна дурчІиншиврул текст оьрчІахъ цавува цала дуккин байссар, яла ххал бигъайссар га буккинсса чІунил жура. Буклакима, чІунил журалийну, произведениялувусса пашмансса асардугу, дакІнихтунусса хъяхъавугу, шадсса макъугу ккаккан дан бюхълай икІан аьркинссар. Тари дурну хъинсса классрал къатІувсса буквавил дарсирай пасихІсса букваву, произведениялул хъирив лаяннин ягу хъирив лавну махъ.

Произведение дахъва лахълай байбивхъусса чІумал, оьрчІаща кІанийн дагъсса букваву дан къашайссар. ПасихІсса букваву, произведение ххал бигълагъисса чІумал, ягу ххал бивгъуну махъ дарча къулайну хъунтІиссар.

Дуклаки оьрчІан кІулну дикІан аьркинссар произведениялул аьмсса мяьна, сипатру, сакиншинна, буквавил анаваршиврул даража.

Дуккавил шинал ахирданийнин, оьрчІал буквавил даража лавай хъуну, маз пасихІ хъуну бикІан аьркинссар.

Миннан му чІумал бувчІуну бикІан аьркинссар пикри бувсса, аьркинсса куцуй, гьарца чичрулул лишаннай бацІлай дурсса бюхттулсса (лахъсса) букваву, пасихІсса букваву хъанай душиву.

ПасихІну буккин лахъхъин баврил ялувсса даву дуллан аьркинссар хъхъичІра хІадур дурсса пландалийн бувну. Асар хъунну буккинсса хаварду ва назмурду учительнал ччянира личІи дурну, хІадур дайссар, гай цирдагу оьрчІан асар биян бансса, маз магьир бансса дикІан аьркинссар.

Классрал къатІувсса буквавил дарсирай литературалул произведение ххал бигъайни, цимилагу кІура баян багъай ганил мурадрачІан. Ва чІумаллив ишла дан багъай гъануми лакрал литературалул дарсирдай ишла дайсса, личІи-личІисса журалул мурад бусавуртту.

Дянивми классирттаву ишла дай текстрачІан гъансса, кутІа дурсса, цумур бунугу язи бувгъуну, личІи бувсса бутІул мурад бусавуртту. Вай цинярдагу журалул мурад бусавуртту даншиврул, цила багъайкунсса хІадуршин дикІан аьркинссар – текст цавура цала дуккин, лахъну дуккин, бувккумунил план сакин дан, захІматсса махъру ва калимартту дакІний дитансса хІарачат бан. Текстрал мурад бусаврил циняр журарду ишла дайссар цирда литературалул дарсирдайгу, классрал къатІувсса буквавил дарсирдайгу, классрал къатІувсса буквавил дарсирдайгу произведение лахъхъаврил циняв шачІунттай.

5.Классрал къатІувсса буквавил каялушиву даву.

ОьрчІру тарбия бан ишла дайсса личІи-личІисса давурттал кумаграйну, ми цайнува цала пикри бувсса буквавилхун багъну, цайнува цала ххуйсса лу личІи бувну, цила багъайкун ганил мурадгу бувчІуну, произведениелува хъанахъимунил миннан асар биян бувну бухъурча – му тІайлабацІулун ккалли бан бучІиссар.

Махъсса шиннардий, жула халкъуннал маэшат ссуссукуь хьуну, оьрму бутан захІмат хьуну бухьурчагу, газетру, луттирду, журналлу букъачІайсса кулпатру чанну бур, чІявуминначІа шаппа бур цала библиотекартту, бур библиотекартту шярваллил кІанттурдай, райцентрдай, оьрчІру дуклакисса школарттай. Амма оьрчІал цайнува цала буккаврил даража тІурча, хьинну лагъсса бур. ОьрчІал цайнура цала дурккумур ххал дуллалисса чІумал, чІалай бур, миннал буккаврихсса гьира багъайсса даражалийн биян бувашиву, бувккумунил мурад ва мяънагу миннан багъайсса куццуй дурчІлай дакъашиву. Ва иш, тагьар хьунадакълай дур чІявуми лакрал районнай яхъанахъисса дуклаки оьрчІачІа, мунияту цин лавхъхъусса асар биян буллай бур миннал тарбиялийн.

ОьрчІру цайнура цала художественный литература дуклансса даражалийн бичин дайсса давуртту лакрал чІявуми школарттай хІурану дур ва му оьрмулул тІалавшин дуллалисса тагьарданин диян архри. ЧІявуми дуклаки оьрчІан цанна кІулну дакъар дуклан аьркинмур, буклай бур бири-биривсса луттирду. Дуклаки оьрчІал буккаврил хьирив лаяврил чІалачІи буллай бур миннал лакрал литературалух къулагъас дакъашиву, буккайнигу шеърилий чивчусса ва драмалул произведениярттах бакІ дугълай бакъашиву. Буккаврил даража, буккаврил чулухунмайсса бургаву личІи-личІисса школарттай ва личІи-личІисса классирттаву ца лавхъхъусса дакъар. ЧІявумур чІумал оьрчІал ми бюхьурду литературалул дарс дишайсса учительнал даврия хьар хъанай дур. Цала даврил хІал кІулсса, литературалул дарсеру дишайсса, учительтурал маслихІат буллай бур оьрчІан цайнува цивппа гьира бутансса цаппара къяйдарду.

ОьрчІан буккаврихсса гьира бутаншиврул факультативный занятиярттай учительнал маслихІат байссар, буккин лахълахъисса авторнал цаймигу оьрчІан ххуй бизан кунмасса произведенияртту.

Масала, Ттурчиял Маммадайл «Баргъ бивунни сундаров», Ккурккуллал Щаза «Зайдилов Мах1аммадлухасса зума», С. Гъабиев «Х1атталлив», Гъ Саэдов «Зунттаву къунттал дянив» назмурдащал оърч1ру к1ул буллалини, оърч1ан чичул творчестволуя к1улмур гьарта баву мурадрай маслих1ат байссар буккин вайннала цайми произведениярттугу. Бусайссар чичулт вай назмурдаву шаэртурал Лакку к1анттухсса ччаву, к1анил тарихрахсса, миллатрахсса ччаву, к1икку инсантурал дуллалимунил чулухунмайсса х1урмат ч1алач1и буллай ушиву.

Оърч1ан букваврихсса гъира бутаврил дур цамургу жура – дарсирдащал ва микку дайсса давурттащал дах1аву дакъассагу учительнал цала бувккумур оърч1ан ххуй бизанну бусаву. Оърч1ахъ, цанма бувккуну ххуй бивзсса луттирдая ва миннул биян бувсса асардануя учительнаша бюхъайссар бусан дарсирай, переменалий, оърч1ащал экскурсиялий лавгсса к1анай. Оърч1ан луттирдах гъира бутангу, цала бувккумур оърч1ан ххуй бизанну бусангу, учитель цал цува ххуйсса буккуну ик1ан аьркинссар – ва хъанахъиссар литература дишайсса учительнаясса хъхъич1ра-хъхъич1сса т1алавшинна.

Классрал къат1увсса букваврий каялувшиву даву мурадрай, учительнан аьркинссар оърч1ан буккин маслих1ат буллалисса луттирдал сиях1 классраву, ч1алач1исса к1анай лахъан. Буч1иссар лахъан «Ц1усса луттирду» т1исса плакатгу, муний чичайссар луттиран ц1а, мунил кут1асса мурад, му цуппагу учительнаша бюхъайссар ккаккан бан классрал хъхъич1.

Литература дишайсса учительнал кумагчину ик1ан аьркинссар библиотекарь. Му сакин дуллай ик1ан аьркинссар ч1ун-ч1умуй ц1уну бувксса луттирдал выставка.

Хъунмасса мюнпат буссар дуклаки оърч1ал дянива луттирду буккин ххирасса оърч1ру лич1и бувну, миннал кумаграйну

буккайминнал аьдад хьун дарча. Буккин ххираминнал группалул дуллансса даврин ца агьанмур журану бучИссар ккалли дан миннал цала бувккусса луттирдая кутIасса мурад чивчуну, классрал чIирай лахъаву, мунил оьрчIру буквавийн кIункIу бантIиссар.

Литературалул дарс дишайсса учительнан, оьрчIал буквавил даража гьаз баву мурадрай дачIи шинал мутталий кIила-шамила миннан кIулмур ххал бигьайсса классрал кьатIувсса буквавил дарс дайссар.

Гьарца дуклаки оьрчIал кутIану цала бувккумуния, цанма ххуй бивзмуния бусайссар. Учителнал бусайссар цанма агьамну чIалачIисса призведенияйдая. Ахирданий учитель ацIайссар оьрчIан уттигу кIул хьун аьркинсса агьамсса луттирдай.

5. Библиотекалул даву ва библиографиялиясса кIулишуву ласун кумаг бансса давуртту.

Цанакулсса оьрму баххана хьуну бунугу, чIявуми инсантурал луттирахсса кьулагъас чан хьуну дунугу, инсаннал оьрмулуву луттирал бугьайсса кIану хьинну агьамсса бушиву – му щак бакъасса зат хьанай бур. Мунияту учительтурал, аьлимтурал, чичултрал, критиктурал, библиотекартурал я бурган бан аьркинссар оьрчIру тарбия бавриву луттирал бугьлагъисса кIанттух ва миннул биялалух. Хьуннасса агьамшиву дуссар оьрчIан луттиращал зана-къала хьун лахъхьин баврих, луттирал справочный аппарат ишла бан лахъхьин баврих, гьарца кьини оьрчIру луттирачIан кIункIу тIунсса хасият хьун даврих, луттирдащал бакъа газет-журналлащал зун лахъхьин баврих.

Гьарцагу школа кьуртал буллалисса оьрчІан кІулну бикІан аьркинссар луттирал сакиншинна ялтутува бурувгун мунил мурад кІул бан, цайнува цала библиотекалуву цанма аьркинсса лу лякьин.

Ва даву оьрчІашал лахьхьаврий каялувшиву дан аьркинссар литературалул дарс дишайсса учительнал, школалийсса, шьравусса библиотекарттай узиминнал.

ОьрчІан луттирдая, ми сакин баврия, тарихрая, га итабакьин хІадур бавриясса кІулшиву ялавайми классирттавар дуллай байбишайсса.

ОьрчІашал ялавайми классраву лавхьхьумур куртІ байссар, миннан библиографиялуясса кІулшиву дулайссар, справочный аппарат ишла бан лахьхьин байссар, ва мукумма лахьхьин байссар библиографиялул сияхІру ишла дурну, цанна аьркинсса литература лякьин.

Лавайми классирттаву дуклакисса оьрчІаша цанна аьркин дансса литература мюрщиминнансса ва хьуниминнансса библиотекарттаву лякьин бюхълай икІан аьркинссар.

6. Литературалул кружок.

Школалийсса литературалул кружокраву чІявуну гьуртту шайссар лавайми классирттаву дуклакисса оьрчІру.

Литературалул кружокравусса даврил оьрчІал гьира цукунсса произведениярттах бурив кІул бан кумаг байссар, мазрал чулухуннайсса кІулши шаврин, оьрчІавусса гьунарду итхяххан баврин мадарасса кумаг байссар.

Кружокраву цачІун байссар ца классравусса, ягу ганищала архІалсса классирттавусса оьрчІру. Кружокрал даврил чул бишлашиссар оьрчІал бюхъулийн, гьунардануйн, гьирарайн. Цайнура

цала дуллалисса даврил жура личИй дурну, цува рязину кружокрал давривух гьуртту шаврил, оьрчІал давривух гьансса гьира гьаз байссар.

Кружокрал даврил гьанусса мурад – оьрчІан цайнура цала даву бакІрайн ласун кумаг баву ва миннавусса гьунарду ялун личин баву хьанахьиссар.

Каялувшиву дуллалиминнал кружокрал гьарца членнахьхьун ганал бюхьулуха лархьхьусса даву дулаван аьркинссар. Так му чІумалли оьрчІал гьунар ялун личин бан кумаг хьунтІисса.

Кружокрал план най бунува дачІи шинайсса хІадур дайссар, гьуртту хьанахьими зуруй кІила-шамила батІинсса куццуй.

Махъра-махъсса батІаву оьрчІан лавхьхьумур жям баврин хас дайссар. Кружокрал члентал бавтІминнал хьхьичІун буккан бюхьайссар хьун бакъасса пьесалуцал, концерттрацал, цайми личІи-личІисса даврил жулардацал.

Литературалул кружокраву гьуртту хьанахьими библиотекарнал, литературалул дарс дишайсса учительнал хьхьичІунсса кумагчиталну хьанахьиссар. Миннал оьрчІру лакку мазрай чивчусса луттирдацал кІул байссар, классрал къатІувсса букваву сакин даврин кумаг байссар.

Буккултрал кружокрал агьамсса давуну хьанахьиссар, программалувун букъавхсса произведенияртту букваву ва миннул хьирив лаяву. Ми произведенияртту оьрчІал буккайссар занятиярдай ягу шаппа.

Занятиярттай байсса литературный тІуркІурдал (викторинарттал, литературалул лото, цумур-дунугу темалун хас бувсса учалартту, бусалартту батІаврил) тІабиаьтрал, лагма-ялттумунил, инсантурал оьрмулул хьирив бацІаву дурну, чивчусса хавардал оьрчІру, чантІ учин бувну, итххяххан байссар.

Ва кружокрал дауну ялагу хъанахъиссар литературалун хас дурсса вечерду ва утренникру даву, ми вечердай, утренникирттай выставкарду даву, чИрал газетру итабакъаву, альбомру хIадур баву.

Къулайну хъунтIиссар агар хъхъичIсса дарсру хас дарча «Ттун ххуй бизайсса луттирду» «Ттун ххирасса лакрал чичу» ва м.ц. темардан.

Кружокрал давривун духлахиссар республикалийсса чичултращалсса хъунабакъавуртту сакин даву. ЧIяруну кружокрал заседаниярттал ххал дигъайссар гъуртту хъанахъиминнал чИрал газетрайн чирчусса макьалартту, цала ляхъан дурсса назмурду, хаварду. Ххуйми материаллу чИрал газетрай, ягу кружокрал альбомрай рищайссар.

7. Литературалул кружокрай цала улча ва мунил лавгмур лахъхъаву.

Классрал къатIув дайсса даврил жураардаву агъамсса кIану бугълай бур улча лахъхъаврил. Тарбия баву ва за лахъхъин баву оърмулучIан гъан бансса куццух луглай, учительнан цIунил ва цIунил зана бикIлан багъай цивппа яхъанахъисса кIанттул тарихрачIан, оърмулучIан, тIабиаьтрачIан. Мунияту учительнан экскурсиярттал ва цаймигу улча лахъхъаврин хас дурсса материаллал кумаграйну оърчIан литературалуя кIулмур гъарта буллан багъай.

Лакрал литературалуцIун бавхIуну цала кIану лахъхъаву му хъанай дур классрал къатIув дайсса давурттал яла захIматмур.

Мивун духлай дур фольклорданул произведениярдацIун бавхIусса историялул памятникирттащал оърчIру кIул баву ва цала кIанттул чичултрал оърмулущал ва дурмунищал дарсирдайнир гъарза-гъартану оърчIру кIул баву.

Укунсса кІулшивуртту дулаву мурадрай учительнал кружокраву гьуртту хъанахъисса оьрчІру за кІулсса инсантуращал хъунабакьин бувну, архивирттаву яхъусса документирттащал, газетирттащал, журналлащал кІул бувну, фольклордануву ва чичул произведениярдаву чІалачІи бувсса ишру хъусса кІанттурдайн походрайн, экскурсиярдайн буцирча ххуйну хъунтІиссар.

Цала кІанттуя, ганил лавгмуния, микку лявхъусса чичултрая, гайннал дурмуния, хъхъичІава цала улклуй хъанай бивкІсса иширттая кІулмур гьарта бан ччисса оьрчІру литературалул кружокравун буххайссар.

Лакрал цаппара школарттайгу дур цала историялуцІун, фольклордануцІун, чичултрал дурмуницІун дархІусса материаллу.

Вайннул кумаграйну, лакрал литература дихълахъисса учительтурал оьрчІан кІулмур гьарта буллай бур, миннан личІи-личІисса чІуннардий хъанай бивкІсса иширттал хъирив лаянсса гъира бутлай бур.

Кружокрал члентуран, литературалул хрестоматиялий чивчумурнир ххишаласса материал учительнал цала дулайссар, ягу дуккинсса кІану ккаккан байссар.

Цала кІанттул лавгмуния, тарихрая, халкъуннал дакІнихсса творчестволуя кІулмур авадан баврищал архІал оьрчІан произведениярдаву чІалачІи бувмунин, тарихраву хъанай бивкІмунин кьимат бишлан лахъхъайссар.

Фольклорданул произведениярттаву, магъраву, лахъи балайрдаву, учаларттаву, бусаларттаву чІалачІи увну ур хІакъсса инсан-зузала, буттал кІану душманная буручлачисса виричу, цала халкъ ва ватан ххирасса инсан укунсса хасиятрал лишанначІан кІункІу тІий икІан багълай ур оьрмулул ххулуу байбихълахъисса инсан.

Вай произведениярттангу багъайсса кьимат бивщуну, шивусса вирттаварал ххуйми хасиятру дуклаки оьрчлаву тарбия давриву цин лавхъхъусса кІану бугълай бур литературалул краеведениялул кружокрал.

Улча лахъхъаврицІун дархІусса давурттаву агъамсса кІану бугълай бур лув кІицІ лаглагисса даврил жулардал:

а) Цала райондалул оьрмулул личІи-личІисса чуллаясса, чичрулул давуртту дайни ишла дан куннасса материал оьрчІал цайнура цала датІаву;

б) Лакрал чичултращалсса хъунабакъавуртту;

в) Чичул оьрмулуцІун, ягу даврицІун бавхІусса кІанайн экскурсия баву;

г) Чичултрал цала ватандалун хас бувну чивчусса произведенияртту лахъхъаву.

Вай укунсса давурттавах оьрчІру шавкъирай хІала буххайссар, миннул гайннан цала Буттал кІанугу, миллатгу ххира хъун бан кумаг байссар.

8Литературалул кабинет.

Гъарца предметран цинма хасъсса кабинетраву дарсру дишаву школалул оьрмулувун цІакъну бувххуну бур. Школарттай цин лавхъхъусса, кабинетирттаву дарсру дишаврил опыт сакин хъуну бур. ЧІявуми школарттай литературалул ва мазрал дарсру дишай ца кабинетраву.

Кабинет – му хъанай бур дарс дишайсса класс-лаборатория ва учительнансса лаборатория, мунал цала чІалачІи пособия, методикалул пособия, классрал къатІувсса оьрчІащал цащаралусса даву, стенгазета итабакъаву – гъарзад дайссар ва кабинетраву.

Литературалул кабинетрал чИирттай лахъайссар лакрал писательтурал портретру, миннал мазрая тИий бивкІмур. Гьарцагу классраву буссар кабинет оформить бан кумаг бувансса оьрчІру. Миннал кумаграйну хІадур байссар чІалачИ пособия цукунсса дунугу темардан хас дурсса выставкарду.

Литературалул дарсирай яла ишла баймур ярагъ бур лу.

Кабинетравусса хъун бакъасса библиотека сакин байссар оьрчІал дарсирай ва классрал къатІувсса давурттай ишла байсса луттирдая. Вай луттирдай бикІайссар программалий лахъхьин ккаккан бувсса произведенияртту. Кабинетраву бикІан аьркинссар методикалул журналлу: «Литература в школе», оьрчІансса журнал «ЧІавалачин», литературно-художественный журнал «ЦІубарз», журнал «Зунттал хъами» ва мукунна лакку мазрай итадаркъсса критический литература.

Кабинетраву бикІан аьркинссар лакку мазрайсса орфографиялул словарь, лакку мазрал ва оьрус мазрал словарь ва мукунна кабинетраву бикІан аьркинссар писательтурал союзрал справочник, писательтурал оьрмулуя ва дурмуния чивчусса луттирду.